


ACHILLIS STATII
ALEXANDRINI DE CLIO-
tophontis & Leucippes amo-
rib. Libri VIII,

B.7.

E' Græcis Latini facti à L. Anne-
bale Cruccio.



Simus Luc. N. 152

BASILEAE, PER IOANNEM
Hervagium, anno 1554.



539



06. 6. 11. 3378.

L. ANNIBAL CRUCEIVS PETRO

Francisco Palaucino Episcopo

Alerie S. D.



ANNO ab hinc nono Achil-
lis Statij partem alterā ē græ-
co in latinū à me conuersam,
absq; auctoris nomine, ita e-
nim in manus meas peruene-
rat, diuulgauī. Ac non ita multo post Roma
pars altera cum auctoris nomine à Philippo
Archinto Salutienti episcopo, quem honoris
causa nomino, ad me missa fuit. Quod ut ini-
tiō magnam mihi uoluptatem attulit, ita no-
uum etiam imposuit laborē. Multi enim cum
primū id rescitum est, & hortari & efflagi-
tare cœperunt, ut, quibus dimidiatum opus
latinum legere per me licuerat, ijs integrum
quoq; liceret. Ac quanquam omnes, quibus-
cum de prima mea editione sermonem habe-
ri contigit, illam & se ualde probare, & ab a-
lijs magnopere probari audiuisse contende-
bant: ipsis tamen ut assentirer, mihi persuade-
ri nunquam potuit. Quin multa esse intelli-
gens, in quibus tunc mihi minus satisfecerā,
ab eo labore abstinendum prorsus esse cense-
bam. Abstinuissēq; profectō libenter, nisi

EPISTOLA

quorundam reprehensiones uitare satius duxissem : qui aut superbix, quòd honesta petentibus assentiri pernegassem : aut imprudentix, quòd à mutilato libro edendo non temperans, integrũ edere detrectassem, damnaturi me fortasse fuerant. Totũ itaq; tandem opus conuerti: & nunc publicè legendũ propono. Tantum uerò abest, ut crimine omni carere me posse credam, ut illud ipse sponte agnoscere uelim: quod in primis obiectum iri mihi certò sciam. Nam cum duo sint, mea quidem sententia, latina ex græcis facientium uitia (alteri enim fideles haberi cupientes, uerbum pro uerbo reddere student : quod ineptissimum est: alteri uitare ineptias, & splendorem orationis assequi posse putantes, liberiorẽ quadam licentia utuntur: quod à sententijs eos plerunque abducit) mihiq; in altero peccandum erat, quia quod horum medium est, extra culpam positum, ipse certè mihi nõ arrogo, in hoc postremo malui: præsertim cum licentia huiusmodi periculi nihil creatura esset. neq; enim de sapientum aliquorum placitis hic agitur, in quibus minimũ quoduis erratum difficilimas quæstiones parere cõsuevit. Omitto, græci exemplaris deprauatione coactum fuisse me aliquando diuinare, ac nonnul-

NVNCVPATORIA.

nōnulla ex ingenio emendare, ne totus asteri-
scis liber deformaretur. Id quod cūm alibi,
tum in fistulæ descriptione tentavi: quā cum
priorē editione, utpote deprauatam & muti-
lam præterijssēm, nunc latinam feci, uel arbi-
tratu potius meo descripsi. Quanquam au-
tem quo tempore integrū librum edere con-
stitui, pariter & illud constitui, nemini ut no-
minatim inscriptum emitterem: tamen obla-
ta mihi paulo pōst occasio, minimē illa qui-
dem contemnenda, sententiam mutare com-
pulsit. Nam cum tu proxima superiore æstate
parua quadam aura rumoris commotus, me
nondum de facie notum amare cœpisses, atq;
adeò ut amoris significationē non solum per
nobilissimos uiros absens absenti fieri cura-
res, uerūm etiā præsens præsentī dare uelles:
qui potui nō ipse omneis animi mei conatus
ad te, ut ita dicam, redamandum transferre?
sanē postea quā tu me domi tuæ tam ma-
gnificē tāq; humaniter Ticini accepisti, tuāq;
omnia mihi patēre iussisti: non potui non
omne meum studium, diligentiam, operam,
nedum amorem atq; obseruantiam, tibi per-
petuò debere. Quoniam uerò ingenui animi
est, cui multum debeas, ei plurimum uelle de-
bere: in beneficij loco à te peto, ut laborē hūc

EPISTOLA.

meum in nomine tuo apparere molestè ne feras. Non sum nescius, ineptè atq; intèpestiuè me facere, qui leuissimas nugas homini grauiissimo nuncupare in animū induxi: sed cum in eo semper elaborauerim, bonum ut nomē existimarer, ab rebusq; alijs omnibus imparatus nuuc sim, munusculum hoc pro ijs quæ debeo arraboni tibi datum uolui. Tu pro tua incredibili humanitate, qualecunque illud est, boni consule: & quem semel apud te mihi locum dedisti, eum perpetuò ut obtineam, cura. Vale. Mediolani XII. Calend.

Januar. M. D. LII.

2

ACHILLIS STATII ALEXANDRINI de Clitophontis & Leucippes amoribus Liber primus.



SIDON Phœnicie princeps ciuitas, Thebanorumq; generis origo, in Aſſyrij maris litore poſita eſt. geminum ea portum amplo admodum ſinu, uerum aditu anguſto, maris aquam ſenſim accipiente, completur, ubi enim dextrum ſinus latus curuatur, additus illic alter patet: per quem aqua ruſſum illabitur: itaq; portus portui adiungitur, ut in illo hyeme, æſtate in hoc tutam naues habeant ſtationem. Eò cum ex alto tempeſtate reiectus fuiſſem, Phœnicum deæ (Sidonij Aſtarten, Venerem latino-rum pleriq; uocant) quæ pro recepta ſalute conſueuerunt, ſacra feci. Deinceps cum alia ciuitatis loca perlustrarem, ac in deorum templis mœnibus ſuſpenſa contemplerer, tabulam animaduerti pictam, terram ac mare, necnon Europæ fabulam continentem: ac mare Phœnicum, Sidoniorum terra eſſe dignoſcebatur. in terra pratum erat uirginibus refertum: in mari taurus natabat, formoſamq; humeris puellam ſuſtinens Cretam uerſus curſum tenebat. pratum multa florũ uarietate diſtinctum, arborumq; et fruticũ copia interſitum erat: quarum rami atq; frondes mutuo

complexu ita sese neſcebāt, ut teſti uſum floribus
præſtarent. umbram quinetiam ſub frondibus pi-
ctor effinxerat eo artificio, ut locis aliquot radij
ſolis modicè pratum illuſtrarent, tantum ſcilicet
quantum quidem contextas frondes patère uoluit
pictor. Cæterum harundinum corona pratum u-
niuerſum undiq; munierat. ſub plantis narcifſo, ro-
ſa, myrtoq; ordinatim ſati puluini cernebantur.
ſed & ima ex terra ſcatebat fons, qui medium
pratum, floresq; ac plantas, hac illac diſcurrens,
irrigabat. nec deerat qui ſumpto ligone riuiulo
imminens, aquæ uiam patefaceret. In ea prati par-
te quæ mare attingebat, uirgines pictor expreſſe-
rat, uultu cùm hilaritatem, tum mœrorem indi-
cantes. corollæ ijs in capite erant: crines per hu-
meros effuſi, pedes uinculis exuti, crura ueſtibus
zona genutenus ſuccinctis nudata, os pallidū, ge-
næ contractæ, oculi mare intuentes, labia tan-
quam uocem præ metu emittentium nonnihil hi-
ſulca, manus taurum uerſus protentæ. ad mare au-
tem eoſq; proceſſerant, ut pedis partē ſuperiorē
aqua pertingeret. corporis totius ſtatus is erat, ut
& ad taurum contendere uelle, & undis crede-
re ſe uereri uiderentur. mari color inerat duplex.
terræ enim propinquior pars ſubrubebat, remo-
tior uerò & profundior cærulea erat. illic ſco-
puli etiā è terra proiecti extabant: quos è tume-
ſcentibus,

ſcentibus & ſaxo alliſis fluctibus facta ſpuma de-
albabat. Medio in mari pictus taurus ab undis ue-
hebatur, montis inſtar attollente ſe unda, qua bo-
vis crura flectebatur. tauri dorſo uirgo inſidebat,
non equitum more, ſed utriſq; dexterum in latus
pedibus aptè demiſſis, læuaq; cornu, quomodo ha-
benas aurigæ ſolent, tenebat: manum enim taurus
ſequebatur. Virginis pectus ad pudenda uſq; alba
tunica, corpus reliquum purpurea læna contege-
batur: omnia tamen per ueſtem cernere licebat.
nam & profundus umbilicus, & planus uenter,
& anguſta ilia, uerùm amplos in lumbos deſinen-
tia perſpiciebantur. papillæ modicè tumebant, zo-
naq; adducta unâ cum tunica, quæ corporis ſpe-
culum erat, ſuccingebantur. manu altera cornu,
caudam altera uirgo apprehenderat, & utriſq;
etiam capitis tegmen utrinq; circũ humeros effu-
ſum ſuſtinebat: cuius ſinum depictus uentus ita
implebat, ut omni ex parte intumeſceret. puella
tauro inſidens nauis inſtar ferebatur, peplo ueli-
uſum præbente. tauro delphini aſſultabant, illu-
debant amores; quorum quidem motus etiam illic
pictos eſſe diceres. ſanè paruulus infans taurum
trahebat, alas interim expandens, pharetram ge-
ſtans, faces retinens, atq; ad Iouem conuerſus ri-
debat, quaſi eum, quòd ſui cauſa in taurum mu-
tatus eſſet, irrideret. Ego igitur cùm alias picturæ

parteis laudabam, tum Cupidinem taurum trahentem accuratius intuens, ita mecum loquebar: En ut infantis iussa coelū, terra, mare faciūt? cum adolescens, qui tum sortē aderat, meaq; uerba intellexerat, Huius equidem, inquit, ego quoq; rei testis esse possum, cui tot amoris causa incommoda cuenerunt. Tum ego, Cuius nam modi sunt, inquam, ô bone uir, quæ perpeſsus fuiſti? tuus enim aspectus ab huius dei mysterijs te non abhorrentem declarat. Tum ille: Ad permixtam, inquit, confusamq; rerum seriem commemorandam me reuocas: fabulis enim ea omnia similia sunt. Tum ego: Ne per Iouem, perq; Amorem ipsum, inquam, molestum tibi sit, hac me ratione magis iuuare, tametsi fabulosa uideantur. Hæc cum dixissem, manu prehensum hominem uicinum quoddam in nemus per duxi: ubi permultæ atq; opacæ platani succreuerant, perspicuaq; ac tanquam nuper liquesacta niue, frigida aqua dimanabat. illic cum humili quodam in loco sedere hominem iussissem, ipseq; pariter assedissem: Tempus est, inquam, initium narrandi ut facias. delectationis omnino locus hic plenus, amatorijsq; fabellis planè dignus est. Tum ille ab hoc principio exorsus est dicere: Gentis mihi origo è Phœnicia est, patria Tyrus, nomen Clitophon, pater Hippias, patris frater Sostratus, quod quidem ad patrē attinet: nam matres

tres duæ fuerunt, Sostrata Bysantia, Hippia Tyria, Sostratus Bysantij, propterea quod inibi matris hereditadē sanē nō exiguā creuerat, semper cōmoratus est: pater meus Tyri. matrē ipse meam nunquā uidi, ut quæ suū infante me obierit diem: itaque alteram sibi pater uxorem adiunxit: ex qua sororem mihi nomine Calligonē genuit, quā mihi uxorem dare decreuerat. sed potēiora hominib. fata mihi aliā seruabāt. FREQUENTER autē dei mortalibus futura in somnis prænunciare consueuerūt, nō quo mala præcauēdo euitent (neque enim fato iri obuiam potest) sed quo æquiore, cum euerint, animo ferant. repētina enim et inexpectata percussam improviso aduentu mentem frangūt atque prosternunt: præuisa uerò, & præcauta, dum ad eorum cogitationem animus pedetentim deducitur, longē minus affligunt. Itaque cum nonū & decimū agerem annum, nuptiasq; non ita multopost pater facturū esset, fabulam fortunæ incēptauit. nam cum me quieti dedissem, uisus sum ita cum uirgine coniungi, ut à capite ad umbilicū usq; duo corpora essemus, deinceps uerò in unum coaluissemus: mulieremq; aspectu horribili, magna statura, uultu agresti, sanguineis oculis, genis asperis, uipereis crinibus, falcem dextera, læua faculam tenentem nobis imminere: atque iratam extenta falce plagā, qua duo in unū corpora

corpora coierant, imponere, uirginemq; à me abscindere. quam ob rem timore perculsus, ac ex somno excitatus, mala hæc nemini palàm feci: sed in eorum cogitatione solus uersabar. interea Byfantio literæ ab eo, quem dixi, patris mei fratre hoc exemplo allatæ sunt.

SOSTRATVS HIPPIAE FRATRI S. D.

Leucippe filia, & Panthia uxor mea proficiscūtur ad te: bellum enim à Thracibus Byfantijs infertur. tu charissima pignora nobis ad belli exitum usq; custodi. Vale.

Cognita literarū sententia consurrexit pater, statimq; ad mare se cōtulit: atq; haud multo post, magna cum seruorū, ancillarumq;, quas cum uxorē ac filia Sostratus miserat, turba sequente reuersus est. inter eas mulier erat procera, preciosamq; stolam induta: in quam simul atq; oculos conieci, sedentis in tauri tergo Europæ mihi uenit in mentem. erant ei quadam cum iucunditate truces oculi, crines flauī crispīq;, supercilia puro nigrore delibuta, genæ candidæ: nisi quòd earum medium rubore purpuram, qua Lydiæ mulieres ebur inficiunt, imitante suffusum erat: os rosæ foliorum labra aperire incipienti persimile. itaque
 53 statim, ut eam contemplatus sum, occidi. FOR-
 53 MA enim ad inferendum uulnus telo acutior est,
 per

per oculosq; amatorio uulneri aditum patefaciēs
in animum penetrat: temporisq; momento eodem
et proceritatem laudare, et pulchritudine ob-
stupefieri, et corde tremere, et oculis lasciuus
intueri, ac ne deprehenderer uereri coactus sum:
saneq; oculos à uirgine auertere conabar: sed illi
repugnabant, formæq; suauitate plecti eò sese
referebant, et uictoria tandem potiti sunt. cete-
rùm mulieribus intrò ad nos ductis, domusq; par-
te quadam eis attributa, pater coenam parari ius-
sit, ac quoniam tempus eius uenerat, bini singulis
mensis accubuimus, huiusmodi ab Hippia ordine
adhibito, ut ipse et ego mediam, matres sinistra,
dexteram uirgines obtinerent. quod cum ipse ani-
maduertissem, parum absuit, quin ad patrem, pro-
pterea quòd uirginem exaduersum oculis meis col-
locauerat, osculandum procederem. uerum enim-
uero quid in ea coena comederim, ita me Di ja-
ment, dicere haud sciam, ijs nimirum similis, qui
coenare sese somniant, sed cubito mensæ innixus,
ac toto capite inclinatus puellam contemplabar,
illius interim obtutus suffurans: atq; hoc mihi coe-
na erat. postea quàm finis edendi factus est, è pue-
ris domesticis unus cum cithara processit, ac pri-
mum nudis manibus fides tentans, exilem quen-
dam sonum, digitis murmur adiuantibus, edidit:
deinde sumpto plectro, cum aliquantulum chor-
das

das percussisset, citharæ sono uocem ipse suam ad-
didit, concinuitq; ut fugientem Daphnen Apollo
incusaret, simulq; persequeretur, ut iam iam com-
prehensurus esset, ut puella in arborē mutaretur:
cuius ille frōdib. coronā sibi demū fingeret quæ sa-
nè cātilena meo ardentiores faces amorī subiecit.

- 33 AMATOR IVS enim sermo uehemens quæ-
 33 dam cupiditatis incitatio est. ac quāquam ad tem-
 33 perantiam aliquis comparatus est, exemp' o ta-
 33 men ad imitandum trahitur, eoq; facilius, quo no-
 33 bilius proponitur exemplum. nam pudor, qui à
 33 peccando reuocabat, præstantioris alicuius digni-
 33 tate loco pulsus, in licentiam commutatur. hisce
 itaq; uerbis memet alloquebar: Annon Apollinem
 amore captum esse? et pudorem abiecisset? ut uir-
 ginē palām sequi uides? quid tu igitur desidia tor-
 pes, et pudore uictus alieno tempore continentia
 præ te fers? num tu Deo præstantior es? Cæterū
 tum aduerserasset, primæ cubitum iuere mulie-
 res, nec multo pōst nos, alij quidem cœnæ uolupta-
 tem uentri, ego uerò oculis largitus: nam puellæ
 imagine, merisq; obtutibus exaturatus, ac planè
 amore ipso ebrius, intra cubiculū, in quo cubare
 consueuerā, me recepi: ubi somnū nulla unquā ra-
 33 tione capere quīui. NATVRA equidē ita fert,
 33 ut cūm alij morbi, tū corporis uulnera noctu mo-
 33 lestiora sint, et quiescentib. nobis uehementius intē-

dan-

datur, et maiores efficiant dolores: quiete enim ca-
 pientibus membris, uulneri ocium datur saeuire di-
 nec sane alia est uulnerati animi conditio. nam
 dum motu corpus uacat, saucius ille maiore in mo-
 dum excruciat. oculi enim atque aures multis in
 rebus interdum occupatae, solitudinum aculeos mi-
 nus sentiunt, animumque distrahunt, ut dolendi tem-
 pus non supersit. quod si ocio membra detinean-
 tur, animus se ipse colligens, assiduus malorum pro-
 cellis iactatur: quae enim consueque sopita iacuerant,
 exuscitantur, et praesto sunt omnia, in luctu uide-
 licet constitutis moerores, aliqua de re sollicitis co-
 gitationes, in periculo uersantibus metus, amore
 ardentibus ignes. tandem appropinquante auro-
 ra misertus mei somnus leuationis aliquantulum
 mihi attulit: nec tamen meo ex animo puella tunc
 abiit: sed omnia mihi de Leucippe somnia erant,
 cum illa loquebar, ludebam, coenabam, ac maiora
 quidem tum, quam interdum, bona conseequebar. oscula-
 bar enim, ueraque osculatio erat. itaque cum me famu-
 lus excitasset, importunitate illius, quod tam dul-
 ci me in somno interpellauisset, maledictis prose-
 cutus sum. ac estratis surgens, puellae domum de
 industria ingressus, in eius conspectu deambulatio-
 nem contuli, allatumque mecum eo tempore librum demissa
 fronte legebam ita, ut quotiescumque foribus appropinqua-
 ueram, oculorum aciem in eam conuerterem. factis
 denique

deniq; aliquot spacijs, amorē uidendo hauriēs pā-
lām disceſſi, animo miſerē affecto. hūc in modum
tres mihi dies conſumpti ſunt. Erat conſanguineus
meus, utroq; parente orbatuſ, cui Clinia nomen
fuit. is duobus annis me natu maior, adoleſcentuli
amore tenebatur: tantaq; erga illum liberalita-
re uſus fuerat, ut cum equum emiſſet, uiſumq; ado-
leſcēs laudaſſet, eum illi ſtatim ſit elargituſ. hunc
ego conuicijs inſectari non ceſſabam, quòd tan-
tum ſibi à re ſua ocij eſſet, ut amoru operam da-
ret, eiſq; illecebris irretituſ teneretur. ille autem
me irridens, & caput quaſſans, Futurum aliquan-
do eſt, inquit, ut tu quoq; irretiaris. ad eum igitur
ſtatim cum ueniſſem, ac data ſalute aſſediſſem:
laſtatorum in te nunc, inquam, Clinia conuicio-
rum tibi poenas luo, captuſ enim ego quoq; ſum.
tum ille iaſtatiſ manibuſ plaudens, in riſum ſeſe
effudit: cōſurgensq; amatorias uigiliis indicantē
faciem mihi ſuauiaſ eſt: ac, Reuera, inquit, amo-
re captuſ eſ: tui enim id oculi declarant. hāc uix
protulerat, cum Charicles (id erat adoleſcenti nō-
men) introijt: ac, Vehementer cōturbatuſ adſum,
inquit, ō Clinia, certioreſ te ut faciam: atq; hic
unā cum eo ſuſpirans, Clinia, tanquam ex adole-
ſcentuli anima penderet, lingua titubante, perdis
me tuo, inquit, iſto cum ſilentio. quid eſt quod te
excruciat? aut quicum pugnandum erit? tum Cha-
ricles

ricles, Vxorem, inquit, mihi pater dare studet, tamq; deformem, duplici ut malo mulier. nam cum magnū malū sit formosa mulier, qui poterit deformis non duplo maius esse: sed pater meus diuitijs inhians affinitatem istam affectat. me miserum, qui pecuniæ trador, ut uxoris mancipium sim. Quæ Clinia cum audiisset, expalluit: atq; in mulierum genus acerbius inuectus adolescentē à re uxoria dehorattus est: Tibi ergo uxore iā dat pater? quidnam commeruisti, ut in uincula coniugiaris? annon louem audis ita canentem?

His ego surrepti preciū ignis ab æthere pestē

Demittam: læta cuncti quam mente sequantur. eiusmodi est quæ malis è rebus percipitur uoluptas Seirenū scilicet naturæ persimilis: illæ enim cantus suauitate mortales perdūt. mali autem magnitudinem ipso ex nuptiarū apparatu, tiliarum uidelicet clangore, crepitu ualarū, funalium incendio intueri tibi licet. iam quis tantos tumultus uidens, non eum miserum uocet, qui uxorem sit ducturus? mihi quidem certè in pugnam is mitti uidetur. si ab humaniorum literarum studijs abhorres, meritò tu quidem mulierum facta ignorare posses: uerū cum in ijs tantum profeceris, ut alijs etiam, quot illæ scenis argumenta suppeditauerint, commemorare queas. quid est quod Eriphyles monile, Philomelæ mensam, calumniam

b

Stheno-

Sthenobœæ, Aeropes incestum, Progenes in iugulando filio immanitatem obliuioni tradidisse uideris? quòd si Agamēnonem Chryseidis, Achillem Briseidis forma pellexit aliquando, ambæ utiq; in causa fuere, ut alterius exercitus pestilentia consumeretur, alter in squalore ac luctu diutissimè iaceret. formosam Hercule Candaules uxore duxit: sed ab ea etiam necatus fuit. nuptiales Helenæ faeces Troiam cremauerunt. Penelopes castitas innumeros procos leto affecit. ac Phædra quidem Hippolytum, cuius amore flagrabat: Clytemnestra uerò Agamemnonem, quem oderat, è medio tolli curauit. O mulieres ad omne semper flagitium paratas: quæ ijs quos diligunt, æque perniciosæ sunt, atq; ijs quos oderunt. quid uerò causæ fuit, quam obrem Agamemnonem interfici oporteret, cuius pulchritudo coelestis erat,

Et caput, atque oculi similes magno altitonanti? & tamen uiro huiusmodi, proh Iupiter, caput mulier abscidit. ac de formosis quidem mulieribus commemorari hæc possint: in
 ,, quarum consuetudine mediocris infelicitas inest:
 ,, pulchritudo enim calmitatem aliqua ex parte leuat, unumque ipsa in malo bonum est. uerum si, ut tu ais, deformis sit, duplo quidem certè maius malum fit. ac quo pacto quis ferre queat, tali præsertim ætate & forma tam bonæ?
 ne te

nete, per deos, ô Charicle, in seruitutem tradas, neu florem ætatis tuæ ante tempus perditum eas. ad alia, quæ in nuptijs mala sunt, id etiam accedit, ætatis robur ut absument.

Noli, amabo te Charicle, noli, inquam, temet conficere, aut uenustam rosam inuenusto agricolæ colligendam præbere. Tum Charicles, Hoc dijs, inquit, & mihi curæ fuerit: non enim nisi post dies aliquot, nuptiæ fient. multa uerò & noctu agi possunt: ac nos per ocium considerabimus. nunc quod superest, ad equestre certamen abeo: neque enim equo à te mihi donato hæctenus usus sum: exercitatio hæc animi mœrorem leuabit. ita ille abiit, primum ac postremum curriculum confecturus. Ego uerò Clinia, uti res meæ sese haberent, ut in amorem prolapsus essem, ut uidendi mihi copia esset, narrare pergo: addo etiam diuersorium, coenam, puellæ pulchritudinem. tandem absurda loqui me sentiens, Dolori ô Clinia par, inquā, esse nequeo. Amor enim suum in me furorem omnem effundit, nullum somno locum omnino ut relinquat. Leucippe mihi perpetuò in oculis, animoq; uersatur: nec quisquam est, cui calamitas huiusmodi euenerit, malum enim mihi domi est. tum Clinia, Infanti quidem certè hæc, inquit, oratio est, cum tam felici amore fruaris: neq; enim alienæ tibi fores ade

unde, aut internuncij adhibendi sunt. ipsam tibi
amicam fortuna nedum dedit, sed etiam in domo
statuit. alteri quidem amanti satis esset, amatae
uirginis aspectu frui: maximaq; illi uoluptas pu-
taretur, si oculos uidendo exaturare posset. bea-
tissimi uerò illi existimantur, quibus colloquendi
facultas tributa sit. tu autem & uides & audis
semper, unaque & es, & potas: & quanquam
tam beatus es, conquereris tamen, atque ingra-
ti in amorem animi crimine laboras. an nescis
maiores in exoptata uirgine contemplanda uo-
luptatem esse, quàm in cōtrectanda? NAM dum
se se oculi mutuò respectant, imagines corporum,
speculorum instar, suscipiunt. pulchritudinis au-
tem simulacra ipsis à corporibus missa, & ocu-
lorum ministerio in animam illabentia, nescio
quam, seiunctis etiam corporibus ipsis, permistio-
nem sortiuntur, corporum congressu, qui certè ina-
nis est, longè iucundiores. tibi uerò ego rem bre-
ui ex sententia processuram prænuncio: maximè
enim ad persuadendum momentum habet conti-
nuus usus: conciliatores enim amoris oculi sunt:
atq; ad gratiam comparandam assidua consuetu-
do maximum in modum conducit: cuius quidem
tanta uis est, ut feras, nedum mulieres, mansuefa-
ciat. iam uerò aliquid etiam ad uirginem illicien-
dam equalis amantis ætas potest. quod præterea
in ipso

in ipso ætatis flore ad ea impellit, ad quæ natura
ferimur, si id etiam addatur, ut amari quæpiam se
intelligat, mutuum amorem gignit: uirginum e-
nim unaquæq; formosam se esse credi uult, atq; a-
mari gaudet, amatoremq; tanquam formæ testem
laudibus extollit. ac si qua est, quæ nondum se à
quopiam diligi sentiat, sese minimè formosam ar-
bitratur. illud unū ergo in primis te hortor, ut om-
ni studio enitare, quo se à te amari credat: ita e-
nim te quamprimū imitabitur. at quonā pacto ea,
inquam, fient, quæ prænuncias? agedum tu, quid
agā, me mone: Amoris enim sacris ante me initia
tus es, maioreq; usu polles. quibus dictis, factis ue-
utar? quo modo amatae uirginis compos euadam?
rationem enim inire ipse nescio. tum Clinia, Mini-
mè, inquit, opus est, ut id ex alijs discere labores.
Deus hic ipse sibi præceptor est. ac quemadmodū
infantes comesse nemo docet, sed per se ipsi di-
scunt, paratumq; sibi esse in mamillis nutrimen-
tus intelligunt: sic adolescentes amore tū primum
pregnantes, haudquaquam magistro ad parien-
dum indigent. Si te dolor stimulauerit, ac dies ne-
cessitatem afferat, quamuis primus hic tibi partus
futurus sit, non tamen errabis: sed pariendi tibi
facultatem Deus ipse dabit. quæ autem uulgaria
sunt, nec temporis opportunitate aliqua opus ha-
bent, ea percipe. uirginem in primis ne de stupro

appelles, caueto: sed ut negotium re ipsa conficiatur,
 ,, tur, silentio curato: pari enim uerecundia pueri
 ,, sunt, et puellæ. ac quanquam uenereorum cupi-
 ,, ditate teneantur, nō tamē de ijs quæ perpetiuntur
 ,, sermonem secum haberi uolunt, turpitudinem in
 ,, uerbis collocatam existimantes. quæ uiros exper-
 ,, tæ sunt, uerbis etiam delectantur. uirgines uerò
 ,, amantium præludia tentandi gratia adhibita se-
 ,, runt, nutibusq; uelle sese statim significant. Itaq;
 si ad uenerē uerbis inuites, aures eius oratione illa
 offends, erubescet, auersabitur tua dicta, cōuiciū
 sibi fieri putabit: ac quominus uel cupiens promit-
 tat, pudore præpedietur: tunc enim ipsi se rei ope-
 ram dare arbitratur, cum maioribus uerborum
 illecebris ad eam inuitari se audit. Sin uerò cona-
 tu aliquo alio sensim adhibito morigeram illā red-
 dens promptē accefferis, multo tu quidem, seclusis
 ut in sacris fieri solet, silentio utitor, ac paulatim
 ,, appropinquans osculum dato. AMANTIS e-
 ,, nim uiri osculatio apud uolentem puellam tacitæ
 ,, petitionis, apud nolentem precationis obtinet lo-
 cum. iam uerò etsi compacto, ac sæpe etiam spon-
 te aliquæ obsequantur, uim tamen uideri sibi alla-
 tam uolunt, quo necessitatis opinione uoluntariā
 turpitudinem excusent. licet itaq; repugnantem
 uideas, detineri tamen noli: sed quoniam modo in-
 repugnādo se habeat, obserua: prudētia enim hac
 quoq;

quoq; in re opus est. ac si perstare in sententia cognoueris, uim ne adhibeto, sed nondum persuasam esse scito. tractabiliore aut eam reddi si uolles, dissimulato: neque tute tibi rem tuam perditum ito. tum ego, Magna mihi, ô Clinia, inquā, adiumenta supeditasti: neq; dubito, quin è sententia res procedat. uerum enim uero metuo, ne maiorum felicitas hæc mihi malorum initiū sit, atq; ardentiorē me in flammā cōijciat. quā ob rē si morbus hic incrementum capiat, quid mihi agendū erit? hanc quidem uxorem ducere non possim, propterea quod altera mihi auctore ac suasore patre non iniusta uolente, desponsa est, minimè illa quidem peregrina deformisue. nec uerò me illi, quod de Charicle fit, pater uenundat: sed filiam mihi suam dat omnium, excepta Leucippe, formosissimā. uerum ego nunc, quod quidem ad illius formam spectandam attinet, oculis captus sum: neq; omnino quicquam præter Leucippem cerno. saneq; inter duo contraria uersor. amoris uehementia, et patris pudor animum meū diuerse trahunt. quā controuersia hanc dijudicabo? necessitas cū natura pugnat. mihi quidem secundum te pater sententiā dicere in animo est. Sed aduersarij potentia obstat. is tormenta iudici adhibet, adest cū sagitis. facies tenens causam dicit. parebo illi pater: flammis enim circūuenior. hæc de amore Deo inter nos philosophabamur,

b 4 cum



cum repente familiariū Chariclis unus ingressus est, aduersum nuncium uultu ipso præseferens, ita ut eo uiso Clinia uocem hanc statim miserit: Charicli certè mali aliquid euenit. quæ uerba proferre nondum finierat, cum ille, Charicles, inquit, mortuus est. quo nuncio ita percussus est Clinia, ut tanquam fulmine ictum uox eum motusq; descenderint. puer narrare pergens, Ascēderat, inquit, Charicles tuum in equum Clinia, & leuiter primò eum impulit: dein uerò cum duos trēs ue cursus confecisset suinuit, ac sudantem retraxit. eæ autem dum dimissis habenis in eo sedens madidâ sudore sellam detergit, strepitum à tergo fieri quo perterritus equus, ac sese in altū saltu dans, huc illuc incerto cursu ferri cœpit: frenum enim mordens, collum intorquens, iubas quatiens, ac pauore stimulatus in aerem sustollebatur: anteriores pedes saliebant. posteriores primos assequi festinantes cursum accelerabant, eumq; propellebant: qui huiusmodi pedum contentione sublatus sursum, deorsumq;, pro modo celeritatis eorum, instar fluctuantis nauis dorso agitabatur. succussu hoc compulsus infelix Charicles nunc ad caudam, nunc ad collum reijciebatur, fluctuationeq; huiusmodi miserum in modum uexabatur. tandem cum habenas moderari amplius nequiret, fortunæ se flatibus totum permisit. tum uerò equus uehementer

per incitatus, atq; à recto tramite deflectēs, in syl-
uam se coniecit, miserumq; adolescentulum arbori
statim illisit: qui tanquam tormento emissus, è sel-
la deturbatus est, facie tot vulneribus deformata,
quot ramorū cuspides eiectione exceperunt, ipsum
uerò corpus habenis implicitū in mortis semitam
raptatum fuit illius enim lapsu perterrefactus e-
quus, & ne currere posset, impeditus, quod fugæ
obstabat, calcibus conculcauit, ut iam nemo illum
agnoscat. his cognitis rebus Clinia stupore oppres-
sus aliquādiu tacuit: deinde tanq̃ impetrata à do-
lore uenia, maximos edidit ciulatus, ac summa cū
celeritate ad cadauer se contulit: quem ipse quoq;
quibus poteram uerbis consolando secutus sum.
interea Charicles allatus est, luctuosum sanè ac
miserabile spectaculum præbens: totus enim con-
cisus erat, ac lacer, adeò ut eorum, qui aderant,
nemo lachrymas contineret. porrò illius pater la-
mentationem huiusmodi magno cum gemitu ac
ac plāgore cœpit: Qualis à me abisti fili? qualis re-
uerteris? ô diram equitandi artem. tu Hercule con-
suetam mortem mihi ereptus non fuisti: sed nec quæ
mortuo conueniat, imago tibi relicta est. alijs in
cadaueribus, siue lineamentorum uestigia depe-
reant, siue uultus decor abeat, effigies ipsa tamen
seruatur: quæ dormientem imitata dolentiū mœ-
rorem leuet, animā quidē certè homini mors adi-

mit:uerū in corpore hominis formā relinquit. sed
tibi hæc etiam à fortuna fuit erepta. morte igitur
duplici affectus es, corporis uidelicet, atq; animæ.
ita imaginis quoq; umbra commortua est. spiritus
ipse quidem tuus auolauit: nec tamen in corpore
te inuenio. ecquando fili mihi uxorem duces? ec
quando imperfectè atque infelix eques nuptia-
lia tibi sacra celebrabo? tibi Hercule nunc pro cu-
bili sepulchrum, pro nuptijs mors, pro hymenæo
neniæ, pro nuptiali cantu lamentationes paratæ
sunt. alius modi tibi ego ignes, fili, accendere spe-
rabam: sed inuida illos unà tecum fortuna ex-
tinxit, funebresq; pro ijs faces excitauit. ô diras
faces. nuptialis flamma in sepulchralem tibi com-
mutata est. ad hunc sanè modum pater conquere-
batur. Clinia uero contrà (lugendo enim pater, at-
que amator certabant) secum ipse solus, ego qui-
dem, inquit, hero meo periculum istud creauit.
nam quid ego illi munus eiusmodi misit? annō mihi
aureū poculū erat, quo sacra faciēs biberet, meoq;
munere frui gauderet? ego miser belluam formoso
adolescenti dono dedi, eamq; argenteis phaleris,
aureis habenis, alijsq; cum frontis, tum pectoris
ornamentis cōmuniui. ego, me miserū, qui te, Cha-
ricle, perderet, auro insigniui. ô ferarum omnium
immanissima bellua, scelestā, ingrata, à pulchritu-
dinis cognitione abhorrens hic tibi sudorē abster-
sit,

fit, largum pabulum promisit, cursum laudauit: tu uerò laudibus affectus cum peremisti. tu nō solū eiusmodi equitis onere non es lætatus, sed etiā amoris sensu carens pulchritudinē humi deiecisti. ô me infelicem: qui eum, à quo interficereris, emi. posteaquā funeri iusta soluta sunt, ad Leucippē, quæ nostro in hortulo tum morabatur, cōuolaui. nemus illic creuerat aspectu iucundissimo, mæriaq; iustæ altitudinis circūcingente: cuius latera quatuor, tot enim omnino erant, tecto columnis imminēte operta uisebātur. pars interior plātārū multitudine cōsita erat, ramis florentib. et sese mutuo cōplicantib. folijs aut fructibusq; inter se permixtis: tāta erat plantarū dēsitas. Porro maiorib. quibusdā arborib. hederæ et smilax adnatæ erāt. atq; hæc quidē è platano molli, ac densa coma pēdebat, illa uerò piceæ adhærens truncū amplexu teneriorē efficiebat. hoc pacto arbor hederæ uehiculū, hederæ arbori corona erat. ex utraq; arboris parte luxuriabāt harūdinib. alligatæ uites quarū racemi tēpestiuos flores ab ipsis harundinū fōraminib. tanq̃ arboris cincinnos quosdā pendent ostendebant. terra aut, quā superimpēdentes frondes opacabāt, modò hic modò illic illustrabatur, dum eæ ipsæ frōdes uēto impulsæ uariantib. solis radijs aditū præberēt. ad hæc uarij suā qsq; pulchritudinem flores certatim cōmonstrabant,

purpu-

purpureamq; narcissus ac rosa terram efficiebāt,
 quorum calathi, quod ad formam attinet, persimi-
 les erant, plantæq; calicis uicem præstabant. fo-
 liorum rosæ pars superior, quæ scilicet calathus
 extabat, sanguinis, ac uiolæ. inferior uerò lactis
 colorem præseferibat. narcissus nihil omnino ab
 ima rosæ parte colore distabat. uiolæ nullus qui-
 dem calathus erat, uerum color is, quem tranquil-
 li maris aquam habere cernimus. in florum medio
 scaturiens fons quadrato alueo, riuoq; manufacto
 excipiebatur, speculiq; instar efficiebat, horti ut
 illic duo, alter re, alter umbra esse uiderentur. in
 nemore aues aliæ domesticæ, humanoq; cibo man-
 suefactæ pascebantur: aliæ liberæ in arborum
 cacuminibus ludebant, partim quidem proprio
 cantu insignes, cicadæ uidelicet, atq; hirundines:
 partim uerò pennarum fulgore præstantes, nem-
 pe pauo, cygnus, et psittacus. cicadæ Auroræ cu-
 bile, hirundines Terei mensam canebant: cygnus
 prope fontis exortum pascebat, psittacum pen-
 dens ab arbore cauea continebat: pauo inter flo-
 res pennas explicans, cum florum ipsorum aspe-
 ctu, cumq; uolucrum colore splendore contende-
 bat: quinimo pennæ ipsæ flores erant. puellam i-
 gitur in amoris sensum inducere cupiens initium
 loquendi cum Satyro, sumpto à pauone sermonis
 argumēto feci: forte fortuna enim cum Clione deā
 bulans

bulans aduersus eum constiterat, caudæ ornatum
casu quodam pandentem: atq; non equidem sine
arte hoc, inquam, à pauone fit: sed cum ad aman-
dum pronus sit, dilectam à se foeminam allicere
cupiens, hoc sese pacto exornat, uidésne (et ma-
nu indicaui) iuxta platanum foeminam illam? et
nunc hic pulchritudinem suam, pennarum uide-
licet pratum, spectandam proponit. saneq; pau-
onis pratum hoc alio quouis longè floridius est: in
eius enim pennis oculorum serie distinctis aurum
omni ex parte purpura æqualiter cõuescitur. tum
Satyrus cognita orationis meæ sententia, quo mi-
hi esset, unde coeptum sermonem longius produce-
rem, tam latène patet, inquit, amoris uis, ut auibus
etiam ignem immittat? atqui non auibus solum,
inquam, sed etiam serpentibus, et quadrupedibus,
et plantis, atq; ut mihi quidem uidetur, etiam sa-
xis: ferrum enim magnes amat, et si modò uideat,
tangát ue, ad se trahit, quasi amatoriã in se flam-
mam contineat. id uerò annon est amantis saxi, at-
que amati ferri osculatio? quòd ad plantas atti-
net, philosophorum sententia est, quam planè fa-
bulosam putarem, nisi ei agricola subscriberent,
plantas alteram alterius amore capi: atq; ex ijs
molestiorem eum palmam sentire: aiunt enim ea-
rum alterum marem, foeminam alteram esse. ma-
rem igitur foemine desiderio teneri. ac si contin-

gat foeminā procul ab eo conseri, marē amantem
arescere. quam ob rem agricolam plantæ deside-
riū intelligentem editiore loco inscensō dispicere
quā in partem sese inclinet (inclinatur enim ama-
tam foeminam uersus) & cognitæ illius ægritudi-
ni medelam adhibere: foeminæ enim surculo sum-
pto in maris cor inferere, itaq; eius animū recrea-
ri, corpusq; mouens excitari, ac reuiuiscere ama-
tæ complexu delectatum. atq; hæ nuptiæ planta-
rum sunt. aliud etiam est aquarum Alphei fluiuij
amantis, & Arethuse fontis amatæ connubium.
fluuuius per mare non aliter, quā per terras iter
facit: nec dulcem eius aquam salso fluctu mare im-
buit: sed discedit, ac præterlabenti fluuiio disces-
sus ille aluei usum præstat, eoq; pacto ad Arethu-
sam Alpheus deducitur. in quinquennali aut O-
lympiæ, celebritate multi, alius alias res, in flu-
uij uertices immittunt: quas ille ad amatam statim
disfert, ea q; fluuij nuptialia dona sunt. in serpen-
tibus non solum eiusdem, sed etiam diuersi gene-
ris, aliud amoris arcanum inuenitur. nam uipera
terrestri serpens murenæ in mari degentis amo-
re deflagrat. est aut murena forma quidē serpens,
usu uerò piscis. ij cum congregari uolunt, mas in li-
tore consistens, ac mare uersus sibilans, murenæ
signū dat. illa eo cognito ex undis egreditur: nō ta-
men ad sponsum, cuius dentes mortiferos esse co-
gnoscit,

gnoscit, statim pperat: uerū scopulo aliquo cōscēso, illic tantisper expectat, dū ille ore uenenū eiecerit, interim cōtinentis incola amator, et insulae habitatrix amata mutuò sese cōtemplantur. cum primum igitur amans metu sponsam liberauit, illaq; uenenum humi proiectum uidet, è scopulo in continentem delabitur, amantemq; complectitur, osculationes eius minimè amplius uerita. hæc dū commemorarem, quò nam modo Leucippe amatoriam hanc narrationem audiendo afficeretur, obseruabam: quæ sanè non illibenter audire se subindicaui. Cæterum pauonis eximiam illam formā Leucippes uultus longè superare mihi uisus est: quippe cuius pulchritudo cum prati floribus certabat: narcissi enim in fronte, rosarum in genis color renidebat, oculorum fulgor iularum splendorem imitabatur. capillorum cincti hederæ contortionibus implicatiores cernebantur. ac tale erat, quod illius facies pratum referebat. non multo autem post illa illinc abiit: pulsandæ enim citharæ tempus eam inuitauerat: nec tamen mihi non adesse uidebatur, utpote quæ meis in oculis imaginem suam discedens reliquerat. Satyrus autem, atq; ego nosmet ea ratione mutuò commendabamus, quòd ipse fabulas narrassem, ille narrandi occasionem præbuisset. paulo post coenæ di tēpus uenit. priorem itaq; in modum rursus accubimus.

Liber

ACHILLIS STATII

Liber secundus.



INTEREA dum nostrum alter
alterum laudaret, ad puellæ thala-
mum peruenimus, eam uidelicet ci-
thara canentem audituri, à qua cō-
templanda ne minimum quidem continere ipse
me poteram. Illa descriptam ab Homero suis cum
leone pugnam primum, aliud deinde mollius e-
tiam, rosæ scilicet laudes, cecinit. ac si quis uerba
sine numeris referre uelit, huiusmodi propemodū
essent: Si regem floribus constituere Iupiter uoluis-
set, non alium certè, quàm rosam eiusmodi hono-
re dignatus esset. hæc terræ ornamentū est, plan-
tarum splendor, oculus florum, prati rubor, flos
omnium pulcherrimus. hæc amorem spirat, uene-
rem conciliat, odoratis folijs luxuriat, tremulis
frondibus, ac zephyri afflatu ridentibus delectat.
huiusmodi sane cantus illius erat. mihi uerò in ip-
sius labris rosam uidere uidebar, ut si quis cala-
mbitum corporis forma terminet. uix autem ca-
uendi finem fecerat, cum cœnæ tempus uenit. ac
tunc fortè Protrygæi Dionysij festi dies celebrabā-
tur: quem deum Tyrij sibi ipsi præesse uolūt: nam
et Cadmi fabulam canunt, et celebritatis eius in-
stituendæ originem huiusmodi quandam tradunt,
nullum uidelicet olim uinum mortales habuisse:
nondum enim nigrum, quod Anthosmiam uocāt,
non

non Biblinum, non Maronæum, non Chium, non I-
carium repertum fuerat: sed à Tyrijs ea omnia
manasse: primamq; illius procreatricem apud se
exitisse. Fuisse enim illic pastorem quendam, ho-
spitalcm, qualem Icariū Athenienses memorant,
qui fabulæ auctor fuerit, ab Attica sanè non dissi-
milis. ad eum diuertisse aliquando Dionysium: cui
quidem ille quæcunq; terra gignit, ac bouum plau-
strum, apposuerit. potū uero ipsis non alium quàm
qui bobus est communis fuisse, quòd uiteus nòdum
apparuisset. pastoris benignitatem Dionysium lau-
dauisse, hominemq; poculo uini pleno beneuolentiæ
ergo inuitasse: illam cum hausisset, præ uoluntate
gestire cœpisse, atq; ad Deum conuersum dixisse,
Vndènā tibi hospes purpurea hæc aqua est? aut ubi
gentium tam dulcem sanguinē reperisti? non enim
ex eo est, qui per terram labitur. ille enim minima
cum uoluptate in pectus descēdit, hic autem nares
prius quàm os delectat: cumq; tactu frigidus sit, in
uentrem delapsus iucundū calorem excitat. Tum
Dionysium respondisse: Aqua hæc ex uua, et san-
guis è racemis prouenit: pastoremq; ad uitē duxis-
se, acceptisq; ac simul pressis commonstrata uitis
racemis, dixisse: Hæc aqua est, hi aut fontes hoc pa-
cto uinū mortalibus, ut Tyriorū sermo habet, datū
fuit. Deo igitur illi sacer ac solēnis ille dies institu-
tus fuit. Quæ cum pater meus celebrare uellet ma-

gnificam ac lautam coenā imperauit, Deiq; sacrū,
 & à Glauci Chij cratere alterū poculū adhibuit. ē
 celato id uitro erat, eiusq; orā uites in eo ipso na-
 te coronabant: à quib. racemi passim pendebant,
 sicco omnes poculo acerbi, immisso aut uino paula-
 tim rubentes, & maturi: quos inter Dionysius, ut
 uitem coleret, effectus erat. Ceterū gliscēte potu,
 •• puellam impudēter intuebar. A M O R enim ac Lī
 •• ber uiolenti dij animam inuadentes, eousq; incen-
 •• dunt, ut pudoris obliuisci cogant, dū alter consuetū
 •• ignē adhibet, alter igni materiā uino subministrat:
 •• uinum enim amoris pabulū est. Ex illo puella quo-
 que accuratius intueri me ausa est. atq; ad eum mo-
 dum dies nobis decem consumpti sunt: quibus nihil
 aliud, prāter oculorū coniectus alter ab altero re-
 cepimus, aut attentare ausi fuimus. Tandem Sa-
 tyro rem omnem patefeci: atq; ut mihi opem ferret,
 obsecraui. ille autem, Omnia, inquit, prius, quā
 ex te intelligerem, cognoui: sed indicium facere di-
 •• stuli, quia id nescire credi uolebam. C L A N D E-
 •• S T I N V S enim amās, si quis eius amorē indicet,
 •• indicē quasi maledicū aliquē conuiciatorē odio p-
 sequi consueuit. Ceterū nostri curā fortuna spon-
 tē suscepit. etenim Clio, cui puellae thalamus credi-
 tus est, me in amicitiam recepit, atq; amantis loco
 habet. ego breui rem inter uos ita componam, ut
 ad negociū conficiendū ipsa opem prāstet. uerūm
 de

de puellæ uoluntate solis oculis periculū facere satis nō est: sed efficacius aliquid loqui oportet, ibiq; machinam etiam alteram adhibere. itaq; manū tan-
ge, digitos cōstringe, atq; inter constringendū su-
spira. si hæc agentē æquo te animo feret, neq; fa-
cta huiusmodi aspernabitur, tum uerò dominam ap-
pella, eiusq; collū suauiare. Appositè tu quidē, in-
quam, ita me seruet Pallas, ad eam me rem instituis.
sed uereor ne, qua sum animi imbecillitate, minus
strenuus amoris miles sim. Tum Satyrus, Ignauia,
ô generose uir, Cupido, inquit, non sustinet. annon
tu illū militari ornatu incedere, sagittasq; phare-
tram, iaculum, ignem, uirilia & audaciæ plena om-
nia esse prospicis? an tu tali Deo plenus obtorpeas
& expauescas? caue ne falsò te amantem prædi-
ces. ego tibi rem inceptam dabo. Clionem enim si-
mul ac tempus ad puellam remotis arbitris conue-
niendam idoneum perspexero, aliò dimittā. Quæ
cum dixisset, abiit. Ipse autem solus relictus, ac Sa-
tyri uerbis extimulatus, ita me componere cona-
bar, ut ne in puellæ conspectū ueniens animo de-
ficerem, mecumque, Quousq; inquam, effœminate
obmutesces? quid tam potentis Dei miles tanto pe-
re obtorpescis? ueniamne ad te illam expectas?
non multo aut post contrariam in sententiam hæc
addebam: Atqui cur nō respicis infelix? quin illā
potius, quam par est, uirginem diligis? aliam domi
c 2 habes

habes non deformem, illam ama, illam contempla-
re, illam te in uxorē habere ius est. itaq; mihi per-
suasus esse uidebar. uerū contrā tanquam ex imo
cordis Amor respondebat: An tu igitur tantum ti-
bi sumis, ut contra me arma feras, mihiq; resistere
audeas? mihi ad uolandum pennæ, ad uulneran-
dum sagittæ, ad exurendum faces datæ sunt. Quō
nam te modo euasurum speras? ut sagittarum ictus
declines, faces tu quidem certē nunquam euitabis.
Quòd si earum flammis temperantiæ scutum op-
ponas, uolatu profectò te comprehendā. Hæc dum
mecum solus loquerer, puellæ me obuiam improui-
so factum animaduerti, eaq; uisa statim expallui:
mox rubore persusus sum. Illa tum sola erat. reces-
serat enim etiam Clio. Quāquam igitur animo
perculso & abiecto, quid dicere non habebam: ta-
men, Salue, inquam, hera. Tum illa suauiter ridēs,
& risu, quorsum ea salutatio spectaret, intellexis-
se significans, Tuā ne ego, inquit, hera? ah non æ-
quum dicis: atqui Deus me, inquam, nescio quis ti-
ti quemadmodum Herculem Omphalæ uendidit.
Tum illa, Mercurium ne, inquit, ais? Siquidem ei
auctionem Iupiter demandauit: simulq; risit. Quem
Mercurium, inquam, ais? quas nugas agis, cum pro-
bè quid dixerim, perceperis? interea dum sermones
sermonibus texeremus, auxilio mihi casus quidam
fuit. forte fortuna pridie eius diei circiter meridiem

Leucippe

Leucippe citharam pulsabat (aderam uerò & ipse) Clioq; illi assidebat. ibi tū me deambulante apicula quædā aliūde improuiso aduolans Clionis manum pupugit: quæ cum eiulasset, puella surrexit, depositaq; cithara uulnus inspexit, ac bono animo esse iussit, dolorem se inquiens duobus uerbis absterfuram: didicisse enim ab Aegyptia quadam muliere, uestparū apumq; morsib. mederi: ac subito excantauit: meliusculeq; sibi esse paulo post Clio confessa est. Tunc igitur casus attulit, ut apis, fortè uerò etiam uestpa quædam susurrans faciē meam uolitādo circumiret. Occasione itaq; inde arrepta, manuq; ori admotā, uulnus accepisse, & dolorē sentire me finxi. Quā ob rem accurrēs uirgo manū remouit, & quæ pars læsa esset, rogauit. ego uerò, labra, respondit: tu aut charissima Leucippe cur non excantas? tū illa tanquā excātatura os admouit. et labiorum meorū extrema contingēs nescio quid immurmurauit. Interea ipse oscula furtim nullo edito sono dabam. sed & puella dum in ponuncianda cantione labra nūc aperiret, nūc clauderet, efficiebat ut cantio in basia cōmutaretur. itaq; tum ego eam cōplectens palām suauitatus sum: illa uerò retrocedens, Quid, inquit, agis? num tu etiam excantas? at qui, Cantionem, inquam, exosculor, quoniam ea tu dolorem mihi omnem eripuisti. Quæ cum intellexisset, subrisissetq; animus mihi accessit: ac subito,

Hei mihi charissima Leucippe, inquam, rursum,
 atq; acerbius pungor: aculeus enim ad cor usq; pe-
 netrauit, excantationemq; tuam exposcit. apem
 certè tu quoq; in ore gestas: nam & mellis plena
 es, & basia tua uulnus imponunt. quare iterum,
 quaeso, excanta: sed tam citò cantionem absolucere
 noli, ne uulnus recrudescat. atq; inter loquendum
 manum inieci, liberiusq; osculatus sum: illa tamet
 si repugnare uideretur, sustinuit tamen. interea
 procul uenientē ancillam conspicati, alius aliò se-
 cessimus, ego quidem perinuitus, ac tristis: illa ue-
 rò qua mente, haud sanè scio. ex illo melius mihi
 esse ac spes augeri coepit: planeq; basium in labris
 meis, quasi corporeū aliquid relictum residere sen-
 tiebam, & dulcedinem eius ceu thesaurum quod-
 piam diligenter custodiebam. id enim est quod pri-
 mum amanti dulce accidit, cum à formosissima,
 & præstantissima corporis parte procreetur. Os
 enim instrumentum uocis est: uox autem animi um-
 bra. labiorum porrò contactus dum uoluptatem
 in præcordijs ferunt, animos ad sese mutuò sua-
 uiandum trahunt. Nec uerò talem unquam antea
 sensibus meis motum allatum fuisse, nec me quic-
 quam aliud, quod cum amatorio suauio dulcedine
 cōtenderet, cognouisse memini. posteaquam cenā
 di tēpus redijt, rursum accubuimus: Satyrusq;, qui
 uobis uinū mīscebat, amatoriu nescio quid tū præ-
 stitit.

stitit. nam poculū Leucippes cum meo, dum utriq;
ministraret, cōmutabat. ego qua parte bibens Leu-
cippe labra scypho admoberat, obseruans, eamq;
ori meo inferens, ac missum ad me osculum confin-
gens, bibebam, simulq; poculū suauibam. id quod
animaduertens puella. suorum etiam me labiorum
uestigia osculari iudicauit: cumq; administrator
pocula nobis rursum commutasset, illam factum
meum imitantem, eodemq; modo bibentē animad-
uerti: eōq; maiorem etiam uoluptatem capi. nec
uerò semel factum id à nobis fuit: sed tertio etiā,
ac quarto, deincepsq; diei reliquū alter alteri ba-
sia uicissim propinantes consumpsimus. Absoluta
cœna cōueniens me Satyrus, Nunc tempus est, in-
quit, uirū ut te ostendas. puellæ mater, ut nosti, mi-
nus bellè habet, ac sola cubitum iuit. puella prius,
q̄ in lecto se collocet, unā tantūmodo cum Clione,
quò uentris causa consueuit, se conferet, uerū e-
go eam colloquendo abducam. sub hæc uerba ille
Clionem, ego Leucippen obseruabamus, resq; e-
sententia processit: nam & Clio abducta est, &
Leucippe in ambulatione remāsit. ergo uespertini
temporis aduentu obseruato, priore successu audē-
tior factus, ad eam quasi miles iam uictor, & pu-
gnæ pericula nihil: faciens me contuli: multa enim
erāt: q̄b. armatus cōfidebā, nē pe uinū, amor, fcs,
solitudo: tacitusq; quasi ex cōpacto ita res agereī,

puellam circumplexus basiaui: cūq; præstabilius ali-
quid etiā facere aggressus essem, strepitus quidam
post nos auditus fuit. quā ob rē perturbati dissilui-
mus. Leucippeq; intra cubiculū suū, ego aliam in
partē me recepi, sanē, q̄ tristis, tam præclara occa-
sione amissa, strepitūq; detestatus sum. intera læ-
to uultu fit mihi obuiam Satyrus: qui mihi quæ a no-
bis acta fuerant, omnia uidisse uidebatur, dum sub
arbore quadam, ne quis nobis superueniret, obser-
uabat: quinimmo ille ipse uenientem nescio quem
conspicatus, strepitum ediderat. lapsis paucis post
dieb. pater, citius quidē omnino quā cōstituerat,
nuptijs meis operam dare coepit. multa enim ho-
minem insomnia perterrebant. namque illas ad-
ornare sibi uisus est, ignemq; dum nuptiales faces
accendisset, extingui, et nos, quæ res uehementius
etiam illum angebat, abduci. nuptijs igitur, quæ
tum secutura erat, dicta est dies. iam in sponsæ or-
natum necessaria omnia comparata fuerant. moni-
le scilicet uarijs lapillis distinctū, uestis purpurea
tota, nisi quod ea pars quæ in alijs purpura con-
stat, ex auro texta erat. porrò lapilli de pulchri-
tudine inter se contendebant. hyacinthus lapidea
quodammodo rosa erat: amethystus purpurascens
ad auri propè colorem uergebat. in medio lapilli
tres uisebantur ita collocati, ut alterius colorem al-
ter exciperet: in unum quippe omnes coaluerant:
parsq;

parsq; ima nigra erat: summa, quæ in cuspide surgebat, rubra: media alba cum esset, hinc nigro, rubori illinc candorem cōmunicabat, lapis ipse auro inclusus aureū oculū imitabatur. nec uerò uulgari purpura, sed ea quā à pastoris cane inuentam Tyrij fabulantur, quaq; nunc etiam Veneris poplū tingi consuevit, uestis illius color constabat. ac fuit quidem aliquando tempus, cum purpuræ decus mortales nesciebant, utpote quod intra parue testæ cauum occultebatur. prædam huiusmodi piscator quidam ceperat, & pisces esse crediderat: uerū testæ asperitate perspecta, prædā detestatus est, ac tanquam maris fecem abiecit: quam canis cum adinuenisset, dentibus comminuit: sanguinisq; illius flos ab ore manans rictum infecit, & purpureum labris colorem induxit. Tum pastor canis os sanguinolentum cernens, uulnus illum accepisse ratus est: atq; ad mare profectus, aqua conspersit. ibi uerò sanguis ille splēdidior euadebat, manusq; eius cōtrectando purpurascebāt. hinc eā esse testæ naturam pastor intellexit, ut innatum pulchritudinis medicamētū in se cōtineret, atq; ut rei totius arcana exploraret, accepto lanæ glomere in eius latebras demersit. lana, quomodo etiam canis rictus, sanguine infecta est: ac tum purpuræ imaginem didicit, contritaq; saxis quibusdam medicamēti illius crusta purpuræ penetralia reserauit, sullonicaq;

thesaurū adinuenit. quam igitur ante nuptias fieri
 mos est, rem diuinā pater faciebat. quod simulatq;
 ipse persensi, perisſe me iudicauit: cogitabāq; quo
 nāmōdo aliud omnia in tempus reiſci poſſent. qua
 in cogitatione defixus dum eſſem, repentinus qui-
 dam ſtrepitus à uirorū diuerſorio exauditus eſt,
 reſq; ita habuit. Cū uictimā fortè pater maſtauiſ-
 ſet, arisq; impoſuiſſet, delapſa cœlo aquilla eam ra-
 puit, nihil ijs qui ſubmouere conabātur ꝑficiētib.
 auolauit enim cū præda. omē id bonū nō eſſe iudi-
 catū eſt: atq; à nup̄ijs eo die ceſſatum. Accerſitis
 aut̄ auſpiciſ. et coniectoriſ. rē pater expoſuit: atq;
 illi ad mare proſciſci, ac Ioui hoſpitali ſub mediā
 noctē ſacra facere oportere dixerunt: eò enim a-
 quilā uolatū tenuiſſe. itaq; ſtatim cecidit reſ: nā uo-
 lucris curſum mare uerſus dirigēs nuſquā ampli-
 apparuit. ego euentu hoc delectatus, aquilā mirum
 in modū cōmendauit, auiumq; reginā meritò eſſe
 dixi. Quod aut̄ omine portendebatur, breui tēpore
 poſt euenit. Calliſthenes Byzantiuſ adoleſcens, pa-
 rentib. orbatus, diues, luxu perdituſ, ac ſumptuoſuſ
 fuit. iſ formoſam Soſtrato filiam eſſe audiens, eam
 quanquā nō uiderat, uxorē tamen habere optauit,
 ac ſola auditione illiuſ amore ardebat. Ea enim ho-
 minum intemperantiū libido eſt, ut etiā fama ad a-
 mandū cōpellantur: et audienteſ æquē afficiātur,
 atq; uidentēſ. igitur ante q̄ Byzantiuſ bellū inferre
 tur,

tur, Sostratam puellā ut sibi despoñderet, rogauit. ille autē intemperantē hominis uitā minime p̄bans nō daturā se respondit. Quam ob rem Callisthenes à Sostrato contēni se ratus, iracundia exarsit: atq; alioqui amans, puellāq; pulchritudinē sibi ipse cōfingens, & quæ oculis nondum aspexerat, mente agitans, quam animo maximam conceperat, indignationem dissimulauit: & quo modo acceptam à Sostrato iniuriam ulcisci, ac suam ipsius cupiditatem eplere posset, excogitauit. nam cum Byzantijs lex esset, ut si quis uirginē rapuisset, uimq; illi attulisset, is alia nulla pœna teneretur, quā ut eam matrimonio sibi adiungeret. Legi huic animo intentus Callisthenes, opportunū ad eam rē tēpus querebat. quanquam autem bellum ardere, puellam' que domi nostræ commorari didicerat, non tamen insidias moliri destitit. in quo huiusmodi quiddam homini auxilium tulit. editum fuerat Byzantijs oraculum hoc:

Est ortum ducens plantæ à cognomine terra
Insula: telluri quæ tramite iungitur arcto,
Atq; eadem magno latè circumdata ponto est,
Iungi ubi Vulcano gaudet Tritonia Pallas:
Amphitryoniadæ hîc solennia reddite magno.
dubitantib. autē ipsis quæ ab oraculo insula designa-
retur, Sostratus (is enim, ut dixi, belli princeps e-
rat) tempus, inquit, est ut Tyrū Herculi sacrificatū
mitta-

mittamus: nam ei loca singula oraculo edita conueniunt: planta enim cognominē eam Deus uocauit, quoniam Phœnicū insula est: Phœnix autē (ea uox palmā significat) planta est. de illa etiam mare ac terra cōtendunt: atq; hæc quidē ad se trahit, illud uerò utrinq; abluit: in mari enim iacet, nec tamē à terra dissiūgitur: sed angustī cuiusdā callis beneficio continenti adnectitur, qui quasi collum insulæ est, et maris fundo minimē adhærescēs, sed aqua subterlabēte sustētatus, nouū prorsus spectaculū exhibet, urbē scilicet in mari, et insulā in terra. q̄ autē ad Palladē Vulcano adiunctā attinet, de olea et igne intelligi debet: quæ duo apud nos cōiuncta habentur: sacer enim ac muro circumdatus locus est: ubi olea latē sese diffundenti ignis adnascitur, et magnam circū illius ramos flammam exuscitat: ex cuius cinere letior etiā olea ipsa euadit. hæc ratio ne ignis et planta in anticitiam conspirant: Vulcanūq; Minerva nō auersatur. tum Chærephon Sōstrati collega in bello, Sōstrato ipso maior, quoniam patria Tyro erat, hominem miris laudibus extollens: Pulchrē tu quidem, inquit, Dei responsum interpretatus es: uerū ne solam ignis naturam admiratione dignā arbitrare: sunt enim sua etiam ipsius aquæ miracula, egoq; arcana huiusmodi uidi. fons in Sicilia reperitur permixtum aquæ ignem continens: in quo salientem ab imo ad summum

num flammam conspicias. aquam uerò si tangas, niuis instar, frigidam inuenias: neq; tamen ignem aqua extinguit, neq; aquam ignis calefacit: sed alteri cum altera pactæ illic induciæ sunt. in Hispania quoq; fluuius est, quem primo aspectu nihil à fluminibus alijs differre iudicabis. At uerò si paulo attentius auscultes, aquam resonantem audias: ubi enim uel modicus uentus uortices impulerit, aqua fidis in morem sonum edit: plectri siquidem uentus, citharæ uerò aqua usum præstat. sed et in Libya palus habetur Indicæ similem arenam continens. ac Libycæ ipsæ uirgines aquam eius diuitē esse norunt. Porro diuitiæ sub aqua limo permixtæ adseruātur, auri fonte inibi scaturiente. illitam igitur pice perticam in aquam demittunt, ac fluminis obijces remouent: quod aut pisci hamus, id auro pertica est. illud enim apprehendit, dum escæ officio pix fungitur: nam quicquid auri ab ea cōtingitur, adhærescit, atq; in litore exponitur, eoq; pacto aurum ex fluuiio Libyco extrahitur. hæc cum dixisset Charephon, Tyrum, qui sacrificarent, misit, factum id ciuitate comprobante. Callisthenes igitur è sacrificij curatoribus unum se fingens, Tyrum quamprimum adnauigauit: ibiq; patris mei domo cognita, mulierib. quæ sacrificij pompam spectatū prodierant, insidias tetendit. magnifico enim apparatu, ingenti uidelicet
suffi-

suffimentorū copia, magnaq; florum uarietate in-
 structa fuerat. in suffimentis, casia, thus, crocus:
 in floribus, narcissus, rosa, myrtus erant: suauitasq;
 è floribus afflata cum suffimentorum odore certa-
 bat: sublatusq; cum aere uapor odores confunde-
 bat, & uentum suauitate complebat. Sed & mul-
 te ac uariæ uictimæ sequebātur: inter quas princi-
 pem locum nilotici boues obtinebant. non solū au-
 tem magnitudinæ, uerū etiam colore animal hu-
 iusmodi præstat. statura est eximia, ceruice crassa,
 humeris amplis, uentre magno, cornibus non ut Si-
 culi boues depressis, neq; ut Cyprij deformibus, sed
 quæ à temporibus altè cōsurgemia sensim utrinq;
 curuentur ita, ut summæ illorum partes tantum si-
 bi mutuò appropinquent, quantum principia eo-
 rum inter se distant, et plenæ lunæ imaginē prope
 modum referre uideantur: colore tali qualem in
 Thracijs equis Homerus laudat. incedit autē tau-
 rus is ceruice sublata sic, ut aliorum se regem esse
 ostendat. quòd si uera sunt quæ de Europa tradun-
 tur, in Aegyptium taurum iupiter sese commuta-
 uit eo porro tempore accidit ut nouerca mea in-
 comoda ualetudine esset. Leucippe uerò morbū
 cauata, conuenerat enim inter nos, ut ita fieret,
 quousq; alij exiussent) domi remansit. ex quo fa-
 ctum fuit, ut soror mea cum Leucippes matre
 tantum prodirent. Calliæheæ, qui nondum Leu-
 cip-

eippen uiderat, cum primum Calligonem sororem
meam obuiam habuit, eam Leucippen esse credi-
dit: Sostrati enim uxorem probè norat: ac nemi-
ne appellato, quippe qui aspectu iam captus erat,
famulorum uni, cui quàm maximè fidebat, puel-
lam ostendit, latronesq; ad eam rapiendam conuo-
care iubet, rapiendiq; modum præscribit, celebri-
tatem instare, inquiens, qua uirgines omnes ad ma-
re profecturas esse audierat. quæ cum locutus es-
set, curandi sacrificij munere neglecto, abiit. erat
ei priuata nauis: quam priusquam domo exiret,
instruxerat, si fortè quod animo iam agitabat, per-
ficere posset. iam uerò alij rei diuinæ faciendæ
curatores in altum inuecti erant: Callisthenes
autem non admodum à litore abscedebat, simul
ut multitudinem sequi uideret, simul ut ne cum
Tyro uicina esset nauis, post raptum deprehen-
deretur. ac cum primum Saraptam Tyriorum
uicum in mari situm peruenit, illic lembū instruit,
ac Zenoni tradit: id illi nominis erat: cui rapien-
dæ puellæ prouinciam demandauerat. is cum alio-
qui robusto esset corpore, piraticamq; à teneris fa-
cere didicisset, piratas in uico illo piscandi etiam
peritos confestim adinuenit, ac Tyrum applicuit.
est urbi Tyro proxima parua insula (Tyriæ il-
lic naues stationem habent) quam Orodopes tumu-
lum uocant. eo in loco lembum Zeno in insidijs
collo-

collocauit. antequam autem celebritatis eius, quā Callisthenes expectabat, dies aduenisset, quæ aquila portenderat, et quæ diuinatores responderant, omnia consequuta sunt. nos ut postridie Deo sacrum faceremus, noctu nosmet adornaueramus: nec eorum quidquam Zenonem latuit. ad multam igitur noctem soluentes prouehabamur, cum ille consequutus est. cōmodum autem exieramus, atq; in extremo litore abluebamur. cum is, uti constituerat, signum sustulit, lembusq; statim litori propior factus est. erant in eo iuuenes decem: expectabant in terra octo alij in insidijs collocati, muliebri ornatu, mento raso. hi omnes gladium sub ueste clām gestabant: atq; ut quā minimam in suspitionem uenirent, uictimas comitabamur, ita ut foeminas illos esse arbitraremur. postea quā pyram extruximus, ij clamore sublato repente impetum fecerunt, nostrasq; faces extinxerunt: cumq; nos subito metu perculsi nullo ordine seruato terga daremus, illi nudatis gladijs sororent meam rapuerunt, nauiq; cum ea inscensa, uolucrum instar, confestim auolauerunt. ē nobis alij ea re neq; uisa, neq; audita, fugæ sese mandarunt. nonnulli & uiderunt, & uocē hanc simul miserunt, Calligonē piratæ auexerunt. iā mediū lēbus mare tranauerat, Saraptaq; appropinquauerat, cū Callisthenes agnito pculsi gno processit obuiam, susceptaq; puella in altū se rece-

recepit. mihi uerò disturbatis tam præter opinionẽ
 meam nuptijs animus redijt, tametsi sororẽ tantã
 in calamitatem incidisse non poterã non dolere.
 paucis pòst diebus, quàm hæc acta sunt, Leucippẽ
 ijs uerbis affatus sum. Quousq; tandem charissima
 Leucippe basijs insistemus? Speciosa quidem certẽ
 initia hæc sũt, uerũ aliquid aliud etiã ex ijs q̃ ab
 amãtib. expetũtur, addamus. agẽ fidei necessitatẽ
 mutuò nobis imponamus. nam si Veneris sacris ini-
 tiabimur, Deum alium nullum ea meliorem inue-
 niemus. his cautionibus sæpius repetitis, eam, ut
 me noctu thalamo susciperet, induxi, Clione etiam
 quæ cubiculi eius curã sustinebat, adiuuante. por-
 rò thalamus ita ædificatus fuẽrat. ingens aderat
 spaciũ, thalamos duos dexterã, sinistra totidẽ cõ-
 tinens, media interiacente semita quadã angustã:
 qua ad eos iri posset. semitæ huius limẽ ualuas, qui-
 bus occluderetur, habebat. inibi degebant mulie-
 res. nam thalamos interiores, mutuò sibi opposi-
 tos, uirgo, & eius mater obtinuerant. ex alijs, qui
 Leucippes thalamo coniungebatur, Clioni obtige-
 rat. ultimus penul. asseruando destinatus fuerat.
 Leucippen mater cubitum semper comitabatur:
 ac non solum ualuas ipsa intus claudebat, uerum
 etiam foris per aliũ claudi, custodiendasq; sibi per
 foramen clauẽs reddi curabat. mane autẽ circiter
 auroræ ortum aduocato eo cui hoc oneris impo-
 d. fuerat,

suera, ac redditis clauib. aperire ostiū iubebat: ijs
igitur similes alias quasdā cū Satyrus fabricari cu-
rasset, aperiēdi periculū fecit: atq; ut rē ē semētia
procedere animaduertit, Clioni, puella etiā cōscia
persuasit, ne illi quoquo modo impedimēto esset: id
quod arte minimē carebat. erat ijs famulus qdam,
uir curiosus, loquax, uētri deditus, ac quouis alio si-
mili nomine dignus: quē Cynopē uocabant. is mihi
quæcunq; ageremus, procul obseruare uidebatur.
maximē uerō suspicans, ne noctu aliquid tentare-
mus, ad multā noctē cubiculi forib. apertis uigila-
bat ita, ut eum latēre perdifficile esset: quamobrē
Satyrus hominē ad amicitiam attrahere uolens, cū
eo sepe iocabatur, et Conopē, quæ uox culicē de-
notat, appellabat, eiusq; nomē cauillabatur. ille Sa-
tyri arte cognita, contrā iocari quidē fingeat, ue-
rū infidū animū gerebat. itaq; ad eū cōuersus,
Agedū, inquit, quoniā nomen meū irrides, fabulā
quam de culice sum narraturus, audi. Prometheus
leo multoties incusauit, quod, cum se magnū et
formosum effinxisset, maxillasq; densibus, ungui-
bus pedes armauisset, ac feris alijs robustiorē ef-
fecisset, tamen dotibus tot præditus gallum gallina-
ceum timeret. cui respondens Prometheus. Quid
temere, inquit, me accusas? ego quæ præstare po-
tui, omnia tibi cōcessi: uerum animus ipse tuus hac
una in re infirmus est. Quocirca flebat leo, seqs
timi.

timiditatis dānans, mori omnino decreuerat. quæ
in cogitatione dū esset, in elephantem incidit. quod
cum, post datam salutē, in sermonem delapsus, u-
bi aureis perpetuò mouentē illū uidit: Quid hoc,
inquit, rei est? cur ne punctū quidem temporis au-
ribus quietem das? tum elephas, cuius circū caput
culex tum fortē uolitabat, Bestiolam, inquit, hanc
susurrantem cerno: quæ si aureis modò meas ingre-
deretur, de me actum esset. Leo uerò, Quid me i-
gitur, inquit, mori oportet? qui talissim, tantoq;
elephante beatior, quanto culici gallus gallina-
ceus antecellit. uides ne quantum culici roboris in-
sit, quantum elephantem etiam terret? Satyrus au-
tem doli plenam illius orationem cognoscens leni-
ter arrisit: Ac meam tu quoque, inquit, de cu-
lice ac leone historiam à philosopho quopiam
relatam audi. Habeo uerò tibi gratiam, quod
elephanti me fabulam edocueris. Confidentie
igitur plenus aliquando culex leonem allocu-
tus, Ne tu, inquit, uehementer erras, si mihi e-
tiam, quemadmodum cæteris animalibus, præ-
positum te credis, cum neque pulchrior, neque
fortior, neque melior sis, tametsi robore quodam
antecellas. Tu quidem unguibus laceras, & den-
dentibus mordes: at quæ muliercula pugnans
non hoc facit? quæ uerò magnitudo te ornat? quæ
pulchritudo? amplum tibi pectus est, & latibu-
d 2 meri:

meri: collū etiam densis inhorrescit pilis: at quanta
 posteriorū partiū turpitudine sit, nō uides. magnitu-
 do mea est aer totus, quantum quidē alis circuire pos-
 sum: pulchritudo pratorū uiriditas, quæ uestis etiā
 loco mihi est: quam, cū à uolatu quiescere lubet, in-
 duo. neq; uerò dictu ridiculum fuerit robur meum:
 totus enim bellicum instrumentum sum, nec sine
 tuba unquam in pugnam prodco. mihi enim os &
 tuba et iaculum est, eoq; & tubicen, & iaculator
 sum. sagittam quinetiam atq; arcum memet facio:
 per aerem enim alæ me uibrant. uibratus ipse, tan-
 quam telum aliquod, uulnus infero: quod qui acci-
 pit, subitum clamorē edit, uulnerisq; auctorē ut in-
 ueniat, circumspicit. ego uerò et absū, et adsum,
 eodemq; momento & fugio, & remaneo, alisq;
 hominem obequito, atque ob uulnera saltantem
 cernens rideo. Sed quid uerbis opus est? agedum
 pugnam ineamus. atque inter loquendum in leo-
 nem impetum fecit. oculos, aliasq; omnes capitis
 partes pilis carētes appetens, interimq; susurrans.
 irascebatur leo, seq; huc illuc conuertens, aerē mo-
 dō uorabat. Culex maiorem ex illius ira uolupta-
 tem capiens, ipsa etiam labra inuadebat. atq; ille
 quidem ad partem dolentem, quæ scilicet uulnus
 acceperat, sese incuruans, declinabat: hic uerò lu-
 ctatoris uice, contracto corpore per medios leo-
 nis dentes, os etiam clausum pertransiens, elabe-
 bat.

tur. itaque præda frustrati dentes illius mutuo concursu resonabant. tandem inani pugna defatigatus, iraq; deuictus leo quicuerat, cum eius comam uolitando circuens culex, uictoriæ signum cecinit. inde cum ampliore gyro uolatum nimia insolentia elatus produceret, in aranei telam improuiso incidit: atque ab eo statim deprehensus est. quamobrem ubi nullum fugiendi locum sibi relictum cognouit, suam ipsius demerentiam detestatus, Me miserum, inquit, qui leonem prouocare ausus, tenuem aranei telam euadere non possum. Quæ Satyrus cum dixisset, Vnde, inquit, ô Conops, aranei tibi quoque telas esse timendas: ac simul cachinnum sustulit. paucis autem diebus post, cum uentri deditum Satyrus Conopem animaduertisset, soporifera potione comparata, hominem ad coenâ uocauit. Ille mali aliquid suspicans primùm detrectauit: sed postea quàm suavior optimus uenter pellexit, morē gessit. cumq; ad Satyrū uenisset, ac coenatus abire uellet, potionem ei Satyrus postremo in poculo miscuit: qua ille hausta non amplius moratus, quàm quantum ad se intra cubiculum recipiendum satis esset, potione cogente arctè dormire coepit. me uerò conueniens statim Satyrus, Dormit, inquit, Cynops: itaq; Vlyssis exemplo strenuus fac sis. quo dicto, ad Leucippes thalamum subito profecti, ille pro-

foribus remansit, ego me furtim excipiente Clione introij, obiecto cum gaudio, tum pauore tremens: nam periculi metus animi spem conturbabat: assequendi autem spes metum uoluptate perfundebat. ita quæ pars animi spirabat, timore anguebatur: quæ dolebat, gaudio gestiebat. Cæterum paulo ante, quæ puellæ cubiculum ingrederer, matri eius horribile nescio quid in somnis oblatum est. latronem enim quendam districto gladio armatum uidere uisa est: qui filiã abduceret, ac supinam statuens, uterum eius facto à pudendis initio gladio secaret. quã ob rem ut erat, metu percussa prosiliit, Leucippesque; thalamum (propere enim erat) citato gradu ingressa rectam ad cubile perrexit, me uix in lecto collocato. tum uero ego cardinum strepitu audito statim exsurrexi: et quo in periculo uersarer intelligens, extra thalamum quæ ocyssime cucurri. Satyrus tremetum perturbatumque; me accepit: ambo deinde per tenebras eua dentes, suum quisque; intra cubiculum se recepit. puellæ mater uertigine primum correpta decidit: mox recreata Clioni faciem totis uiribus pugnis contudit: ac suos sibi capillos conuellens, unaque; ingemiscens ita filiã allocuta est. Leucippe tu spes meas omnes percidisti. heu miseram me o Sostrate: tu Byzantium per alienis nuptiis bellum geris, Tyri autem filie tuæ cubile nescio quis expugnauit, ac polluit. hei mei o Leucippe, non ego taleis ut nuptias tuas uiderem, expecta-

Et abā. utinā Byzantijs remansisses. utinā belli lege
 contumeliā hanc passa esses: utinam te uel Thrax
 aliquis hostis uictor iniuria affecisset: faceret enim
 uis illa, ut infortuniū istud dedecore careret. nūc
 (ô te infelicē) eius rei, q̄ te miserā reddit, ad te in-
 famia redundat, qui nocturna etiā uisa me fefelle-
 runt: neq; qđ uerius erat, insomniū uidi. nūc certe
 crudelē in modū dissectus tibi uterus fuit, atq; a-
 deo, ut ne ferro quidem crudelius diuidi potuerit.
 quid, quod neq; iniuriæ tibi factæ, neq; iniusti mihi
 doloris auctorem cognoui. ô infortunia. nunquid
 uerò seruus iste aliquis fuit? tum Leucippe animo
 confirmato, quod fuga elapsus essem, At tum mater
 uirginitatem, inquit, meam probris incessere noli:
 neq; enim sermone isto tuo dignum quicquam ad-
 misi, neq; illum, quisquis tandem siue Deus, siue he-
 ros seu etiam latro fuerit, agnoui. perterrita enim
 iacebam; ut neque uocem præ timore mittere
 possem: linguae enim uinculum timor est. hoc tan-
 tum scio, uirginitatem à nemine meam uiolatam
 fuisse. Itaq; collapsa iterū Panchia ingemiscebat.
 inerea nos, quid fieri à nobis oporteret, soli ment
 te agitabamus: illudq; optimū iudicatū est, ut pri-
 usquā illucesceret, ac tormētis coacta Clio rē pate-
 faceret, solū uertcremus. hac sententia cōprobata,
 cū ianitore ita egimus, ut ad amicas nostras ituros
 nos crederet: atq; ad Cliniam rectā peruenimus.

rat tū media nox, ideoq; nō nisi difficiliter à ianitore impetrauimus, ut fores aperiret. Clinia, q; in editiore domus parte cubare cōsueuisset, colloquētes nos audiuit, perturbatusq; omni cū festinatione obuiā nobis processit. atq; haud ita multo pōst Clia nos secuta est. fugere enim ipsa quoq; decreuerat. eodem igitur tempore Clinia quid nobis euenisset, intellexit. & nos Clionis, Clio aut nostrū consiliū cognouit: domum enim ingressi nos primū Clinia, quæ acta fuerant, & quemadmodū ē patria excedere statueramus, exposuimus. deinde Clio, Ego quoq; inquit, uobiscum unā proficiscar. nam si quousq; illucescat, tormentis coactū iri me ad confitendum scio. at mihi mortem oppetere, quā tortorum manus experiri, leuius futurum est. tum Clinia manu prehensum me procul à Clione abducit: mihiq; optimum, inquit, consilium reperisse me uideor, hanc scilicet ut hinc amoueamus, nos dies paucos expectemus: deinde, si ē re ita fuerit, unā abscedamus: quem enim deprenderit puellæ mater, nondum, ut uos dicitis, cognouit: nec qui indicet, submota Clione, quisquam reperietur. ac fortē fiet, ut uirgo ad fugiendum pelliciatur. seq; ipse etiam fugæ nostræ socium futurum pollicitus est. Huic sententiæ assensum fuit, & Clio famulorum uni tradita, qui naucula impositam auheret: nos illic remansimus, quæ agenda supererant, procurantes.

vantes. tandem puellam tentare placuit, eo consi-
 lio, ut si nobiscum proficisci uellet, eam abducere-
 mus: sin minus, illic nos quoq; remaneremus fortu-
 nae arbitrio nosmet permittentes. quamū itaq; no-
 ctis supererat, somno cōcessimus: ac summo mane
 domum reuenuimus. tum uerò exurgens Pambia
 Clionem, ut de ea questionem haberet, uocari ius-
 sit: quam cum nusquam inueniri cognouit, rursum
 ad filiam reuersa, Quid, inquit, causæ est, quam
 ob rem facti huius seriem mihi non explicas? ecce
 ipsa etiam Clio cūanuit. Tum Leucippe audentior
 etiam facta, Quidnam, inquit, tibi amplius dicam?
 aut quam aliam ueritatis fidem maiorem afferam?
 si uirginitatis periculum modo aliquo fieri potest,
 fiat. scilicet id etiam restat, inquit Pambia, ut in-
 fortunij nostri testes adsciscamus. atq; hæc cum di-
 xisset, statim exiuit. Leucippe sola relicta, mater-
 nisq; uerbis satiata, uarias in partes distraheba-
 tur. dolebat, q̄ deprehēsa fuisset: erubescibat, q̄ se
 mater probris affecisset: irascebatur, quòd sibi fi-
 des non haberetur. PORRO autem uerecundia, cœ-
 moeror, ira, tres sunt animi fluctus. uerecundia e- cœ
 nim in oculos illabens, eis libertatem adimit. mœ- cœ
 ror in pectus diffusus, animi ardorem extinguit. cœ
 ira circum cor adlatrans, rationem insanix spu- cœ
 ma obruit. horum omnium procreator est sermo: cœ
 qui tanquā telū ad metam dirigens, atq; collineās, cœ

» uarijs animū uulneribus afficit. nam cum tria sint
 » illius tela, nempe conuiciū, calamitatis inuulgatio,
 » Erratorum exprobratio, uulnera quoq; tria es-
 » se oportet, iram scilicet, mœrorē, uerecundiam. hi-
 » sce omnibus telis peculiare est ut profundas, at
 » non cruentas plagas imponant: quarum medicina
 » est eadem in ferientē tela retorquere. sermo enim,
 » qui linguae telum est, sermone, linguae scilicet al-
 » terius telo, retunditur: eoq; pacto animi concitata
 » pars sedatur, & mœrore confecta exhilaratur.
 » Quod si cui res cum potentiore sit, ita ut nec cōtrā
 » loqui, nec referre audeat, tum uerò profundiora
 » tacendo uulnera fiunt. nam sermonis alicuius aestu
 » concitati dolores, nisi spumam eiecerint, sua ipso-
 » rum mole magis ingrauescunt. His molestijs con-
 » flictata Leucippe, animum despondebat. inte-
 » rea Satyrum ad eam, an fugere uellet, sciscitatum
 » misi: quæ sermonem illius aueruens, Per exter-
 » nos, inquit, atque indigenas deos, quæso, è matris
 » oculis ereptam me, quò uultis abducite: nam si me
 » relicta discesseritis, laqueo mihi met animam in-
 » tercludam. quæ cum mihi relata fuerunt, ma-
 » gna ex parte animi mei molestiam absterferunt.
 » Biduum itaque commorati, siquidem domo abe-
 » rat pater, quæ ad fugam opus erant, parauimus.
 » eius autem potionis, qua Cynops consopitus fue-
 » ras, reliquum Satyrus cum asseruasset, id, dum no-
 » bis mi-

his ministrat, postremo in poculo Pauthie clàm
miscuit. quam ob rem illa mensa relicta suum se
intra cubiculum contulit, statimq; dormire cœ-
pit. erat uirgini alia etiam cubicularia: cui cum po-
tionis eiusdem Satyrus partem dedisset, (illā enim
ex quo thalamo præfecta fuit, ad amare sinxe-
rat) ad ianitorē circiter horam tertiā uenit, eumq;
medicamento eodem dormire compulit. interea
curru instructo Clinia pro forib. præstolabatur, ac
iam nos anteuertens conscenderat. posteaq; sopiti
omnes iacuerūt, circiter primā noctis uigiliā sum-
mo cum silentio discessimus, Satyro Leucippen ma-
no ducēte: fortē enim eo die Conops, qui nos obser-
uare cōsueuerat, heræ causa domo abscesserat. a-
perta igitur à Satyro ianua, exiimus: uehiculūq;
numero sex. ego scilicet, Leucippe, Satyrus, Cli-
nia, & famuli Cliniaē duo, conscendimus, ac Sido-
nem cursum direximus. noctisq; parte altera exa-
cta eam ad urbem, mox Berytum, nulla interiecta
mora, peruenimus, nauem illic aliquam soluturam
inuenire credentes. neq; nos opinio fefellit. nam si-
mul ac Berytiorum portum intrauimus, nauē iam
iam soluturam comperimus, in eamq; prius, quā
quò cursum teneret, sciscitaremur, nostra omnia
contulimus, & paulò ante lucem ascendimus: ac
tum demum Alexandriam Aegypti urbem cele-
berrimā petere illam cognouimus. ibi uerò ego ma-
re tunc

re tunc primum aspiciens gaudio exultabam, non dum abrepta in altum, sed in portu adhuc quiescente naui. Postea uerò, quàm idoneus ad exeundum uentus flare uisus est, ingens in naui discurrentium nautarū, attractorum rudentum, gubernatoris hortantis strepitus exortus: antenna obuersa, uelum factum, naui in altum abrepta, sublatæ anchoræ, portus relictus est. terra à naui quasi ipsa nauigaret, recedere paulatim uidebatur. ibi tum plausus excitatus, multæq; deis seruatoribus, quo prospera nauigatione uti liceret, preces effusæ sunt. interea uenti uis augebatur, uelumq; implebat, ac nauim propellebat. fortè autem ea ipsa in naui prope nos iuuenis quidam sedebat: qui, quoniam cibi capiendi tempus uenerat, perhumanè nos, ut unà essemus, rogauit. Quam ob rem cum Satyrus quæ nobis parauerat, iam promere coepisset, ea omnia in commune conferentes, prandio, colloquioq; nos mutuo participauimus. atque ego prior, Cuiastu, inquam, adolescens es, quod uè tibi nomen est? tum ille, Aegyptius, inquit, sum, ac Menelao mihi nomē est. de uobis autem ecquid mihi respondetis? cui ego, Clitophon, inquam, uocor, hic autem Clinia, Phœnices ambo. si tu nauigationis tuæ causam nobis recensueris, nos nostræ contrà tibi aperiemus. tum Menelaus, Meæ, inquit, nauigationis summa est, amor ingratus, & uenatio infelix. formosi enim
adoles.

adoleſcentuli amore ardebam. adoleſcentulus uenationi deditus erat : à qua tametsi eum plerunq; reuocabam, abducere tamen omnino nequibam. itaq; cum non obtemperaret, uenantem ipse quoq; ſequabar. ac cum equeſtres ambo uenatum ſemel exiuiſſemus, quamdiu quidem minutas ſeras perſecuti fuimus, res è ſententia proceſſit: ſed cum tandem aper improuiſo è ſylua prodiſſet, adoleſcens tantum abeſt ut obuiam prodeuntem extimuerit, ut in eum ultrò ſeſe intulerit, me etiam reclamante, atq; ut equum ſuſtineret, habenasq; adduceret, quoniam immanis bellua eſſet, admonente. aper in adoleſcētem magna ui curſum direxit, amboq; alter in alterum impetum fecerunt. quod ſimul ac uidi, e quidem cohorrui, ueritusq; ne bellua eum aſſequeretur, & equum proſterneret, iaculum, quod gerebam, minimè quò intenderē, præuidens, conieci: ſaſtumq; eſt, ut dum prætercurrit adoleſcens, ipſe uulnus exceperit. quē uerò mihi animū fuiſſe tum putas? ſi modò animi quicquam mihi omnino relictum fuit, tale utiq; fuit, quale in uno aliquo animam eſſante eſſe conſueuit. quod autem omnium luctuoſiſſimum fuit, manus mihi ſpirans adhuc porrigebat, amplexabaturq;: tantumq; abeſt ut, à quo interfectus fuerat, me ſontem odio haberet, ut dexteram etiam uulneris auctorem tenens animam eſſlaret. hac me de cauſa in ius adoleſcentis

tis parentes uocarunt, sanè non inuitum: sistens enim non solū excusatione aliqua usus non sum, sed etiam morte dignum ipse me censi. uerū tamen misericordia commotii iudices annos treis exulare me iusserunt. quod tempus cum effluxerit, nunc in patriam reuertor. hæc dum Menelaus commemoraret à Patrocli casu non abhorrentia, Clinia Chariclis recordatus non potuit quin lachrymaretur. Quam ab rem Menelaus, Meâne, inquit, causa lachrymas istas profundis, an uerò similis te quoque casus aliquis exulare cogit? tum Clinia non sine multis suspirijs Chariclis & equi euentum narrauit: post quem meum ipse quoque pensum absolui: deinde uerò cum Menelaum rerum suarum recornatione ualde tristem, Cliniam uerò ob Chariclis memoriam etiam lachrymantem uidissem, moerorem amborum abstergere cupiens, sermonem amatoria uoluptate perfusum excitaui: aberat enim tum Leucippe in occultiore nauis parte somnum capiens. ac conuersus ad eos, subridens que, Me quidem, inquam, Clinia plerunque uincit: & id nunc etiam (in mulieres enim, uti mos suus est, inuehi peroptat) eo facilius faciet, quòd amoris socium inuenit. Quid autem in causa sit, quam ob rem tam multi puerorum amoribus delectentur, ipse sanè non uideo. Tum Menelaus, An non hic, inquit, muliebri longè præstantior est mulieribus.

lieribus enim simpliciores pueri sunt, eorumq; forma ad mouendos iucunditate sensus uehementior. At quo pacto, inquam ego, uehementior? an quia, simul atque apparuit, euanescit, nec amanti sui perfruendæ potestatem facit? sed Tantali poculo similis uidetur? sæpe enim etiam inter bibendum auolat, amans quæ nihil, quod hauriat, amplius inueniens, abire cogitur. atque id etiã quod iam haustum est, prius eripitur, quàm qui bibit, exaturetur. quid, quod fieri nequit, à puero amans ut discedat, quin mœrore delibutam uoluptatem sentiat: utpote qui sitiens adhuc desaturatur. tum Menelaus, At tu, inquit, nescis, ô Clitophon, quid in uoluptate summum sit. illud quidem certè optandum est semper, quod nullam satietatem habet. nam quæ ad fruendum nobis diuturniora sunt, ea delectationem satietatis, fastidio tollunt. quæ uerò eripiuntur nonnunquam, recentia semper fiunt, & indies efflorescunt: eorum enim uoluptas nunquam senescit: sed quantũ ijs temporis breuitate demitur, tantum desiderij magnitudine accedit: proptereaq; plantis alijs rosa formosior iudicatur, quòd pulchritudo eius breui deflorescit. sanè uerò duas ego inter mortales pulchritudines uagari censeo, cœlestem alteram, alteram uulgarem: quæ quasi formæ largitrices deæ sunt, cœlestis mortali formæ adiungi molestè fert,

fert, eoq; ad cœlum quamprimum euolare nititur:
uulgaris humi serpit, corporibusq; adhæret. quòd
si pulchritudinis ad cœlum uolantis testem poetã
adhibere oporteat, Hómeri uersus hosce audi:

Incensi forma quem dii rapuere, Tonanti
Pocula ut ambrosio misceret plena liquore:

Exigeretq; suum dijs cum immortalibus æuum.
nulla uerò mulier pulchritudinis gratia in cœlum
unquam ascendit, quamuis cum mulieribus consue
uerit Iupiter: sed Alcmena in luctum incidit, ac fu
gere coacta est: Danaen arca & mare suscepit: Se
melen ignis absumpsit: cum autem Phrygij adole
scents amore captus esset, in cœlum eum sustulit,
quò & unã secum habitaret, & nectar misceret,
priori administratore, mulierem enim fuisse pu
to, abdicato. Tum ego sermone arrepto, Atqui cœ
leste, inquam, mulierum genus nūhi esse uidetur,
ea potissimum ratione, quòd earum forma non ad

- ,, modum citò interit: propè enim ad diuinitatem
- ,, accedit, quòd ab interitu longè abest. contrã, non
- ,, cœleste, sed terrenum uocari debet quicquid inte
- ,, ritui proximum est, dum mortalem imitatur natu
- ram. Phrygium quidem adolescentem dilexit lu
- piter, atque in cœlum sustulit: sed idem etiam de
- cœlo à muliebri forma detractus est. saneq; mulie
- ris causa in taurum quondam se commutauit. ea
- dem de re satyri formam induit, atque in aurum

se con-

se conuertit. misceat sanè dijs uinum *Ganymedes*, dum cum ijs *Iuno* quoq; accumbat, quò etiam mulier adolescentē habeat administratorem. me uerò raptus quoq; illius miseret: crudiuora enim auis eum rapuit: còtumeliāq; affecit non admodum ab ea diuersa, quam tyrannide oppressi perpetiuntur: cum alioqui aspectu etiam fœdum sit adolescentē ex unguibus pendentem spectare. Semelen non crudiuora uolucris, sed flamma in cœlum sustulit. nec uerò mirum tibi uideatur, aliquos ab igne sublato in cœlum ascendisse: neq; enim *Hercules* alio pacto ascendit. quòd si *Danaes* arcam rides, cur *Persei* mentionem non facis? *Alcmenæ* illud unum munus satis fuit, *Iouē* tres integros eius causa dies mundo eripuisse. ac si fabulis omissis ueræ uoluptatis, quæ muliebri ex usu percipitur, mentionem facere opus est, ego mulieres primum modò expertus, quantum quidem cum ijs quæ prece prostant, licuit (fortè enim experientior aliquis plura dicere queat) ego, inquam, tametsi huius rei modicus mihi usus adsit, dicam tamen, corpus amplexatu tenerum, labra basiatu mollia esse. atque hac de causa mulier cum ulnas, tum carnem ad id omnino aptè conformata sortita est. sanè qui ad mulierem sese applicat, is uerè uoluptatem amplectitur, labris que oscula tanquam qui signa in epistolis apponit, imprimit. illa uerò ar-

rò artificiose osculatur, maioreq; condita suauitate basia præbet: non solum enim labris suauari sat habet, sed etiam dentibus confligit, et circum basiantis ora depascitur, ac basia ipsa mandit. iam uerò etiam in mammarum attrectatu non aspernanda quædam inest iucunditas. in ipso autem ueneri complexus calore uoluptate, quasi æstro, concitata, & basians mordet, & insanit. tum lingue mutuo concurrunt, ac se ipsas, quoad eius fieri potest, osculari nituntur. tu uerò basia in apertū proferens uoluptatem reddis maiorem. sub ipsum congressus finem dulcedinis ardore quodam uicta mulier anhelare consuevit, anhelitus autem huiusmodi amatorio spiritu comitatus ad summa labra peruenit, errantiq; osculo, & ad imas pectoris parteis descendere querenti obuiam fit. tunc basium ipso cum anhelitu regreditur, amboq; in unum cocumes cor pulsant: quod basio conturbatum salit: ac, nisi uisceribus nexum haberet, sequeretur utique, & cum basijs ascenderet. Pucrorum oscula rudia sunt, complexus indocti, uenus languida, omniq; prorsus iucunditate destituta. Tum Menelaus: Tu quidem certè, inquit, non Venerem nunc primum attigisse, uerum in ea consenuisse mihi uideris, ita multas nobis mulierum curiositates enumerasti. Sed uicissim tu quoq; audi, quæ nam è pucrorum amoribus uoluptas percipiatur. In muliere
cum

cum uerba, tum reliqua omnia fucis plena sunt: ac si qua formosa uideatur, ea est operosa pigmentorum moles: cuius forma omnis alia nulla ex re, quæ aut unguentis, aut tinctis capillis, aut basiationibus constat: è quibus fucum si detraxeris, næ gracculo pennis, ut habetur in fabulis, denudato similem iudicabis. puerorum autem forma non pigmentorum fucis illinitur, non adulterinis aut externis perfri-
catur odoribus. omnibus autem mulierum omnium unguentis è puerorum sudore afflatus odor antecellit. iam uerò etiam ante uenereos congressus palastra cum ijs decertare, palamque, ac sine rubore amplecti licet: neque ulla est carnis teneritas quæ complexuum tactioni cedat: sed corpora sibi mutuo resistunt, ac de uoluptate cõtendunt. basia quoque muliebre illam diligentiam minimè sapiunt, nec stulto errore labris illito decipiunt. Puer quem admodum quidem nouit, suauia dat, iam non ab arte aliqua, sed à natura ipsa proficiscencia. sanèque basij puerilis imago eiusmodi est, ut si quis concretum atque in labra commutatū nectar oscularetur. ex quo fieri modo ullo nequit, ut aliqua basiandi tibi satietas oriatur: quinimmo quo plus haurias, hoc uehementiore siti labores: neque os inde
 abstrahere possis, donec præ uoluptate basia ipse
 refugias.



Tertio die cū serenissimo cœlo na-
 uis cursum teneret, obortæ im-
 prouisò tenebræ omnia obscura
 uerunt: uentusq; ab imo mari na-
 ui aduersus exortus est. quā obrẽ
 gubernator antennā obuerti iussit. itaq; nautæ cõse-
 stim fecerūt collecto per uim ab altera tantū par-
 te uelocinā cū uehemētius flaret uentus, impedimẽ-
 toq; esset quo minus ab altera cõtrahi posset, illud
 eo statu, quo prius fuerat, relinquere coacti sunt
 ex quo accidit, ut maior ea obuersione uetus ingru-
 eret. iā nauis pars altera deprimebatur, altera ele-
 uabat, ita ut præceptis omnino ageretur, et nostrū
 pleriq; mutandū locū penitus censerent. increbre-
 scēte itaq; uēto ad altiorẽ omnes nauis partē ascē-
 dimus, simul ut demersam aliā alleuaremus, simul
 ut æqualiter distributo onere tota æqualis ferret:
 sed hoc frustra fuit. tantum enim absuit, ut nauis à
 nobis fundus deprimeretur, ut ab eo ipsi magis etiā
 attolleremur. nos quidē fluctuātem nauim æquilibrẽ
 aliquandiu tenere conati fuimus, uerū in alterā
 eius partem mutatus improuisò uentus incubuit:
 parumq; absuit, quin eam demergeret, depressam
 scilicet antea partem magno impetu sustollendo,
 et sublatam deprimendo. quocirca ingens in na-
 ui luctus obortus est, omnesq; priorem ad locum,

non

non sine cursu & clamore redire cogebamur: ac deinceps tertio, & quarto, ac sæpius etiam eundem casum experti, eodem cum nam errore ducebamur: prius enim quàm primum cursum cōfecissemus, nos secundus excipiebat. comportantes igitur totum diem sarcinas, idem curriculum millies, quasi duplex uno cursu stadium curremus, cōfecimus, mortem semper expectantes: quæ sanè, uti credi par est, non longè aberat. nam post meridiem sol nobis omnino creptus fuit: neque alter alterum cernebamus, nisi ut sit luna lucente. flamma inter nubes coruscabat, cœlum tonitru mugiebat, aer strepitu implebatur. surgentes ab imo, ac mutuò sese collidentes fluctus adstrepebant. inter cœlum & mare diuersorum uentorum murmura resonabant, aerq; tubæ instar clangorem fundebat: attriti ac disrupti à uelo funes decidebant. illud etiam timebatur, ne comminutis tabulis, & conuulsis clauis, nauis solueretur. iam uerò tecta eius omnia undis, quæ innumera influebant, operiebantur: quam ob rem ea ipsa subeuntes tanquam in spelunca aliqua morabamur, fortunæ arbitrio, nulla salutis retenta spe, nosmet dedemes. crebri autem cum à prora, tum à puppi surgentes fluctus inter se concurrebant, assurgente fluctu nauis attollebatur, præterlabente uerò & subsidente deprimebatur. è fluctibus alij mon-

c 3 tibus,

tibus, alij uoraginibus similes erant: sed ij molestiores, qui ab utraq; sponda obliqui surgebant. nauis enim tecta subiens aqua conuoluebatur, totaq; obruebat. porro aqua in sublime acta, nubesq; penè contingens, dum quidem ante prorā procul cernebatur, miræ cuiusdam magnitudinis esse uidebatur: at si tu propius factam spectauisses, nauim absorpturā fuisse iudicasses. uēti cum fluctib. pugnant. nos ob nauis iactationē nullibi consistere quibamus. cōfusæ erant omniū uoces. murmurabat unda, perstrepebat uentus, mulierū ciulatus, uirorū clamor, nautarū hortatio eodem tempore audiebatur: luctuq; ac gemitu plena erant omnia. tum gubernator deiici onera iussit. nec ullum inter aurū, argentum ue, ac uilia quæq; discrimen fiebat: sed omnia æquē in mare deturbabantur, ijs ipsis etiam mercatoribus merces omneis suas, in quibus stempel posuerant, deiicientibus. iam nauis penitus exhausta erat: nec tamen tempestas commutabatur, tandem fessus gubernator temone abiecto, maris arbitrio nauem permisit. scaphamq; instruxit, ac nauitis descendere iussis, prior ipse, deinde illi uestigia eius statim secuti desilierunt. ibi tum maius ortum est malū, manib. q; pugnari coeptū: nautæ enim iā funem, quo scapha nauī alligabatur, præcidebant. uectores aut gubernatorē funē trahentē cernentes omnē, ut & ipsi desilirent, operā dabant. illi contra

trā minimè pati, sed cum secures, gladiosq; haberent, intentatis plagis quencunq; ingredi uolētem perterrere: hi, ut cuiq; fors obtulerat, alius uetustū remi partē, alius nauis tabulā aliquā arripientes repugnare. pro lege enim in mare utebatur, nautalisq; pugnae modus non antea uisus illic apparuit. nam qui in scapha erant, ueriti ne ob descendentium multitudinem mergerentur. securib. & gladijs feriebant: ij autē sudibus ac remis inter desiliēdum plagas referebant. alij uix scaplae summū attingentes corruebant. nonnulli etiam ingressi, cum ijs qui prius descenderāt, luctabātur: pudoris enim atq; amicitiae lex omnis sublata fuerat, ac suae quisque saluti intentus alienam contemnebat. ITA
 periculorum magnitudo uel amicitiae leges soluit.
 interea uectorum unus, iuuenis, robustus arrepto fune scapham prope nauim pene pertraxerat, paratiq; alij omnes expectabant, ut in eam simul ac appropinquasset, transilirent: ac duobus tantum tribusue cecidit, ut optato, non tamen sine sanguine, perfruerentur: nam multi alij hoc idem conati, in mare deturbati fuerunt: nautae enim praeciso statim securibus fune scapham soluerunt, ac quod uentus uoluit, abire permiserunt, uectoribus eam mergere conantibus. nauis autem ipsa undis iactata in gyrum agebatur, ac tandem ad aquis contactum saxum imprudenter delata, illisa, solutaq;

tota est: maloque alteram in partem collabente partim quidem fracta, partim uerò submersa. sanè quotquot epota maris aqua confestim obierunt, cum ijs, ut tunc res erat, mitius actum fuit, ut qui in mortis metu non admodum diu immorati sint.

- » PROCRASTINANS enim in mari mors
 » prius interimit quàm sentiatur, nam oculi maris
 » immensitate pleni metum afferunt nullis terminis
 » circumscriptum: eoque miserior est mors, quanta
 » enim maris est amplitudo, tantus etiam mortis est
 pavor, quidam enatare conati, ab unda saxo alli-
 si perierunt. multi disiectas nauis tabulas nacti
 piscium more nabant. nonnulli semimortui fere-
 bantur. fracta eo pacto nauis, prorse partem bonus
 quidam genius nobis conseruauit; in qua sedentes
 ego, & Leucippe, secundum maris æstum ueheba-
 mur. Menelaus, & Satyrus, alijq; uectores cum in
 malum incidissent, eo apprehenso natabant. Cli-
 niam uerò circum antennam nantem non procul
 aspeximus, atque audiuius etiam: me enim, ut li-
 gno harerem, adhortabatur: intereaque superue-
 niens à tergo fluctus loquentem, quæ sanè res
 lachrymas nobis excussit, primum adobruit: de-
 inde nobis etiam incubuit: sed fato quodam pro-
 prior factus infra nos præterlapsus est ita, ut
 lignum tantummodo altè sublatum in ipso flu-
 ctus summo, & Cliniam rursum uideremus. multis
 itaq;

itaq; cum lachrymis ego, Here, inquā, Neptune mi
screre, ac naufragij reliquijs parce: unus ipse me-
tus multas nobis mortes attulit. aut si tibi omnino
in animo est ut pereamus, ne nostrā mortē diuide:
sed idem fac ut nos fluctus absorbeat, sin uerò fata
etiam uolunt, ut belluarum esca simus, unus tantū
nos piscis deglutiat: unā tantū nos alius hauriat:
ut eodem à piscibus etiam uorati sepulchro con-
damur. paulo post, quā has preces effudi, uen-
ti uis undiq; sedata est, fluctusq; subsiderunt, &
cadaueribus plenum mare apparuit. Menelaum
ad Aegypti quæ uocant paralia fluctus reiecit: e-
am autem regionem omnem latrones incolebant.
nos circiter uesperam casu quodam Pelusium ap-
plicuimus: peroptatamq; in terram egressi gra-
tias dijs egimus: Cliniam deinde, ac Satyrum,
quos obiisse putabamus, defleuimus. Pelusij sta-
tua est Iouis Cassij, iuuenili ætate, atque adeo
ut Apollini quā simillima sit, dextera manu,
qua punicum malum sustinebat, extensa: cuius
rei significatio minimè uulgata est. huic Deo
supplicaturi, ac de Clinia, Satyro que (futura e-
nim prædicere illum aiunt) percunctaturi tem-
plum circuibamus: duas que in eius interiore
parte tabulas Euanthæ pictoris, cuius illic etiam
imago depicta fuerat, uidimus. in quarum alte-
ra Andromeda, in altera Prometheus uincu-

lis constricti cernebantur. atque ambos ea de cau-
sa pictorem coniunxisse puto, tametsi alia etiam
inter se communia haberent. Saxa enim
utrique pro carcere erant. ferae utrique, ae-
ria huic, marina illi, tanquam carnifices, immine-
bant. Argiui etiam utrique ex eadem gente auxi-
liatores aderant, Hercules scilicet, atque Perseus:
quorum alter Iouis uolucrem aquilam in terra
stans sagittis appetebat: alter Neptuni belluam
cete pennis in aere sustentatus adoriebatur. Sanè
pro puellae magnitudine saxum excauatum erat
ita, ut non arte aliqua fabrefactum, sed sponte na-
tum cauum pictura testari uideretur: illud enim
asperum, quo modo quidem terra producere so-
let, pictor effinxerat. in illo sedebat puella eo a-
spectu, ut si pulchritudinem tantum cōsiderare uo-
luisset, admiratione dignam imaginem: sin uerò
uincula etiam, & cete, rude & inconditum se-
pulchrum spectandum tibi propositum existima-
turus fueris. in uultu pulchritudini pallor admi-
stus erat, hic genas occupans, illa ex oculis afful-
gens: non tamen eousque genae pallebant, ut suus
eis rubor deesset: nec oculorum fulgor adeò coru-
scabat, quin languore quodā, qualem in uiolis pau-
lo antè succisis conspiciamus, dehonestaretur, ita
pulchro timore pictor puellam decorauerat. ma-
nus extente, ac altè saxo alligatae nō aliter è bra-
chijs,

chijs, quàm racemi è uite, pendebant. brachiorum autem ipsorum candor ad liuorem uergebat, et digiti mori uidebantur. hæc erat mortem expectantis puellæ facies. atqui sponsarum etiam more, quasiq; Plutoni nuptum traderetur, stolam induerat, necnon talarem tunicam, albam quidem illam, atque araneolæ reti subtilitate parem, contextamque, non quo modo ouium uellera, sed uolucrum plumæ, quales Indæ ab arboribus mulieres depeſtunt, conſueuerunt. aduerſus puellam cetus ab imo mari emergens undas capite, quo uno extabat, ſindebat: nam corporis maior pars aqua contegebatur, non tamen adeò, quin humerorum umbra, ſquamarum ordines, dorſi curuatura, ſpinarum ſummitas, caudæ flexiones proſpicerentur. ſanna ingenti, & profundo hiatu ad humeros uſque patebat, ſtatimque à uentre excipiebatur. inter cetum ac puellam Perſeus è cœlo deuolans in belluam ſerebatur nudo corpore, ni ſi quòd chlamyde humeros cooperuerat, & calceos alis ſimiles pedibus aptauerat, pileumq; Diſtis galeam imitantem capiti impoſuerat. leua manu Gorgonis caput ſuſtinebat, et pro ſcutò proijciebat, horribili ſanè aſpectu: nam & toruè intueri, & comā concutere, & ſerpentis uibrare, ac minitari etiam è pictura uidebatur. dextera ferro eiufmodi armata erat, ut & ſalx et gladius ſimul eſſet.

esset. à capulo enim ad medium usque gladij formam referebat: inde duas in partes sectum altera in mucronem protendebatur, itaque in gladium, sicut initio esse coeperat, desinebat: altera in uncum flectebatur, atque in falcem euadebat, eodem ut ictu & uulneraret, & attraheret. atq; ita quidem Andromedæ se res habebant. sequebatur altera deinceps pictura huiusmodi. Prometheus ferreis catenis saxo adalligatus erat. Hercules arcum & sagittam tenebat. aquila Promethei pectus depascebatur: quippe in aperiendo illo iam aperto perstabat, rostrum que in uulnus demittebat, infodere que, ac iecur querere uidebatur: cuius pars tanta sese ostendebat, quantam pictor per uulnus patere uoluerat. alteri Promethei coxæ aquila summis unguibus innitebatur: quapropter ille in moerore totus erat, & latus retrahens, eam ipsam coxam in suam ipsius perniciem eleuabat: ita enim uolucrem iecori propiorem faciebat. Altera coxa contemnos nervos ad imos usque pedes commonstrabat, in digitos que acuebatur. Quin alio etiam habitu dolorem indicabat: curuabat enim supercilia, labra contraherat, exerebat dentes. ipse sanè picturam quasi doloris sensum habentem miseratus fuisset, ijs malis onerato Prometheo suppeditas strebat Hercules, impositam arcui sagittam

tam in eius tortorem intendens: quippe arcum sinistra manus extensa impellebat, dextrâ uerò neruo unâ adducto mammae admouebatur, cubito interim post se curuato. eodem' que omnia hac tempore fiebant. arcus cornua neruo adducebantur, neruus manu flectebatur, manus mammae adhærebat. Prometheus ipse spe metu' que plenus erat, ac partim quidem uulnus, partim uerò Herculem intuebatur: quem sanè totis oculis contemplari uolebat. sed obtutus partem alteram dolor ad serapiebat. Ceterum cum duos illic dies commorati, ac ex malis recreati essemus, Aegyptia naui conductâ (nonnihil enim auri nobis fortè superfuerat) Alexandriam uersus Nilo amne cursum direximus, hoc consilio, etatem ut illic degeremus, fieri etiam posse putantes, ut eo fortè delatos amicos inueniremus. cum autem ad opmidum quoddam peruenissemus, ingens nobis clamor subito auditus est. ac nauta exclamans, Ecce pastor, nauem tanquam retrò cessurus conuertit, statimq; ripa feris atque agrestibus uiris completa est. magna ipsi omnes statura erant, colore non quidem, ut Indi, summe, sed ut non ueri Aethiopes, remisse nigro, capitibus apertis, paruis pedibus, corpore crasso, ac barbaro sermone. itaq; gubernator periisse nos omnes affirmans nauem sistit: angustissimus enim illic

illic fluuius erat. & latrones quatuor nauim con-
 scendentes quidquid in ea inerat, unda cum pecu-
 nia nostra abstulerunt, nobisq; uinctis atq; in custo-
 diam datis abierunt, ut postridie ad regem (ita e-
 nim latronum principem appellant) ducerent. a-
 berat autem ille duorum dierum itinere, uti de
 illis, qui nobiscum capti fuerant, accepimus. in-
 terea cum nox aduentasset, nōsque, ut eramus,
 uincti iaceremus, ac custodes dormitarent, ego,
 quo modo mihi sanè tum licuit, Leucippes ca-
 lamitatem lugere cœpi: & quòd eam in mala
 coniecissem, tacitus mecum reputans, animòque
 uehementer ingemiscens. Nec enim eiulatus in
 apertum proferre audebam: ô dijs dæmonēs-
 que, inquam, sicubi estis, & auditis, tan-
 tum' ne deliquimus, ut tam breui tot malis ob-
 rui meruerimus? Atqui nos latronibus Aegy-
 ptijs etiam tradidistis, quo misericordiam impe-
 trare nequeamus. Græcum Hercules latro-
 nem & uox commouisset, & ad misericordiam
 » preces allexissent. O R A T I O enim se-
 » pe ad lenitatem reuocat, & lingua pro a-
 » nimi egritudine deprecatrix iratas audientium
 » mentes flectit. nos uerò quānam uoce precabimur?
 quòdnam iusiurandum dabimus? ut enim Seire-
 num cantu dulciorem ad persuadendum oratio-
 nem quis adhibeat, non tamen à parricidis intelli-

getur. nutu tantum rogare, ac manuum gestu precari me oportebit. ô calamitatem. luctum ego iam saltando exprimam. sed infortunia mea quanquā opinione omnium maiora sunt, minus tamen certè doleo. Tua uerò Leucippe quo ore conquerar? quibus oculis lachrymabor? ô constantem in amoris fide conseruanda, ô benignam erga infelicem amantem Leucippen. en magnificos nuptiarum tuarum apparatus, carcerem scilicet pro cubiculo, pro puluinis terram, pro monilibus atque armillis funes & laqueos. atqui etiam deductoris loco latro tibi assidet, Hymenæique uicem lamentationes implent. nos quidem ô mare frustra tibi gratias egimus. Benignitatem ego tuam non possum non reprehendere, utpote quòd mitius in eos fueris quos perdidisti: nam dum nos seruasti, crudelius occidisti, omnemq; mortem, quæ non à latronibus afferretur, nobis inuidisti. hoc sanè pacto mecum tacitus lamentabatur: uerùm lachrymas, quod in ingentibus malis uaximè proprium est, profundere nequibā. ENIMVERO medio ce
crib. in malis lachrymæ abūde manant, ac precan ce
di munere pro ijs qui in calamitate degunt, apud ce
infortunij auctores funguntur, doloremq; minuūt, ce
ut ulcerū tumores cum disrumpuntur, in exuperā ce
tibus autem refugiunt, oculosq; deserunt: mœror ce
enim exire parantibus obuiam factus earum uim ce

» retardat, & una secum ad imas pectoris partes ra-
» pit. quam ob rē de oculorum uia deflecentes ani-
» mum pulsant, illiusq; angorem mirum in modū au-
gent. deinde ad Leucippeniam prorsus obmute-
scentem conuersus, Qua de causa, inquā, Leucippe
suauissima taces? nec quicquam mihi dicis? tum
illa, Quia uox me, inquit, ō Clitiphoni prius, quā
spiritus defecit. Hæc dum loqueremur, dies nobis
haud aduertemibus illuxit: ac tum nescio quis in-
culta & promissa coma introgressus est equo
aduectus maximè iubato, nudoq; nullis nec stratis,
nec phaleris. eiusmodi enim latronum sunt equi.
erat is à latronum principe missus, & si qua in-
ter captuos, inquit, uirgo adest, eam abducere
me oportet, Dei uictimam ad exercitum expian-
dum futuram. Tum custodes oculos in Leucip-
pen statim coniecerunt. illa uerò me complexa,
& mihi adhærens lamentari ac eiulare coepit. è
latronibus alij eam abstrahabant, alij me cæ-
debant. tandem sublimem raptam asportau-
runt, uinctos nos interim per ocium secum du-
centes. postea quā stadia duo à pago proces-
simus, ingens nobis clamor tubæ sono permix-
tus exaudiri coepit, deinde militum etiam gra-
uis armaturæ manus in conspectum se dedit
quam simulatque latrones uiderunt, nobis in co-
rum medio conclusis, ad resistendum parati sub-
stite-

stiterunt: atque haud ita multo post uiri quinquaginta armis tecti omnes, quorum alij longis ad pedes usque, alij breuioribus scutis utebantur, processerunt. Latrones, quorum numerus maior erat, sublatas glebas in eos proieciebant. Aegyptia porro gleba telo quouis perniciosior est: duritia enim et pondere atque asperitate longè antecellit: atque asperitatem prominentes hinc inde cuspides gignunt. ea de re fit, ut coniecta bifariam laedat: tumorem enim ceu lapis, et uulnus ceu iaculum, efficit. uerum milites glebas scutis excipientes iaculatores nihili faciebant. posteaquam hi coniiciendo defatigati fuerunt, illi agmen aperuerunt: et qui leuiter armati erant, statim procurrerunt: quorum singuli missic ac gladium gestabant. ij primum iaculati omnes sunt, neque uanus cuiusquam iectus fuit. deinde grauis armatura sese effudit. pugnatum est confertim, plagæque ac caedes et uulnera ultro citroque illata. quod militum numero deerat, usus explebat. nos quotquot captiui eramus, latronum aciem inclinare uidentes, facto simul agmine, eorumque ordinibus perruptis ad hostes transiimus: qui uti se res haberet, ignari nos primò interficere uoluerunt: sed cum postea nudos ac uinctos aspexissent, cognita ueritate, intra ordines susceptos post extremum agmen,

f

ut

ut illic quiesceremus, collocauerunt. interea superuenerunt equites, acieq; utrinque effusa latrones circuire, in angustumq; coactos trucidare coeperunt: ex quibus alij mortui procubuerunt, nonnulli semimortui adhuc pugnabant, reliqui in militum potestatem uiui deuenerunt. Caterum inclinata iam die militum eorum ductor, cui Charmidi nomen fuerat, unumquemq; nostrum singillatim et qui essemus, et quo pacto in praedonum manus incideramus, interrogauit: cui quidem alij alia, ego uero quae mihi euenerant, commemoravi. atq; ille, ubi omnia edidicit, se ut sequeremur, iussit, armaque nobis praebere pollicitus est: decreuerat enim, cum primum copiae, quas expectabat, aduentassent, magnum latronum, qui ad decem millia esse ferebantur, receptaculum aggredi. ac tunc ego equum dari mihi poposci: eo enim studio ualde gaudebam: qui simul atque adductus fuit, illum circum agens pugnantium ordinatim equitum exemplum edidi, ita ut me Charmides magnopere commendaret. itaque die illo suis e conuiuiis unum esse me uoluit: atque à coena, casus meos ut enarrarem, postulauit: quae dum audiret, misericordia mouebatur. FERRE enim fit, ut qui aliena mala audit, unà quodam modo patiatur. beneuolentiam autem misericordia saepenu-
mero gignit: animus enim eorum quos audit,
moro-

mœrore delentus, & malorum auditione in eum-
 dem fere sensum pertractus, tristitiam in mise-
 ricordiam, misericordia uerò in beneuolentiam
 commutat. Ego uerò narrando Charmidem
 eousque commoui, ut lachrymas tenere nequiue-
 rit: nam quod amplius facerem, nihil erat, cum
 Leucippe in latronum potestate remansisset. At-
 qui Aegyptium etiam seruum mei curam habe-
 re iussit. Postridie ad prodeundum se compara-
 uit, & fossam quæ impedimento erat, complere
 aggressus est: magnum etenim latronum nume-
 rum in armis esse trans fossam illam cernebamus:
 ij aram quandam è luto, iuxtaque sepulchrum ex
 tempore construxerant. ac uiri duo puellam mani-
 bus post tergum reuinctis eò adduxerunt. quos ui-
 ros propterea quòd armis tecti erant, haudqua-
 quam cognoui: sed puella Leucippe erat.
 ij ergo tum capiti eius libamina infundentes,
 circum aram in orbem illam duxerunt, sa-
 cerdote quodam Aegyptium, uti uerisimile est,
 carmen ei accinente. Oris etenim figura &
 uultus distortio canere illum subindicabat. de-
 incepto dato signo, ab ara omnes procul rece-
 sere. Tum adolescens alter ex ijs qui ad-
 duxerant eam reclinans paxillis terre infixis
 supinam alligauit, quo maximè modo figuli
 Marsyam arbori alligatum effingunt, gladiumq;
 f iuxta

iuxta cor infixum ad ima uentris usque traxit, sic ut uiscera omnia statim exiluerim : quæ illi manibus corripientes aræ imposuerunt ; cocta quæ dissecuerunt , ac inter se partiti omnes deuorant . Hæc milites , ductor quæ cernentes , non potuerunt , quum ad eorum unum quodque factum exclamarent , multosq; auerterent . ipse autem ea sine ulla prorsus mente , ac sine ullo sensu , stupore scilicet oppressus spectabam : mali enim modum exuperantis magnitudo à mentis sensu me abstraxerat . ac fortè quæ de Niobe fabulis traduntur , falsa minimè fuerunt : sed huiusmodi quiddam illa quoque ob natorum cædem in se experta fabulæ locum fecit , existimantibus alijs eam , propterea quòd immota cõstitisset , in lapidem conuersam . postea quàm ea res finem , sicuti mihi uidebatur , sortita est , latrones cadauere in sepulchro condito , probequæ contexto aram demoliti sunt , ac nunquam respicientes , ita enim fieri debere sacerdos præceperat , discesserunt . Sub uesperam fossa omnis repleta fuit , milites quæ prætergressi paulò supra fossam castra posuerunt , deinde cibum ceperunt . & Charmides ægro me animo esse cernens , consolationem mihi adhibere conabatur : uerum ego circiter primam noctis uigiliam dormienteis omnes tandem conspiciatus ad tumultum , ut memetipsum super

eo immolare, accepto gladio perrexi: ac sepulchro propior factus eo educto, ò misera, inquam, Leucippe, mortalium: que omnium infelicissima, ego quidem certè non mortem istam tuam, non quòd procul à domo tua, non quòd uiolenta morte obieris, non quòd tam sæui de te ludi facti sint, fleo: sed illud miserrimum omnium me facit, quòd impurissimorum latronum expiatio fueris, quòd ij te uiuam (me miserum) gladijs que mucronem in te defigi uidentem dissecuerint, quòd occultiores uteri tui partes diuiserint, quòd execrabilem aram, ac tumulum in sepulchrum tibi crexerint. Atque hic quidem corpus tuum iacet, uiscera uerò quem locum obtinent? si ea igni consumpta fuisset, leuior utique calamitas hæc existimari deberet: sed cum eorum sepulchrum latronum ingluuies facta sit, quæ malo huic infelicitas comparari potest? ò diras altaris faces. ò ciborum inauditum genus. Et dii sacrificia huiusmodi è cœlo spectarunt, et ignis extinctus non est, sed fœdatus ascendit, nidorem que dijs attulit. tu uerò Leucippe te dignas à me inferias cape. Hæc cum dixissem, gladium que, ut in iugulum mihimet ipse demitterem, sustulissem, duos quosdam ex aduersum mihi, luna enim splendebat, ad me quàm ocysimè curren-

tes prospexi . Continui me igitur, latrones illos esse ratus, ut ab ijs interficerer . interea propiores ambo facti sunt, & magna uoce in-
clamarunt . Erant ij Satyrus, & Menelaus . ego tametsi mihi amicos homines uiuos inspe-
rato uiderem, tamen tantum absuit ut illos am-
plexarer, ut nullam etiam ex eorum aspectu uoluptatem caperem, ita me de statu mentis deieccrat acerbitas infortuniorum . Illi de-
xtera manu mihi apprehensa gladium eripere tentauerunt . Verum ego, Ne per Deos, inquam, præclaram hanc mihi mortem, aut malorum potius medelam inuideatis : neque enim Leucippe hoc pacto amissa, & si nunc me maxi-
mè cogatis, uiuere amplius queam . Gladium certè hunc ipsi è manibus meis euelletis : sed mæroris aculeus intus ad uinum desedit, ac nonnihil iam penetrauit . Immortali ne uul-
neratione uos mori me uultis ? Tum Mene-
laus, Si nullam, inquit, aliam ob causam mortem tibi consciscere uis, gladium Hercules abijcere potes : nam Leucippe uiua nunc nunc tibi aderit . Ipse autem coniectis in eum oculis, Atqui tu quoque, inquam, tantis confl-
ctatum malis irrides ? Ah saltem hospitalis tibi Iouis in mentem ueniat . Tum ille im-
pulsio tumulto, Agedum tu, inquit, Leucip-
pe

pe an uiuas , testare : quandoquidem nullam
Clitophon mihi fidem habet . Vix autem lo-
qui desierat , cum urnam bis , tēue percussit,
exilis ' que admodum ab ea proueniens uox
mihi audita est . Itaque subito tremore occu-
patus , oculos in Menelaum conieci , magicæ
artis peritum cum ratus . Ille urnam dete-
xit , ac statim Leucippe quā terribili sanè,
horrendo'que aspectu : (à summo enim ad imum
dissectus , ac uisceribus uacuis ei uenter erat)
prodiit , sese ' que in me reijciens , me comple-
xa est , & ego illam contrā : itaque ambo con-
cidimus . Vix autem me ipse collegeram ,
cum ad Menelaum conuersus , Quid cause ,
inquam , est , quam ob rem mihi , quo modo
hæc se habeant , non expedis ? Nōne quam
uideo , quam teneo , quam loquentem audio ,
Leucippe est ? Cuiusmodi ergo fuerunt , que
hesterna die prospexi ? Sanè aut illud , aut
hoc somnium est : sed osculum & uerum est ,
& uiuum , & , quale à Leucippe olim da-
batur , suaue . Tum ille , Atqui uiscera
quoque , inquit , iamiam recuperabit , pe-
toris' que uulnus coalescet , omni prorsus eua-
nescente cicatrice . Tu faciem uela : Proserpi-
nam enim ad id inuoco . Itaque fidem homini
habens , feci . Ille autem inaudita quedam

facere & loqui cœpit : atque inter loquendum, quæ Leucippes ueniri ad fallendos latrones adaptauerant, detraxit, priorem quæ illi formam reddidit, deinde respicere me iussit. tum ego, uix quidem, ac sanè magno cum timore: Proserpinam enim uerè adesse putabam : faciem reuelauit. Leucippen quæ inuulneratam uidi: eoque maiorem etiam in modum admiratus, si Dei alicuius Menelae charissime, inquam, administer es, ubinam, rogo te, gentium sumus? quid sibi hæc uolunt quæ cerno? Leucippe quoque, Hominem, inquit, Menelae frustrari amplius noli: sed quo pacto latronibus imposueris, iam tandem expone.

Tum Menelaus, Aegyptium, inquit, me Clitophon esse non ignoras: id quod ex me non antea, in naui cum essemus, audiuiſti.

Prædiorum meorum pars maior prope urbem hanc est: cuius cum præfectis nonnullus mihi usus intercedit. Cum igitur naufragium fecissemus, ad Aegypti litora me tandem fluctus eiecit, qui latrones ei urbi præsidio fuerant, me cum Satyro ceperunt. perductum autem ad eorum ducem nonnulli ex eis mei cognitores uinculis detractis soluerunt, & bono animo esse, sibi quæ, uti amicam, in eorum rebus agendis auxilium fer-

re iusserunt. tunc ego Satyrum quasi meum red-
di mihi poposci. at illi, Strenuū, inquit, nobis te
primum ostende. interea responsum ijs ab ora-
culo redditum fuit, ut uirginem immolarent, &
suum ipsorū receptaculum expiarent, immolatæ
que iocinore degustato, ac reliquo corpore huma-
to recederent: ut sacrificij genus hostium aduen-
tum retardaret. quæ reliqua sunt, tu Satyre com-
memorato. ac tum Satyrus, Cum ad exercitum ca-
ptiuus, inquit, ductus, & de Leucippes infortu-
nio certior factus essem, uicem illius dolens, ô he-
re flebam, Menelaumq; ut eam omnino seruaret,
obtestabar. qua in re propitius nescio quis Deus
nobis auxilio fuit: pridie enim, quàm sacrificium
fieret, in littore mœroris pleni, atq; ijs de rebus sol-
liciti confederamus. Iaranes autem aliquot nauem
locorum inscitia errantem conspicati in eam im-
petum fecerunt. qui in ea erant, cognitis latroni-
bus, retrocedere tentauerunt: sed cum post abeun-
di facultatem ab ijs iam sibi præceptam intellige-
rent, ad resistendum sese conuerterunt. ea porro
nauis unus quidam ex ijs qui Homeri poemata in
theatris recitant, uehebatur. is cū se, tum eos quos
secum ducebat eo habitu quo in edendis Homeri
poematis uti consueuerat, adornans pugnandi ini-
tium fecit, primisq; crassatoribus perquam stre-
nuè restitit. Sed cum plures alij latronum myopa-

rones superuenissent, & nauis demersa est & egressi ex ea uiri interempti: tum uerò cistam quamdam inscijs illis elapsam unà cum fractæ nauis parte fluctus ad nos detulerunt. eam Menelaus sustulit, ac nescio quò secedens, me præsente, qui non uulgare aliquid in ea contineri putabam, aperuit: chlamydémque ac cultrum, cuius manubrium palmos quatuor, ferrum uerò digitos non amplius treis longum erat, inuenimus. cultrum hunc Menelaus cum inscien-ter torssisset, & capulo, tanquam ex antro, ferri pars tanta prodijt, quanta capuli longitudo fuerat: cūque in contrariam rursum partem torssisset, ferrum pariter intus occultatum est. eiusmodi ferro miserum illum hominem in theatris ad fictas uulnerationes uti consueuisse credibile est. quam ob rem ad Menelaum conuersus, Si strenuam, inquam ego, nunc operam nauare uolueris, auxilium nobis Deus feret: nos que puellam seruare, & à latronibus minimè deprehendi poterimus. quo autem id pacto fieri possit, accipe. Oculum corium quàm subtilissimum in sacculi formam pro humani ueneris magnitudine consue-
mus, & fere alicuius extis, ac sanguine refertum ad eius uterum accommodabimus ita, ut exta non facile delabantur. hunc in modum adornata puella, stolâque superimposita, mitris
dein-

deinde ac uittis additis apparatus istum occultabimus. cui sanè rei percommodum oraculum est: à quo responsum fuit, ut puella adornata cum ueste ipsa per medium secetur. tunc hunc ea fabrefactum arte uides, ut, si quis aliquod in corpus defigere uelit, eius ferrum intra capulum, tanquam intra uaginam, recurrat. ijs qui spectant, in corpus illud mergi existimantibus, cum tamen in manubrij latebra recondatur, nec amplius extet, quam quantum satis sit ad fictitium uterum secandum. Sed pellem capulus ipse coningat. quod si quis è uulnere gladium extrahat, tantum pariter ferri excurret, quantum sublatus capulus emit: illoque modo spectantium oculos fallit, arbitrantibus ijs illud totum, quod è manubrio extabat, in corpus defixum fuisse. hæc si fiant, latrones artificium cognoscere nequibunt: nam & corium tectum erit, & exta facto uulnere defiliens: quæ nos excipientes aræ imponemus. nec uerò ad cadauer eo tempore latrones accedent: uerum nos in tumultu collocabimus. latronum sanè principem paulo antè ipse dicentem audiisti, audacter factum aliquid sibi à nobis ostendi oportere, licet itaque hominem te adire, paratimque

ad

ad id esse te polliceri. quæ cum dixissem, preces etiam addidi, hospitalem Iouem inuocans, communisq; et mensæ et naufragij mentionem faciens. tum uerò bonus hic uir, Magnū, id inquit, facinus est: sed amici causa mortem subire iucundum est. atq; ego rursum Clitophontem quidem, inquam, uere adhuc existimo: roganti enim mihi Leucippe illum inter captiuos uinctum reliquisse affirmavit: duci præterea suo à latronibus fuga elapsis renunciatum est, captiuos omneis, dum pugnaretur, ad hostes transiuisse. magnam itaq; ab eo gratiam inibis, ac miseram hanc puellam tot ex malis eripies. hac oratione hominem persuasi: nec fortunæ deinceps fauor defuit. enimuerò ego in ijs quæ ad nostrum hunc cogitatum perficiendum opus erant, comparandis occupabar. Menelaus autem cum iam latrones, ut de sacrificio cum ijs uerba faceret conuenisset, eorum princeps ita uolente Deo, anteuertit: Atq; nostris, inquit, legibus cauetur, ut qui primarius sacerdos est, is sacrificium auspicetur, præsertim cum hominē immolare oportet. itaque diuinam ad rem faciendam te in crastinum comparato, seruum uerò etiam tuum instrui, tecumque operari necessarium erit. tum Menelaus, Enitemur, inquit, ut nos quoquam è uobis inferiores non esse intelligatis. at qui muneris quoq; inquit ille, uestri erit, puellā ita constituere, ut aptè secari possit.

possit. Leucippen igitur soli ipsi, quemadmodum
antea propositum fuerat, adornaui, bonoq; a-
nimo esse iubētes de omnibus præmonuimus, opor-
tere scilicet se tumultum ingredi, atq; in eo inter-
diu etiam quamuis somno solueretur, permanere:
in idq; animum intendere, ut si nostrum aliquis re-
cessisset, ad latronum hostes transitione facta seip-
sam seruaret. Quæ cum dixissemus, puellam ad a-
ram duximus. reliqua tumet uidisti. Hac oratione
uarias mihi animus in parteis distrahebatur: neq;
quid agerem, quò Menelao parem collatis in me
beneficijs gratiam referrem, sciebam. itaq; quod
uulgò fieri solet, ad illius pedes prostratus, hominē
amplectebam, & ueluti numen quoddam adorabā,
cum inexhausta interim uoluptas animum meum
perfudisset. posteaquam rem, quod Leucippen atti-
nebat, in tuto esse uidi, quid de Clinia factum esset,
rogaui. Menelaus autem fracta illum naui anten-
næ adhaerentem uidisse. uerum quò deinceps dela-
tus fuisset, ignorare omnino se respōdit. Quam ob
rem in ipso lætitiæ medio non potui non contrista-
ri (fortè autem solidum hoc mihi gaudium euenire
Deus aliquis noluit) mea causa euenisse, ut quem
secundum Leucippen maximè omnium obserua-
bam, is nullibi reperiretur, sed solus ex omnib. ma-
ris seuitiam expertus fuisset, quo non modò spiri-
tu, uerum etiam sepulchro careret. ô infidum ma-
re, ta

te, tu integrum nobis benignitatis tue fructum in-
uidisti. Cæterum inde digressi ad exercitum unâ
profecti sumus, meoq; in tentorio noctis reliquum
transeginus. facti autem illius fama latè dissemi-
nata est. Vbi dies illuxit, Menelaum ad Charmi-
dem duxi, réinque omnem exposui: qui ea dele-
ctatus Menelaum in amicitiam recepit, ac de ad-
uersariorum numero percunctatus est. Menelaus
uicinum illum pagum improbis hominibus ple-
num esse, latronesque perquàm frequentes, ut iam
decem millium numerum implerent, conue-
nisse dixit. Tum Charmides: Atqui millia
quinque hæc nostra, inquit, uiginti eorum fa-
cile obsistere poterunt: quanquam non ita mul-
to post alia duo aderunt ex ijs qui regionem
quam Delta uocant, ac Heliopolim, à barba-
rorum excursionibus tuentur. Interea dum Char-
mides hæc narraret, puer nescio quis ingressus
nuncium exercitus à regione Delta adesse signi-
ficauit, referentem ea militum millia duo quin-
que adhuc dies tardatura. barbaros quidem cer-
tè incursionibus modum fecisse: uerum cum iter
cohortes facturæ essent, sacrian uolucrem pa-
tris sepulchrum ferentem ijs appropinquare:
ac propterea tantum temporis profectionem dif-
ferre coactus fuisse. Tum ego, Quisnam hic,
inquam,

inquam, uolucris est, cui honoris tantum tribuetur? aut quòdnam sepulchrum gestat? uolucris nomen, inquiunt, Phoenix est. atque apud Aethiopes nascitur, pauonis magnitudinis, atque colore: sed pulchritudine, pauoni secundus. pennas auro et purpura interpietas habet, solisque se auem esse gloriatur: id quod caput eius testatum facit. nam ingeniosissimè factam coronam sustinet, cuius orbis imaginem Solis refert. colore caeruleo est, rosea facie, aspectu iucundo, radijs proiectis: pennae enim extensae radios imitatur. Ea uerò conditione est, ut uiuo Aethiopes, mortuo Aegyptij potiantur. Cum primum enim uitam cum morte commutauit (quae res non nisi longum post tempus fit) eum filius ad Nilum flumen desert, sepulchrumque illi huiusmodi construit: odoratissimae enim myrrhae tantum sumit, quantum ad cadauer includendum sufficere possit, rostroque excavat, et medium infodit: atque id uolucris sepulchrum est. collocato enim aptè in eo cauo, ac terra operto cadauere, Nilum uersus uolans auis opus totum secum desert, innumeris alijs auibus, tanquam corporis custodibus comitatus, ut peregrè abeuntem regem imitetur, nec à Solis urbe, quae mortui uolucris sedes est, usquam

usquam declinat: sed eò delatus in sublimi, quò cer-
ni possit subsistit, Deiq; administratos expectat: nec
multo post Aegyptius sacerdos è sacrario cum li-
bro prodit, uolucrum descriptionis comparatione
dijudicaturus. quocirca fidem ille sibi minimè ha-
beri sentiens, occultas paterni corporis partes re-
uelat, cadauerq; oculis subiicit, & laudatoris mu-
nere fungitur. tum Solis sacerdotes acceptum sa-
cri uolucris cadauer sepulturæ tradunt. ita fit, ut
uictus ratio, dum uiuit, Aethiopem: sepulturæ, cum
moritur, Aegyptium illum efficiat.

Liber quartus.



Ostea quàm hostium apparatus,
& auxiliorum moram Charmi-
des cognouit, ad pagum, unde e-
xieramus, reuertendū, ibiq; tan-
tiſper dum adessent auxilia, ex-
pectandum constituit. Mihi uerò atq; Leucippæ
diuersorium quoddam paulo altius, quàm Char-
midis, assignatum fuit: in quod simul atq; introiui,
ad complexum eius currens, uirum me præstare
aggressus sum. Sed cum illa non pateretur, Quo-
usq; tandem, inquam, Veneris fructu carendum no-
bis erit? an non rides quàm multa improviso nobis
eueniam? nam & naufragium fecimus, & in latro-
nes incidimus, ipsaq; uictimæ loco mactata penè
fuisti. ergo dum in tuto sumus, ne oblatam occasio-
nem

nem prius, quàm grauius aliquid incidat, amittamus. Tum Leucippe, Atqui fieri hoc, inquit, nondum licet. Nam cum aræ uictimæ loco destinata lugerem, uisa mihi per somnium Diana, Ne nunc, inquit, luge: non enim moriere. ipsa tibi opem feram. tu uirginitatem tuam tandiu serua, quoad ego te deducam: tu certè non nisi Clitophonti nubes. ego uerò quanquam moram hanc ægreferebam, futuri tamen spe lætabar. atque insomniæ mentione audita, simile quoq; mihi uisum insomnium fuisse recordatus sum. nocte enim, quæ diem illum præcesserat, Veneris templum, stantemq; intus effigiem uidere mihi uisus fueram. Cumq; precandi gratia propè accessissem, ianuam claudi: atq; hac de causa perturbato mihi mulierem statuæ forma non absimilem apparuisse: quæ diceret, templum ingredi mihi nondum fas esse: uerùm, si aliquandiu expectassem, futurum ut non solum fores mihi patèrent, sed etiam ut Deæ sacerdos crearer. illud itaq; Leucippæ commemorauimus, neq; amplius ei uim afferre conatus sum. ueruntamen illius insomnium animo mecum reputans non mediocriter contristabar. Interea Charmides puellæ oculos adiecit, cum eius uidendæ occasio quædam huiusmodi homini oblata esset. forte fortuna uiri aliquot fluuatilem belluam spectatu sanè non indignam, comprehenderant: quam Nili equum Aegyptij appel-

lant. reueraq; & uentre, & pedibus, sicuti fama fert, equus est, nisi quòd scissas ungulas habet. corporis magnitudine maximum quenq; bouem & qui parat. cauda ei breuis est, & pilorum asperitate, quemadmodum corpus etiam reliquum, carens, caput rotundum, non paruum: maxillæ ferè equinæ, nares perquam patulæ, ac ignitum fumum tanquam ignis scaturigines quedam, spirantes: mentum latum, quemadmodum etiam maxillæ: oris hiatus ad tempora usq; protensus: dentes, qui canini uocitantur, curui, forma & situ equinis similes: uerum triplo maiores. ad eam belluam spectandam nos Charmides inuitauit: affuitq; una nobiscum ipsa etiam Leucippe. nos porrò belluam contēplabamur: ille autem oculos à Leucippe nusquam deieciēbat. Quocirca eius amore statim exarsit. atq; diutius nos illic, quò gratum oculis suis faceret, permanere cupiens, alios ex alijs sermones querebat: ac belluæ primùm naturam, deinde capiendi modum referens, uoracissimum animal esse aiebat, ita ut segete plenum campum totum absumat: nec nisi dolo capi. obseruatis enim locis in quibus degat, uenatores fossam excauare, harundinibusq; ac terra cooperire, subiecta tamen arca lignea. cuius fores in superiore parte ad fossæ altitudinē adaperitæ sint: deinde occulto aliquo in loco, donec bellua decidat, expectare: porrò eā sup-
ascen-

ascendentem deorsum statim ferri, atque ab ar-
ta, tanquam à cubili, excipi: tum uenatores cele-
riter accurrere, ac fores claudere, illóque modo
bellua potiri, quoniam tanti alioqui roboris sit, ut
ui à quoquam capi nequeat. esse enim cum reli-
quis omnibus sui partibus robustissimam, tum cute
adeò dura, ut ferro etiam cedere nolit, meritóque
elephantem Aegyptium dici posse: secundum e-
nim roboris locum ab elephante Indo obtinere.
Tum Menelaus, An uerò etiam elephantem, in-
quit, uidisti? Maximè, inquit Charmides: & ex
ijs etiam qui procreationis eius incredibilem
quasi naturam diligenter peruestigauerunt, au-
diui. at nobis, inquam ego, non nisi pictum spe-
ctare haecenus licuit. Tum Charmides, Ego uos,
inquit, rei huius nescios esse amplius non patiar.
atq; ut sciatis, longæuum illum, ac maximè senem
mater parit: annos enim decem in utero semen
informandum continet. deinde exacto annorum
huiusmodi curriculo, in lucem edit, foetu iam sene-
scente. Hac de causa & corpore immenso, &
robore insuperabili, & uita longissima, quip-
pe supra Hesiodiæ cornicis annos uiuere tra-
ditur, gigni arbitror. Elephantorum talis est
maxilla, quale tauri caput. ac si tu illius os ui-
deres, cornua duo habere iudicares: uerum non
cornua, sed dentes repandi sunt. è quorum medio

surgit proboscis, quam manum uocant, forma & magnitudine tubæ similis, & ijs quæ sibi usui sunt percommoda. ea enim & cibum, & quicquid eius aptum obijcitur, corripit. ac si ex ijs fuerit quibus in cibum animal id uti consuevit, sumit statim, seque mentum uersus inflectens, ori offert: sin minus, contorta in circulum manu sustollit, heroque porrigit: insidet enim illi Aethiops uir, qui nouus illius eques est: blanditur uerò etiam, & formidat, & loquentem intelligit, & uerberari patitur, ferrea uidelicet claua, quæ flagelli loco adhibetur. atqui mirabile quiddam etiam uidisse me aliquando memini, Græcum scilicet nescio quem caput suum belluæ capiti olim adnouisse, belluamque aperti oris anhelitu iacentem hominem permulxisse. in quo sanè & hominis audaciam, & elephanti benignitatem admirabar: mercedem uerò belluæ à se persolutam, & aromatum penè Indicorum ab ea odorem afflatum fuisse, Græcus ille aiebat, qui capitis dolorem remouerit, elephantemque id minimè ignorare: ideoque gratis os non aperire: sed superbi medici more præmium in primis poscere: quo accepto, parere, ac gratiam referre, os pandere, & eo aperto quandiu quidem homo uelit, expectare, intelligentem scilicet odorem se uendidisse. Tum ego, Vnde, inquam, tam deformi belluæ tam suauis odor?

dor? ex cibo, inquit, Charmides, quo ad eam rem
 maximè idoneo utitur. Indorum regio Soli uicina
 est: primique ipsi orientem illum aspiciunt, calidio
 resque illius radios experiuntur, ita ut etiam qua-
 si igne colorati sint: in Græcia flos oritur Aethio-
 pum colorem referens: qui apud Indos non flos,
 sed frons est, cuiusmodi eæ sunt quæ in arboribus
 nostris cernuntur: atq; illic quidem afflatum, odo-
 remque celans, nullo in precio est, siue quia inter
 notos gloriari minus habeat uoluptatis, siue quia
 ciuibus suis inuideat: sin uerò è patria terra pau-
 lum modò excedat, monteisque transcendat, laten-
 tem suauitatem in apertum profert: ac è fronde
 in florem mutatus odore cumulat. Indorum hic
 flos est, quem nigram rosam uocant. hac elephan-
 tes uescuntur, quemadmodum gramine apud nos
 boues. igitur à primo ferè ortu pabulo eiusmodi
 enutrita bellua cibo similem odorem reddit, ha-
 litumque odoratissimum ab imo, ubi ei spiritus
 fons est, efflat. Posteaquàm loquendi finem Char-
 mides fecit, non multum temporis abire passus
 (qui enim amore saucius est, cum illius æstu ia-
 ctatur, dōlori ferendo par esse nequit) Menelaum
 ad se uocatum manu prehendit, atque ex ijs, in-
 quit, quæ Clitophontis causa fecisti, uerum te a-
 micum esse intellexi: quare me quoque non dete-
 riorem inuenies. gratiam à te mihi tribui perue-

lim tibi sanè factu quàm facillimam: mihi uerò eiusmodi, ut si uelis, animæ incolumitatem reddas. Leucippe me perdidit: tu me seruato. illa tibi quæ pro reddita uita debet, nondum persoluit: uerum ego pro tuo hoc in me collato beneficio numos aureos quinquaginta dono dabo. Leucippe ipsa quot uoluerit, accipiet. tum uerò Menelaus, Pecuniam, inquit, tuam tibi habe, atque illis quibus uenalia beneficia sunt serua. ego, cum in amicitiam me receperis, operam dabo ut ne me frustra recepisse te intelligas. Quæ cum dixisset, me conuenit, remq; omnem exposuit. quapropter quid nos agere oportet, cogitare cœpimus: in eamq; tandem sententiam uenimus, ut hominē falleremus: negare enim tunc non poteramus, cum periculum esset, ne uim intemeret. sed neque fugam arripere, cum à latronibus loca omnia obfessa essent, & ipse tot circum se milites haberet, ullo pacto licebat. igitur paulo post reuersus ad Charmiden Menelaus, rem confecisse se, inquit: ac puellam primò quidem perquàm obstinatè renuisse: ueruntamē cum ipse preces adhibuisset, ac beneficij memoriam renouasset, tandem annuisse. Vnum tantum, atque id non iniustum, rogauisse, nempe ut dies pauci concederentur, donec Alexandriam perueniretur: locum enim, in quo tum degebant, uil-

lans

lam esse, omnia illic palàm futura, multos' que
testeis habitura. Charmides uerò: Serum, inquit,
hoc mihi beneficium esse uis. in bello autem quis
cupiditatem explere differat? ecquis prælum
iam iam initurus, uicturum se certus sit, cum tot
morti aditus pateant? tu mihi à fortuna id im-
petra, ut è pugna incolumis discedam, itaque ex-
pectabo. Sanè nunc ego pugnam cum pastori-
bus commissurus sum, ast aliud meo in pecto-
re bellum geritur. Arcu & sagittis arma-
tus me miles expugnat. uictus ipse, ac omni ex
parte uulneribus confossus sum. Medicum ita-
que mihi quamprimum accerse: uulnus enim re-
crudescit: cùmque ignem ipse in hostes immit-
tere paratus sim, Amorem faces in me iam con-
iecisse sentio. tu flammam hanc, Menelae, mihi
prius extingue. optimum fuerit auspiciu, a-
matoriè in primis congregi, quàm manus cum
hoste conserantur. Venus me ad Martem di-
mittat. Tum Menelaus: Tume ipse, inquit,
uides quàm difficile illi sit, præsentem, præ-
tereaque amantem uirum latère. Atqui facile, in-
quit Charmides, fuerit Clitophontem aliò abdu-
ci. uerùm Menelaus Charmidem nimium prope-
rare uidens, ac mihi etiam timens, uerisimile ne-
scio quid commentus, Vis' ne, inquit, cunctatio.

nis ueram causam audire? puella in menstruis he-
 ri esse coepit, quam ob rem à uiro abstinentū est.
 dies igitur, inquit Charmides, treis, quatuor' ue hic
 expectabimus: tantū enim tēporis ei rei satis erit.
 interea uerò, quod sanè ab ea fieri potest, uidendā
 se mihi præbeat, uerbaq; mecū faciat. uocem ego il-
 lius audire, manū tangere, corpus contrectare a-
 ueo: animi enim amore saucij alleuamēta hæc sūt.
 quid uerò sauiū dare an' non licet? cum rei huic im-
 pedimento esse mēses nequeam. hæc cum reuersus
 Menelaus mihi renunciasset, ad extrema illius uer-
 ba nō potui quin exclamarē, mori me malle, quā
 pati, ut Leucippes osculo quispiā fruatur: quo quid,
 in quā, suauius est? VENERIS procul dubio con-
 gressus & modum & satietatē habet, nec prorsus
 quicquā est, si basia eximas. basium uerò nullo fine
 terminatur, nulla satietate afficit: sed semper re-
 cens est. tria profectò sunt quæ ab ore præstantissi-
 ma proficiunt, halitus, uox, suauium. labra uti-
 que sunt, quæ sese in osculis dandis mutuo contin-
 gunt: sed uoluptas è fonte, qui in animo situs est,
 manat. crede mihi Menelae (non enim in malis oc-
 culta reuclare me pudet) ego nihil dum à Leucip-
 pe basijs exceptis, consequutus sum. Illa uirgo ad
 huc est. nec nisi osculando mulier facta est. quòd si
 quis mihi basia etiam eripere conetur, utique no-
 tam hanc inuri mihi non feram. me uiuo basia
 mihi

mihi mea nemo constuprabit. optimo ergo, inquit,
 Menelaus, celerrimoq; cōsilio est opus. A M A N S
 enim quandiu quidem adipiscēdi spes adest, a quo
 animo fert, conceptam adeptionem animo inclu-
 sam cominens. at si consequendi spes adimatur,
 tum uerò mutata cupiditate, quicquid impedimen-
 to est, amoliri conatur. est uerò etiam facultas, ut
 impunè agere possit. cūq; formidari se minimè in-
 telligit, maiore iracundia effertur. & occasio ad in-
 certas res properè capeffendas impellit. Interea
 dum consilium caperemus, intrò ad nos conturba-
 tus nescio quis cucurrit, Leucippenq; inter ambu-
 landum repente concidisse, atq; oculum distorsisse
 nunciauit. quam ob rem consurgentes eò raptim
 accessimus, humiq; iacentem comperimus. Cumq;
 ipse propior factus quid' nam sibi euenisset, inter-
 rogassem, illa me uiso exurgens, sanguineamq; a-
 ciem uoluens, in mala pugno plagam intulit: Me-
 nelaumq; ad eā comprehendendam sese cōparan-
 tem pedib. repulit: in aduersam igitur ualetudinē
 incidisse, morboq; insaniam adiunctam esse intelli-
 gentes, per uim retinere tentauimus. ipsa uerò relu-
 ctabatur, nulla prorsus adhibita cura in ijs tegan-
 dis quæ summo studio mulieres aliæ uelare conten-
 dunt. itaq; magnus in eo tentorio tumultus concita-
 tus est, atq; adeò, ut Charmides etiam accurrerit,
 & quæ agerentur, singula cognouerit. quam ob

rem initio fingere, dolumq; aduersum se commoli-
 liri nos existimabat, Menelaumq; subintuebatur,
 sed cum paulopost ueritatem comperisset, commo-
 tus ipse quoq; est, casumq; huiusmodi agro anima-
 tulit. Leucippe interea allatis funibus uincitur: e-
 go uerò simulatq; constrictis uinculis manus uidi,
 ad Menelaum, alijs plerisq; iam egressis, conuer-
 sus, Soluite, obsecro, inquam, soluите, uinculorum
 asperitatem tenellæ manus pati nequeunt. uos me
 cum illa finite, ego illam circumplectens funis ui-
 ce fungar. insaniat illa in me: quid enim uiuere me
 amplius oportet? præsentem Leucippe me non a-
 gnoscit, ac uincta iacet: nec ego, quanquā possum,
 uincula tamen misericors demo. iccircone latronū
 è manibus fortuna ereptos nos uoluit, ut tu ad in-
 sania ludibrium ponerere? ô miseros nos, ecquan-
 do meliore fato utemur? quæ domi metuebamus,
 declinauimus, ut irati maris uim experiremur. at-
 qui è naufragio etiam euasimus, latronum manus
 euitauimus, nimirum quia insanie destinati fuera-
 mus. à qua licet conualescas, uerendum tamen est,
 ne aliud in malum te fortuna conijciat. quis igitur
 nobis miserior, quibus secundi etiam euentus for-
 midandi sunt? ueruntamen suo arbitratu fortu-
 na ludat, dum tu resipiscas, atque ad te re-
 deas. Hæc me dicentem Menelaus consolaba-
 tur, ægritudines eiusmodi autumans diuturnas non
 esse:

esse: sed uigente etate plerumq; gigni: sanguinem enim iuuenem, ac multo uigore feruidum per uenas diffundi, caput que interius petentem à sensu mentis abstrahere: quam ob rem medicos aduocari, medicinas que adhiberi oportere. Charmiden itaque Menelaus adiuit, medicumq; , qui in exercitu erat, accersi ut iuberet, rogauit. Quod ille perquam lubenter effecit. **A M A T O R I S** enim mandatis obeundis amantes gaudent. affuit igitur medicus. Ac nunc quidem, inquit, somnium ci conciliabimus, quo morbus aliquid de ui sua remittat. **M A L O R V M** enim somnus omnium medicina est: deinde reliquam curationem prosequemur. ita nobis tunc medicamenti cuiusdam tantum præbuit, quantum orobi granum est: oleoq; subactum capiti medio illini iussit, aliud purgandæ alui gratia mox paraturum se pollicens. Nos insassa peregimus. Leucippe que paulo post, quam inuncta fuit, somno capta, quod noctis supererat, ad auroram usq; dormiuit. cui assidens ipse totam noctem insomnem transégi, oculis que in uincula conieclis, Hæi mihi, Leucippe, inquam, suauissima tu etiam dormiens inuncta es, nec libero frui somno potes. Quæ nam autem tibi uisa sese nunc offerunt? mentis ne te compotem somnus habet? An uerò etiam stulta somnias? postquam experrecta est, contenta uoce abjura

que-

quædam protulit: ac tum præstò affuit medicus,
aliudq; medicamentum dedit. Incerca literæ ab
Aegypti præfecto Charmidi redditæ sunt, qui-
bus, uti credibile est, exercitum ad pugnam quàm
primum educere, imperabatur. omnes enim sta-
tim esse in armis, & aduersus pastores proficisci
iussit. quam ob rem milites, quæ quisq; potuit celeri-
tate, cum manipularibus suis præstò in armis fue-
re. dato igitur signo, & omnibus castris locum ca-
pere iussis, solus remansit. postridie prima luce co-
pias in hostes eduxit. pagi aut̃ eius situs huiusmodi
est. ex locis q̃ supra Aegyptias Thebas sunt Nilus
descendit: atq; in præsentia etiam Memphin usq;
prolabitur, paruūq; cornu emittit: quæ magnus al-
ueus desinit, pagus est Syrus nomine. illinc terra i-
terum finditur: ex unoq; fluuij tres efficiuntur: quo-
rum duo liberi utrinq; sese effundunt. tertius eun-
dem quæ antea cursum tenens, regionem quæ Del-
ta uocatur secat. neq; uerò eorum fluuiorum ali-
quis est qui ad mare usq; labatur: sed alius aliam
ad urbem delatus diuiditur, singuleq; partes Græ-
ciæ flumen quoduis magnitudine superant. et quæ
quam tot in partes aqua diuiditur, non tamen in-
firmior fit: sed nauigatur, bibitur, aratur: ijs enim
Nilus est omnia, nempe fluuius, terra, mare, pa-
lus: admirationeq; omnino dignum est, eodem in
loco nauim & ligonem, remum & aratrum, te-
monem

monem & trophæum, nautarum & agricolarum
casas, piscium & bouum cubilia spectare. nam quā
nauem egisti, illic sementem facis: rursus, ubi semen
tem fecisti, illic nauem agis: longo enim spacio flu-
uius navigari potest. eius porrò aduentum Aegy-
ptij expectant, ac numerant dies. ille ad præstitu-
tum tempus sistens, aquasq; dimetiēs, minimè com-
mittit ut tarditatis accusari possit. Tum uerò a-
quæ ac terræ contentionem uidere licet, dum illa
tantum terræ inundare, hæc tantum aquæ absor-
bere nititur, pari utrinq; uictoria. neq; enim quæ
succumbat, discernitur. nā terræ magnitudini a-
qua par sit. in ea uerò regione quam pastores in-
colum multa semper residet. nam cum eam omnē
Nilus inundauerit, paludes efficit: quæ deinceps
illo etiam abeunte remanent, minus quidem aquæ
continentes, sed limo multo refertæ: per quas cum
pedibus feruntur, tum etiam nauculis nō sanè ma-
ioribus, quàm ut singulos uectare possint, ac si ali-
usmo li fuerint, limo illo præpeditæ retinētur. qua-
re parua ijs ac leuia nauigia, & exiguæ aquæ sa-
tis sunt: quod si quandoq; aquam deesse contingat,
sublatam humeris nauiculam asportant, quousque
aquam inueniant. ijs in paludibus multæ sparsim
insulæ uisuntur: quarū quæ habitatoribus carent,
papyris refertæ sunt, ea ordinum densitate collo-
catis, ut inter stipitum earum interualla non am-
plius

plius quàm singuli commorari queant, cum summities alioqui folijs hinc inde diffusis mutuo sese contingant. eò se recipientes pastores & consilia ineunt, & insidias struunt, & latent, papyris murorum usum præbentibus. ex ijs insulis nonnullæ paludibus circumdatæ tugurijs passim ædificatis, in quibus inhabitent pastores, tumultuaria ciuitatis speciem præ se ferunt. quarum una propinquior, & magnitudine, & tuguriorum numero præstabat, appellabaturq; ut puto, Nichocis. illuc tanquam unitissimam in arcem profecti, et multitudine et loco confidebant: semita enim angusta longitudinis passuum 125. latitudinis 12. quominus perfecte insula esset, prohibebat, cum reliquum paludibus circumdatum esset. posteaque igitur Charmidæ propius accedere uiderunt, huiusmodi quiddam cõmentum sunt. cõuocatis enim senibus uniuersis, ac palmarum ramis supplicum ritu adornatis, iuuenum robustissimis quibusque iusserunt, ut scutis et pilis armati acie structa eos sequeretur. ita fiebat, ut senes pacis signa ferentes sequentium armatorum agmen frondibus occultaret: iuuenes inclinatæ hastas, quò minime cerni possent, post se traheret: ac, si senum precibus Charmides annuisset, armati à pugna desisteret: sin minus, illum intra urbem aduocarèt tanquam illic seipsum interficiendos præbituri: uerum ubi ad semitam illius angustæ mediū peruissent, senes dato signo, abiectis ramis terga darent:

rent: armati aut irruerent, et totis uiribus depugnerent. hunc in modum instructi, Charmidi obuiam praefecerunt, ut senectutis eorum, ac ciuitatis uniuersae misereretur, obtestantes: daturosque illi priuatim argenti talenta centum, ac uiros totidem, si ciuitatem incolum me praestaret, adducturos, quos manubiarum loco ad Aegypti praefectum mittere posset, pollicentes: quod sane omnia sine fraude praestitisset, si modo conditio non ille accipere uoluisset. Verum cum in istis audiendis, admittendisque difficile se militum ductor praebere. factum igitur, si ita tibi decretum est, inquit senes, seremus. tu hisce malis id saltem beneficii loco nobis concede, ut ne extra urbem, neque procul ab ea nos interimas: sed in parentum nostrorum sedes, et in eas, unde ortum duximus, domos ducas, efficiasque, ut ciuitas nobis ipsa sepultura sit. nos nostrae tibi necis duces sumus. haec Charmides cum audiuisset, copias pugnandi gratia adductas dimisit, atque ad exercitum sine tumultu abire iussit. collocauerat autem pastores nonnullos, quibus quae gerebantur, procul obseruarent: istisque iniunxerant, ut, cum primum appropinquarent eis hostes uidissent, fluminis aggere caeso aquam in eos immitterent. quippe Nilus defluxus ita habet. singulae fossae aggeribus obstructae sunt: ne antequam tempus postulet, effusus fluminis terram inundet: quos, cum irriganda planities est, Aegyptii demoluntur: ac tum aqua effunditur. post eum pagum longa lataque fossa erat: cuius aggerem qui ei rei

prae-

præerant, simulatq; aduentanteis hostes conspexerunt, statim demoliti sunt. eodemq; prorsus temporis momento senes, qui præcedebant, in diuersa abierunt: iuuenes qui tela trahebant, impetum fecerunt: aquæ passim excreuerunt. iam paludes undique tumentes exundabant: angustusq; aditus aquis obruebatur, ita ut omnia mare esse uiderentur. pastores impetu facto obuios quosq; atq; ipsum in primis ductorem, imparatos, et inopinato euentu perterrefactos pilis confixerunt adeò, ut morientium facies enarrari facile nequeat. alij enim primo statim congressu, nullo ad inclinanda tela, aut ad referiendum hostem spacio dato perierunt: puncto enim temporis eodem & quæ fierent cognouerunt, & ceciderunt: nonnulli etiam prius quam cognoscerent cæsi sunt: quidam subito metu percussi, mortem immoti expectabant: aliqui uixdum se loco mouentes delabebantur, fluminis aqua eos deturbante. multi fugam arripere conati, in paludis fundo mergebantur: iam enim aqua eorum qui in terra erant umbilicum pertingebat ita, ut clypeorum usum adimeret, latusq; ad uulnera nudaret: eorum uerò qui in palude, caput omnino superabat: nec, ubi aut palus esset, aut campus, dignosci amplius poterat. Itaq; qui per terram currebat, errare timens, ad fugam segnior reddebatur, eoq; in hostium breui manus deueniebat: qui per paludem fere-

ferebatur, in terra se esse putans demergebatur. noua proculdubio infortunij ac naufragij genera illa erant, cum nullibi nauis cerneretur: neq; tamũ noua, sed humanã etiã cogitationẽ uincẽtia: in aqua enim terrestris pugna cõmittebatur, & in terra naufragiũ fiebat. hoc successu elati pastores mirũ in modũ gloriabãtur, uirtute, non fraude uictoriã se adeptos esse arbitrãtes. Aegyptiorum enim gēs periculosis in reb. animũ abiicit, in securis aut spiritus sumit. in quo nõ eundẽ modũ seruat: nã aut ignauissimẽ cedit, aut superbissimẽ dominatur.

iam decimus à Leucippes insania dies præterierat, nec de magnitudine sua morbus quicquam remiserať, cũ ardentẽ hãc uocẽ dormiens aliquando tandẽ emisit: Ob tuã ò Gorgia causam desipui. id quod ego, simulac dies illuxit, Menelao retuli, cogitãt esset ne in uico illo Gorgias nomine aliquis interea dũ è tentorio egrederemur, obuiã nobis adulescens quidam sit, meq; salutato, Tui ego, inquit, tuẽq; uxoris seruator adjum. Quam ob rem obstupesculus, hominem que à Deo missum existimans, Num tu, inquam, Gorgias es? minimẽ, inquit ille, sed Chærea. Gorgias is fuit qui calamitatem tibi peperit tum ego maiori etiam stupore oppressus. Quæ nam, inquam, hæc calamitates, aut quis hic Gorgias est? Deus enim me nescio quis noctu admonuit. Age itaque tu quid sibi diuina

b hæc

hæc monita uelint, expone. tum ille, Gorgias, in-
quit, Aegyptius miles fuit: qui nunc quidem esse
desijt, à pastoribus uidelicet interemptus. is uxo-
ris tuæ amore tenebatur. Cumq; natura ueneficijs
deditus esset, amatoriam potionem comparauit, ac
Aegyptio uestro administratori persuasit, ut eam
Leucippes potui infunderet. Verum ita casus at-
tulit, ut ualentiore imprudens pharmaco usus sit,
ac pro amante insanam reddiderit. Hæc omnia e-
ius ipsius Gorgiæ famulus heri mihi narrauit: qui
fortè cum eo in bello, quod contra pastores ge-
stum est, militabat: illum que uestra causa fuisse
à fortuna seruatum, simile uero uidetur. Is pro
reddenda incolumitate nummos aureos quatuor
dari sibi petit, medicamentum habere se affirmans
quod prioris uim soluat. Atqui tibi quoque,
inquam ego, pro beneficio isto gratia referetur.
uerum hunc, quem dicis, hominem accerse. At-
que ille quidem abiit: ego uerò Aegyptium mi-
nistrum domi conueniens, pugnis in faciem iterum
ac tertio percussi, ac minaci uoce, quid nam Leu-
cippæ miscuisset, quamq; ob causam insaniret,
perconctatus sum. Quocirca perterrefactus ille,
quæ ex Chæreæ sermone didiceram, omnia enar-
rauit. hominem itaq; in custodiã dedimus. interea
cum Gorgiæ famulo Chærea reuersus est: quib. pe-
cuniã statim dissolns, Euangelia, in quã, accipi-
te

te: sed quæ mea de medicamento uestro sententia sit, audite. præsentium puellæ huius malorum causam potionem fuisse scitis: iccirco minimè tutū existimo, ut infectā pharmaco aluū alijs rursum medicaminib. irriteremus. agitedū ergo quid hoc in medicamento insit, denunciate, ac præsentib. nobis parate. Quod si feceritis, alteram tantam pecuniam uobis muneri dabo. Tum famulus ille, iustè, inquit, formidas. Cæterum quæ paranda sunt, communia & esui apta omnia credas uelim, ego tantum mihi ex ijs sumam, quantum puellæ daturus sum. Ac statim quendam singula nominatim emptum ire, atque afferre iussit, aliâque omnia spectantibus nobis contriuit: duabûsque partibus factis, Hanc, inquit, prior ipse bibam. alteram mulieri dabo: quæ, illa eporta, totam omnino noctem dormiet. Aduentante luce, & somno & morbo liberabitur. Ita primus ipse potionem hausit: reliquum ut uesperu puellæ daretur, præcepit: seque, quoniam ita potio cogeret, dormitum ire testatus, numis quatuor acceptis abiit: nam reliquos, simul atque Leucippe conualuisset, numeraturum me promiseram. postea quàm dandi medicamenti tempus uenit, illud ego miscens, ita sum allocutus: O terra genita, atque ab Aesculapio mortaliu generi primum data medicina, utinam quæ mihi de te promissa fuerunt, uera sint. Tu

h 2 mihi

mibi propitia esto, deuictorq; barbaro, & agresti
ueneno illo clarissimam puellam incolumem red-
dito. hac medicinae tessera data, poculoq; dissuauia-
to puellae potionem dedi, quam non ita multo post
somnus, uti uir ille praesignificarat, complexus est.
Ac tum ego ei assidens dormientem, quasi audiret,
ita propemodum affatus sum: Vere ne tu nunc re-
sipisces? ecquid tu me agnosces? ecquid ego uocem
tuam audiam? age iam aliquid etiam nunc in som-
nis uaticinare: nam heri quoq; de Gorgia diuina-
sti. magna tua meritò est uigilantis felicitas, sed dor-
mientis maior: uigilantem enim insania miseram
reddit: dormientis autem insomnia prudentiam pra-
se ferunt. haec me, tanquam cum audiente puella,
colloquente, tandem optata dies illuxit: Leucip-
peq; tum uocem mittens me nomine appellauit. e-
xiliens itaq; & propior factus ut ualeret, rogaui.
at illa nihil eorum quae gesserat, scire mihi uisa
est: sed uinctam se cernens admirabatur: & à quo
uincta fuisset, querebat. Tunc ego mentis com-
potem factam eam intelligens, ac praenimio gau-
dio gestiens uincula solui, omniaque, uti acta fue-
rant, aperui. Quae cum audiret, rubore suf-
fundebar, ac se tum etiam insanire putabat.
Quocirca consolans illam bono esse animo iussi,
& medicamenti precium perlibenter exolui. uia-
ticum enim omne nobis incolume in ipso etiam

naufragio Satyrus præstiterat : nec post aut ipse, aut Menelaus, aut è suo quisquam in latronum potestate remanserat. interea copiae maiores à principe ciuitate aduersus latrones immissæ sunt: quæ urbem illorum uniuersam funditus euerterunt. nos à pastorum flumen accolentium iniuria liberati, Alexandriam petere instituimus, adiuncto nobis Chærea : quem in ære nostro ob factum potionis indicium receperamus. Erat is ex insula Pharo piscator: sed qui tunc aduersus pastores in exercitu nauali stipendia merebat. & confecto bello dimissus fuerat. Itaque cum latronum metu multum temporis nauigatio intermissa fuisset, ijs deuictis omnia nauigantibus completa sunt: uidentibusq; magnam afferebant uoluptatem nautarum cantus, uectorum plausus, nauum ordo, & fluminis celebritas. sanè autem diem festum agenti fluuiio similis nauigatio uidebatur. Atque ego Nili suauitatem dignoscere cupiens, illius aquam eo primæ die, nullo admisto uino bibi: uinum enim impedimento est, quo minus aquæ natura percipiatur. Vitreo igitur scypho maximè perspicuo repleto, aquam cum poculo candore contendere, ac superiorem euadere, animaduerti. Bibenti autem & dulcis erat, & sine iniucunditate frigida: quedam enim in Græcia flumina esse scio adeò frigida, ut bibentibus molesta sint. ea ego tanto fluuiio com-

parabam. hinc porro fit, ut Aegyptij, aquarum huiusmodi copiam suppeditante Nilo, vini penuriam haud metuane. quinetiam ipsum bibendi modum admiratus sum. neque enim cadis, aut poculis, sed sua ipsorum manu bibituri utuntur: si enim nauigantium aliquis sitiatur, in flumen est naui se inclinans, manum cauam demergit, haustamque aquam in os iaculatur, minimè à scopo aberrans. illud autem patens iactum expectat, suscipitque: dein clauditur, et aquam excidere non sinit. ceterum aliud etiam animal uidi ferocia Nili equo praestantius. Crocodilo ei nomen est: forma uerò cum piscis, tum belluae terrestris magnae: longum enim inter caput et caudam spatium intercedit: sed longitudini latitudo proportionem haudquam respondet. cutis eius squamis aspera est. dorsum petrae simile, ac nigrum: alius candida: pedes ipsi quatuor in obliquum deflexi, quales testudinis terrestris: cauda longa, crassa, solidoque corpori similis. neque enim, ut in alijs animalibus habetur, est, sed osseuno, qui spinæ finis, ac natium pars est, constat, asperis in superiore parte acuminibus, ut sunt ferræ dentes, referta, et qua flagelli loco in capiendâ praeda utatur: illa enim feras, quibus cum pugnat, percutit, multaque uno ictu uulnera imponit. caput humeris adiunctum, et ad amussim directum est, nullo apparente discrimine: natura quippe collum eius occultuit. reliquum corpus horribi

ribile est, præsertim cum maxillæ diducuntur, & os totum aperitur: quantum enim bellua non hiat, caput totum est: in hiando uerò ad prædam capiendam os totum fit: tum que superiorem tantum genam mouet, inferiorem autem nequaquam. Porro hiatus ingens est, utpote qui ad humeros usque protenditur, eique statim subijcitur uenter. Dentes habet multos, longa serie pectinatim sese stipanteis: quos quidem, cum ad numerum rediguntur, tot reperiri aiunt, quot dies integro anno Deus illustrat. Quamvis autem uiribus polleat, si corporis molem tum, cum in terram egreditur, species, minimè utique credas.

Liber quintus.



Onfesto tandem trium dierum spacio, Alexandriam naue delati sumus, mihiq; solis, quas uocât, portas introeunni mira quædam urbis pulchritudo uoluptate ocu-

los cõpleuit. à solis enim ad lunæ usq; portas (in eorum aut deorũ tutela portæ ipsæ sunt) recta columnarũ series utrinq; ptendebatur. quarũ in medio platea sita erat, à qua uie multæ ducebãtur: adeò, ut ipsa in urbe perambulans populus, peregrinationem quodam modo suscepisse uideretur. Il-
linc aliquot urbis stadia progressus, ad eum locum, cui ab Alexandro nomen est, perueni: aliq;

ciuitatē uidi: cuius pulchritudo hoc pacto distin-
cta erat, ut q̄ longus esset columnarum in rectum
dispositarū ordo, tā longus alius in obliquū sese in-
tuētib. offerret. in omnes itaq; uias obtutus disper-
tiens, neq; spectādo satiari, neq; pulchritudinē om-
nē assequi poterā: quaedā enim ante oculos habe-
bā, quaedā mox habiturus erā, nōnulla uidere praeo-
ptabā, alia etiā erāt q̄ prae-termittēda minimē cen-
sebā, ac licet quae perspexeramus, oculos occupas-
sent, tñ quae uidenda supererant, eos ad sese allicie-
bant: quā ob rē uijs omnib. plustratis, cū ad omnia
contēplanda sufficere oculorū acies nequiret, eos
spectādo uictos mecū fateri coactus sum. illud uerō
nouū atq; incredibile mihi ante omnia uisum est.
urbis enim amplitudo cū pulchritudine, et magni-
tudo cum multitudine habitatorū ita certabat, ut
neutra alteri cederet. nā et illa continēte maior, et
haec innumerabilis erat. porrō intuēti mihi ciuitas
amplior apparebat, q̄ ut habitatorib. cōpleri pos-
set: populus aut tā numerosus uidebat, ut aliquāne
urbe cōtineri ualeret, dubitare cogerer. ita aequo
haec inter se Marte cōtēdebāt. fortē aut eo tēpore
magni numinis, quē *Aia* Graeci, *Serapis* Aegyptij,
Latini *Iouē* uocāt, festi dies celebrabātur, flāmæq;
passim relucebant, idq; nō uulgari admiratione di-
gnum animaduerti: uespera enim cū aduentasset,
ac iā sol occidisset, nox tñ nōdū erat, sed alius minu-

tas quasdā in partes diuisus sol exoriebatur. tunc urbē illā cū cœlo etiā pulchritudine cōtēdere iudicauī. Milichiū quinetiā Iouē, cœlestēq; illius templum uidi: cuius magnum numen cum uenerati essemus, precati q; , ut nostrorum tandem infortuniorū finis fieret, conductam à Menelao domum ingressi fuimus. sed precibus nostris Deus ille nequaquam annuisse uisus est: aliud enim discrimen restabat, in quo fortuna nos adhuc exerceret. Nam Charca Leucippen multo antea clām amabat, medicamentiq; indicium fecerat, simul ut se in familiaritatem nostram ea occasione arrepta insinuaret, simul ut puellam sibi ipsi seruaret. Qua cum potiri difficile admodum esse intelligeret, ad parandas insidias animum adiecit. itaq; prædonibus aliquot sui similibus collectis (rerum enim maritimarum non imperitus fuerat) quid ab ijs fieri uelit, docet: mox natalem diem suum agere simulans, nos ad Pharū uisendam inuitat. Igitur domo egressis nobis sinistrum in uia omen euenit. hirundinem insequens accipiter, Leucippes caput ala percussit. Quare perturbatus, cœlumq; suspiciens, Quid hoc, inquā, portenti est Iupiter quod nobis commonstras? quin potius si auis hæc uerè tua est, aliud nobis manifestius auguriū ostendis? neq; conuertens (fortè enim prope pictoris officinam constiteramus) collocatā animaduerti tabellam, quæ Prognos infortunum,

Tercē uiolentiā, linguæ abscissionem, integrā deniq; fabulæ totius explicationem continebat. In ea enim peplū, Tereus, mensa, serua explicatū peplū tenens, & Philomela, quæ in eo picta erant digito indicans, cernebantur. Progne ad indicium an-
tuebat, torueq; intuebatur, ac picturæ propemodum irascebatur, quoniam quidem pictus illic Tereus reluctam em Philomelam obscenè contrectabat: quæ capillis euulsis, cingulo soluto, ueste discissa, seminudum pectus ostendebat: dexterâque oculis admota, Tereum uehementer incusabat. sinistra uerò lacere uestis parte mammas obtegere nitebatur. Mulierem Tereus totis ad se uiribus trahebat, arcteq; complexabatur. atq; ita quidem pepli disposita erat pictura. In reliqua tabellæ parte mulieres in lance Tereo cœnæ reliquias, pueri scilicet caput atque manus offerebant, ridentes identidem, & trementes. Ille autem stricto in eas gladio insurgens, mensam brachio protrudere uidebatur: q̄ nec stabat, nec cadebat: cadētis tamē formā referebat. Tum Menelaus, Mihi quidem, inquit, à profectione in Pharum abstinendum uidetur. duo enim aduersa nobis portenta, uolatum accipitris, & picturæ minas, cernis. Monent autem prodigiorum interpretes, ne fabulas contemnamus: sed ut, si quid acturis nobis eueniat, cum ijs quæ agenda suscepimus, conframus, si quid cum re uera
simili-

similitudinis insit. Nónne obscæni amoris, impudentis adulterij, muliebrium infortuniorum, malorum denique omnium plenam hanc picturam uides? Ego quidem certè profectionem istam in aliud tempus distulerim. Sanè oratio hæc Menelai mihi non absurda uisa est. Chæream itaque ualere iussi: qui tristis admodum recessit: Cras ad me, inquit, proficisci uos uolo. Tunc ad me conuersa Leucippe, (fabellarum enim cupida mulieres sunt) Quin tu, inquit, mihi narras quid sibi pictura hæc, auesque istæ, et mulieres, cum uiro illo impudenti uelint? Tum ego, Quos nunc, inquam, aues esse cernis, homines quondam fuere: ac mulieres quidem, Progenes scilicet ac Philomelam (illarum enim nomina hæc sunt) sorores Athenis ortas fuisse, hanc'que in hirundinem, illam in lusciniam mutatas: uirum autem, cui Tereo nomen fuit, genere Thracem, Progenes'que maritum in upupam conuersum, tradunt. Barbarorum autem libidini, ut cōsentaneum est, mulier una satis non est, præsertim cum per contumeliam explendæ cupiditatis oblata sit occasio. Progenes igitur erga sororem pietas homini barbaro opportunitatem attulit, qua naturam suam secutus, in om.ii intemperantia sese effunderet. Hæc enim uirū ad uisendā sororem nusi: qui, cum Progenes maritus abiisset, Philomelæ amator

est reuersus, eamq; sibi inter redeundum alteram Prognen fecit. Quod cum resciri nollet, hanc uiolati pudoris mercedem persoluit, linguam enim puellae amputauit: quanquam nihilo plus effecit. mutū enim indicē Philomela excogitauit, remq; omnē, sicuti gesta fuerat, in peplo filis intexuit: manuq; linguam imitante, quæ passa esset, quando auribus immittere non poterat, ob oculos posuit. Progne uim sorori illatam ex pepli pictura cognouit: poenamq; opinione omni maiorem de uiro sumere aggressa est. Cumq; ira duplici mulieres duæ arderent, conspiratione facta, obrectationeq; contumeliæ coniuncta cœnam Philomelæ nuptijs longè de testabiliore fecerunt. Filium enim patri apposuerunt: cuius ante iram Progne mater fuerat: sed tūc partus molestiam obliuioni tradiderat: ita obrectationis furor uteri doloribus longè potētior est. quanquam autem hoc illis molestum erat, tamen cum eam, qui maritalis tori leges uiolauerat, ulcisci se uiderent, huiusmodi molestiam cum uindictæ uoluptate compensant. Posteaquam Tereus furiali mensæ accumbens epulatus est, mulieres in lance nati reliquias ridentes pariter ac trepidantes protulerunt. ex quibus natum à se absumptum intelligēs, lachrymas profudit. dein furore percitus, educto gladio in utranq; irruit. at illas in aues repente mutatas aer suscepit: quibus cum Tereus quoq;

quoq; sublatus est. Facti autem illius imaginem omnes seruant. Luscinia enim fugit adhuc, upupa uerò insequitur, ut post mutationem odium quoque seruatum uideatur. Atq; hoc quidem pacto tunc insidias uitauimus, nihil quicquam lucrati, præterquam quòd in eas illo die non incidimus. Affuit enim postridie mane Chærea. nosq; uerecundia per moti recusare amplius ausi non sumus. Quam ob rem conscensa naui ad Pharum deuenimus, uno excepto Menelao, qui, cum se non admodum ex sententia ualere diceret, domi remāsit. Chærea igitur nos primum in Turrim duxit: substructionemq; immam, miram illam quidem, et quodammodo incredibilem ostendit. Mons erat medio in mari situs, nebulas penè contingens: cuius sub radicib. aqua conspiciebatur, ita ut suspensæ mari imminere uideretur. in turri summo in monte ædificata ignis elucet, qui quasi gubernator alius nauigātes noctu dirigat. Hæc cum uidissemus, in domum, quæ in extrema insulæ parte ad mare posita erat, introducti fuimus: uixq; ad uesperauerat, cum Chærea uentrem purgare sibi opus esse causatus exiit: atque haud ita multo post, clamor quidam improuisus ante fores auditus est, repenteq; uiri multi, ac magni districtis gladijs irrumpentes, in puellam unā omnes impetum fecerunt. Ipse autem Leucippen meam abduci uidens, animoq; iniquissimo id ferens,

ferens, medios in gladios me conieci, atq; in femore
uulnus accepi graue adeò, ut curuato poplite con-
ciderim, sanguine totus confusus, illi que in crea-
puella nauicula imposita impune abierint. Cæ-
terùm clamore, concursuque facto, ut in pirata-
rum aduentu fieri consuevit, insula præfectus ac-
currit. Erat is mihi, quòd ipso imperatore stipen-
dia meruissem, non ignotus. Ostendi itaque uul-
nus, prædonesque ut insequeretur, obtestatus
sum. ille nauigium ex ijs quæ multa in ciuitatis
portu stationem habebant, conscendens, cum ea,
quæ tum fortè aderat, manu fugientes insecutus
est. Quin ipse quoq; ita ut eram obligato uulnere
in nauem deferri me iussi. Piratæ simul atque nos
appropinquantes iam, ac ad pugnandum para-
tos conspexere, puellam manibus ad tergum reuin-
ctis in prora statuerunt, unusq; ex eis magna uoce
clamās: EN PRAEMIA, QVAE PETITIS,
miseræ illi caput abscidit: eoq; in nauis occulta-
to, cadaueris reliquū in mare deiecit. Quod conspi-
catus ipse, neq; lachrymis, neq; clamori peperci im-
mo post illud in mare præcipitem me dare uolui.
Verùm cum me, qui aderant, cominuissent, na-
uem ut inhiberent, eorūque aliquis in mare de-
siliret, rogavi, si quo pacto puellæ corpus human-
dum recipere possent. atque præfectus paruit, re-
uigesque inhibere iussit. Tum nautarum duo è
nauis

naue delapsi, collectum retulerunt cadauer. Piratae interea ualidius multo fugæ incumbebant: quibus cum rursus appropinquauissemus, aliâ illi ratem conspicati, agnitisque qui ea uehebantur (erant autem purpuræ collectores piraticam facientes) ab ijs auxilium implorarunt. Quam ob rem præfectus duas iam naueis conuenisse uidens, extimuit, puppimq; conuerti iussit: quandoquidē illi fuga repressa iam nos ad pugnam prouocabant. Postea quā ad littus reuersi, ex nauigio egressi sumus, ego mortuæ truncū amplexus, ita misere lamentari cœpi: Nunc quidem certē mihi unam atq; alteram Leucippe mortē obijsti, terra scilicet atq; mari diuisam: quanq̃ enim hasce corporis tui reliquas habeo, te tamē amisi: neq; enim q̃ tui pars terræ tradita est, ei par est quam retinuit mare: nam minor tui pars sub maioris imagine mihi relicta est, contra uerò sub minoris, integram te mare possidet. sed quoniā os mihi tuum suauari fortuna eripuit, quod certē licet, iugulū exosculabor. Hæc mecum questus, cadauer sepulturæ mandaui, deinde Alexandriam reuersus sum: ubi curatione uulneri licet inuitē adhibita, summo in cruciatu, Menelao me cōsolante, uitā egi. tandē transactis mihi mensib. sex doloris magnitudo diminui cœpit. Mœroris enim medicina tempus est, animiq; uulnera emollit (solippe hilaritatis plenus est) et ægrimonia tametsi
modum

modum superat, non tamen, nisi quatenus mens aestuat, feruet: ac si temporis amoenitate deliniatur, refrigerescit. Ceterum cum me ad forum aliquando conferrem, superueniens mihi à tergo quidam repente manu comprehensum ad se conuertit, taciteque amplexus & dissuauitatus est. Ego quis ille esset, initio non cognoui, sed obstupescit oscula & salutationes, non aliter quidem, quam si scopus aliquis essem, ad quem eae dirigerentur excepi. ac non multo post eius faciem contemplatus, & præ gaudio uocem tollens (erat enim Clinia) hominem cōplector, paresq; amplexus reddo: ac mecum unda domum perduco. Vbi ille mihi quo pacto naufragio ereptus fuerat, ego illi contrā, quæ Leucippæ acciderant, singula cōmemorauī. Atq; ita quidem ille fracta, inquit, naui, ad alterum protinus cornu me contuli: extremitatemq; illius uiris iam plenā iniectis manibus uix apprehendens, suspensus detineri conabar. Nobis autem aliquantisper undarum ui agitatæ fluctus ab altera parte lignum, cui hærebam, scopulo aquis contexto illisit: illisum aquæ impetus iterum, machine instar, reiecit, meq; perinde ac funda iactatum excussit. quam ob rem diei reliquū natando, spe omni salutis penitus amissa, transegi. tandem fessus, fortunæq; arbitrio totum me permittens, nauem quandam ad me uenientem conpexi, ad illamq; quatenus concessum erat, manum

num tendēs auxiliū nutu rogauī. Qui in ea erant, siue quòd uicem meam dolerent, siue quòd ita uentis agerentur, ad me proram direxerunt: eorumq; unus rudentem naue interim præterlabente, demisit. quem cum apprehendissem, illi ex ipsis me mortis faucibus eripuerunt. porrò naui illa Sidonem ferebatur, ac nōnulli, quibus notus erā, mihi curationem adhibuerunt. Biduū autem nauigantes ad urbem aduecti sumus. ibi tum ego Sidonios, qui ea nauē uehebantur, Xenedamam scilicet mercatorem, eiusque socerum Theophilum, rogauī, ne Tyriorum alicui, si quem fortè obuiam habuissent, naufragio liberatum me nunciarent, ut ne me tecum iter suscepisse intelligerent. fieri enim posse putabam, ut eos latērem, si quidem hoc illi clām haberent, præsertim quòd quinque tantū dies effluxissent, quibus nusquam apparueram. Nam & domesticis meis (ut scis) rogantibus me rursitutum, decemque integros dies absfuturum esse responderam: atque hanc apud omneis famam de me inualisse comperi. Sed & pater tuus non, nisi biduo post, è Palæstina redijt, missasq; à Leucippes patre literas inuenit, altero à discessu nostro die allatas, per quas ille tibi filiā spondebat. quibus lectis, ac fuga nostra cognita, uehementer animo commotus est, tum quòd te promissum per epistolam lucrum amittere uideret, tum quòd tam breuē

eum in locū res à fortuna deductæ essent, quorū nīhil euenisset, si literæ citius allatæ fuissent. Quin etiā puellæ matrē, ut rem dissimularēt, obtestatus est: futurū existimās, ut uos fortē inuenirent. neq; uerò censebat è re esse, ut infortunium huiusmodi Sostrato innotesceret, illud sibi persuasum habens, uos, quoquo tandē abiissetis, futuras inter uos nuptias intellecturos, rediturosq; fugæ causam nō amplius palām facere ueritos. nūc ille quā diligētissime in id incumbit, ut quōnam profugeritis scire possit. Nam etiam superioribus proximis diebus ex Aegypto reuersus est Tyrius Diophantes, teq; hic uidisse patri tuo significauit. quam rem ego simulatq; intellexi, nulla planè interiecta mora huc adnauigauit: diesq; hic octauus est, ex quo te querens urbem istam perlustro. quam ob rem de patre tuo iamiam affuturo, quid agas, etiam atq; etiam uide. Quæ cum Clinia dixisset, nīhil aliud quā fortune inconstantiam defleui, Me miserum, in-quiens, hoc ne tempore Sostratus Leucippen mihi spondet? nunc ne mihi medio ex bello uxor datur? næ ille dierum rationem diligenter subduxit: qui non nisi post abitum nostrum nuptias fieri uoluit: ò felicitates intempestinas, ò me ante unum illum diem beatum: nunc Leucippen mortuam spondent: nunc cum mihi lugendum est, Hymenæum canere parant. Hæc mihi, qualem fortuna spon-

sam

ſam præbet. cuius ne mortuæ quidem integrum
cadauer mihi conſeſſum fuit. Tum Clinia, Mini-
mè, inquit, nunc eſt conquerendi tempus: conſide-
randum potius, præſtet ne in patriam redire, an
partem hic opperiri. Neutrum, inquam, placet.
Nam qua facie illū intuear, cuius domo tã turpiter
fugit? cuiusq; fratris depositum abiuravi? mihi certè
aliud nihil ſuper eſt, niſi ut hinc prius abea, quàm
ille adſit. hæc dum inter nos pertractaremur, Me-
nelaus & Satyrus ad nos ingreſſi ſunt: Satyrusq;
ſimulac ambo Cliniam amplexi, & de tota re à
nobis certiores facti fuerunt, ad me cōuerſus, Haud
contemnenda, Hercule, inquit, occaſio nunc tibi ſe-
ſe offert: qua res tuas in tuto facile colloceſ, ani-
miquè tui amore deflagrantis, unà miſerearis:
nec uerò clām te Clinia id habendum eſt. Per-
magnam huic felicitatem Venus oſtendit: ſed
quam ipſe nihili faciendam putet: atque adeò ut
ſcias, mulierem Ephesiaſ eius amore flagrantem
ad infaniam uſque compulit, forma bona ſanè, &
quam, cum uideas, deæ alicui ſimilem iudices, Me-
liten eam uocant, diuitijs affluentem, atque æ-
tate nondum ſatis matura. Quæ cum uirum iam-
pridem naufragio amiſerit, hunc ſibi dominum,
non enim maritum dicam, præoptat, eiſque ſe, &
fortunas omnes ſuas dedit. Quid, quòd eius e-
tiam cauſa duos hic menſeis conſumpſit,

hominē, ut se sequeretur, obtestans? hic uerò eam despiciit. neq; id quam ob rem faciat, sciri potest, nisi fortè Leucippen sibi à mortuis excitatum iri sperat. Tum Clinia, Rectè, inquit, Satyrus loqui mihi uidetur. Quid enim cunctatione opus sit, ubi pulchritudo, diuitiæ, amor tibi sese offerant? ex quibus ad uoluptates persfruendas, ad usus uitæ necessarios, atque ad existimationem tibi parandam, abundè omnia suppetant. illud autem in potestremis reputandū non est, superbos dijs inuisos esse. Ego Satyro fidem habendam censeo, teque deorum uoluntati, ut permittas, suadeo. Tum ego suspirans, Agedum, inquam, duc me quò lubet, siquidem ita Clinia quoque uidetur, tantum ne muliercula hæc molesta mihi sit, rem antè perfici postulans, quàm Ephesum peruenerimus. iurauim enim nemini me unquam hic mei copiam facturum, ubi Leucippen amisi. Quibus auditis, Satyrus euestigio ad Meliten euangelia ferens cucurrit: atque haud ita multo post reuersus ea re cognita præ nimia uoluptate exanimatam penè cecidisse retulit: meq; ad illam eo ipso die coenatum ire oportere, ut nuptiarum initium faceremus. Ita que uiam ingressus, ad mulierem me contuli: quæ simul ac me conspexit, obuiam progressa, complexu, innumerisq; dissuauiationibus accepit. Nec erat sanè illa non formosa. Nam & aspectus

miram

miram quandam, ac propemodum Veneri conuenientem præ se ferebat dignitatem: & color in vultu is erat, ut non quidem fuco illitum, sed sanguine ac lacte diffusum diceres. capillus ipse densus, auróque non absimilis pendebat: itaq; non insuauiter illam contemplari mihi uidebar. Interea mensis splendidissimis extructis, cœnaturi accubimus. Melite uerò tametsi ex ijs quæ apposita fuerant, nonnunquam sibi aliquid assumeret, tamen nihil prorsus comedebat: sed me unū tantūmodo intemis oculis obseruabat. AMANTIBVS enim nihil æquè suaue est atque amatam rem intueri. animam enim totam occupans amor ipsis etiam alimentis aditum obstruit. uoluptas autem, quæ in uidendo percipitur, per oculos illapsa mentis infidet, reiq; uisæ imaginem secum raptā animi speculo continenter imprimit, atq; affingit: pulchritudinisq; fluxio ipsa per occultos radios in amantis pectus dimanans, amatæ rei formam insculpit. Illud igitur cum animaduertissem, Quid causæ, inquam, est, quamobrem te nihil eorum quæ imperasti, edentem cerno? næ tu pictis conuiuiis mihi similis uideris. Tum illa, Quodnā mihi lautius, inquit, obsonium, quod uinum preciosius tuo esse aspectu posse putas? protinusq; his dictis me iam non sine uoluptate oscula admittente dissuauitata est. dein retrocedens, Tu meum, inquit, oblectamentum

es, ac tum quidem hoc modo res habuit. postea uero quàm nox aduentauit, mulier secum me nocta illa retinere conata est. Sed cum eadē serē, quæ Styro dixeram, repetendo assentiri nollem, quamquam agrè, ac difficiliter, dimissus sum tamen ac ea lege, ut postridie in Isidis conueniremus: ibique teste Dea, tota de re, inter nos quid futurum esset, constabiliremus. affuimus itaque Menelao etiam, Cliniâque me comitantibus: iurauimusque, ego quidem, per quàm sancte me illam amaturum: illa uerò, me sibi coniugem ascituram, rerumque suarum omnium dominum habituram. quæ quidem ita inter nos firmata sunt, ut non antè promissa fierent, quàm Ephesum applicuissimus. illic enim uti antea testatus fueram, Meliten Leucippæ cedere uolebam. Deinceps mensæ conquisitissimis ex cibis cumulatæ accumbentes coenauimus: coenæque illi nuptiale nihil, nisi nomen, fuit: nam reliqua in aliud tempus differre pacti eramus. Porro autem mihi nunc etiam risu dignum nescio quid à Melite inter coenandum dictum fuisse, in mentem uenit. Nam simul ac nuptijs, qui aderant, bene precati sunt, Melite clam mihi annuens, Ego, inquit, noui quiddam sola passa sum. Ut enim ijs quorum cadauera humanda nusquam reperiuntur, in anes tumuli extrui solent: sic inanes mihi nuptias paratas esse animaduerto: atque
hoc

hoc quidem pacto mulier callidè iocabatur. Postridie uenit secundo inuitati Alexandria solui-
mus: Menelaus'que ad littus nos usque secutus, &
data acceptaque salute prosperam nobis nauiga-
tionem precatus, discessit, adolescens probus sa-
nè, ac penè diuinus: qui, cum lachrymarum ple-
nus recederet, nobis omnibus pariter lachrymas
excusit. Clinia me deserere indignum ratus, E-
phesum unà mecum proficisci uoluit, ut ibi tanti-
isper moraretur, dum res meas in tuto esse prospice-
ret. Sed cum iam prospero cursu nauis nostra fer-
retur, noxq; appropinquasset, ac uix cubiculum,
quod utrique nostrum commune in nauì adorna-
tum fuerat, dormitum intrauissemus, Melite me
complexa suauari, nuptias'que repetere cœpit,
Nunc quidè certè, inquiens, extra Leucippes finis
egressi sumus: ac pactos iam terminos tenemus: hæc
præstituta dies est. Quid nunc, donec Ephesum per-
uenierimus, differre oportet? an nescis dubios maris
euentus, infidasq; uenorum mutationes esse? uror,
mihi crede Clitophon, uror: atq; uinā ardoris ma-
gnitudinem palàm facere liceret: utinā ea in me,
quæ in amoris igne, uis esset, ut complexuum meo-
rum contactu flammam in te immittere ualerē. Sed
meus hic ignis diuersam quandam ab alijs uim sor-
titus est. Nam cum inter amantium complexus ue-
hementissime alij feruere soleant, meus hic nobis

mutuo in complexu iacentibus parcat, ò ignem ar-
 canum, ò ignem in abdito relucens, ò ignem
 suas ipsius leges transgredi nolentem. at nos ò
 charissime Clitophon, cur non tandem Veneris sa-
 cris initiamur? Tum ego, Ne me, inquam, mor-
 tuorum iusta interuertere adigas: neque enim mi-
 seræ illius puellæ fineis præteruectos nos esse di-
 cendum est, nisi cum alias tenuerimus terras. an-
 non eam in mari uitam reliquisse audiuiſti? Leu-
 cippes sepulchrum est maris amplitudo hæc, per
 quam ferimur. Quid uerò ſcis? an non fieri poſſe
 putas, ut circum nauim hanc ſimulachrum
 9, illius erret? ANIMAS enim eorum, qui in a-
 9, quis pereunt, non omnino quidem ad infera de-
 9, ſcendere, ſed propter aquas circumferri aiunt.
 Ac fortasſe nobis hic complicatis imminebit. Cæ-
 terum idoneus ne tibi ad nuptias conſciendas lo-
 cus hic uidetur? rectè ne tu illas inter fluctus, ma-
 risque iactationes fieri arbitraris? an tu ab in-
 ſtabili nuptias noſtras toro auſpicari nos debe-
 re cenſes? Tum Melite, Scitè mecaſtor, inquit, ar-
 9, gutaris: ueruntamen locum ego quemlibet pro tha-
 9, lamo amantib. eſſe arbitror. Amori enim Deo nul-
 9, lus præcluſus locus eſt. quinetiã arcanis eius fami-
 liariffimã ſedē eſſe mare accepiſimus. quid q̃ maris
 Venus eſt filia, ut nō ingratam nuptiarũ deærem
 facturos nos exiſtimem, ſi matri eius hoc honoris
 habu-

habuerimus, ut quæ ad perficiendas nuptias restant, hic consummemus. nam & iugū, & quæ circum antennam posita uincula sunt, nuptiarū præsentia mihi omnino signa uidentur esse. an' non optimum ô here auspiciū putandum est, sub ingothalamum inire, rudentibus inter se colligatis, maloq; iuxta erecto? argumento est id quidem nuptias à fortuna nostras gubernari. Ecce autem & Neptunus (is Amphitritem in mari uxore duxit) & Nereidum chori nos comitabuntur, ipsaq; uentorum tam suauiter circa rudentes obstrepentium murmura hymenæum canere mihi uidentur. An non tu quoq; uelūm istud, quasi prægnantem uterum, intumescere cernis? quod ego sanè boni omnis loco mihi duco, hinc futurum coniectans ut iam pater futurus sis. Itaq; cū illam ad id tam propensam uiderem, Philosophemur, inquam, ô mulier, tamisper dum terram attingamus. illud autem tibi ego per mare ipsum, & per nauigationis huius euentum iuro, non alio me, quàm te, desiderio teneri: sed sunt suæ ipsius maris leges: de nautis enim per sepe audiui, naueis à uenerereis congressibus puras esse oportere, siue quòd sacræ sint, siue quòd minimè deceat inter ea quæ mari semper impendent pericula quenquam lasciuius oblectari. ne igitur mari maculam hæc inuramus, neu nuptijs terrorem immisceamus, aut, quo minus harum nobis

bis solidum gaudiū sit, nosmet in causa simus. Quæ
 cū dixissem, osculis identidē subblādiēs, mulierē in
 meā sententiā pertraxi: atq; ita, qd' noctis reliquū
 erat, somno dedimus. Quinto aut post, q̄ discessera
 mus, die Ephesum nauim appulimus: ubi Melites
 domū amplā, et earū quæ illa in urbe essent, facile
 primā, seruorū præterea numerū nō exiguū, aliā
 postremō supelletilē sanē q̄ lauiſsimam cōperi.
 Mulier interea dū cœnæ, quam splendidissimā im
 perauctat, tempus aduentaret, unā secū merus ab
 urbe nō amplius passus D. distans pergere uoluit:
 quo simul ac curru uecti sumus, arborūq; in quin
 cuncē directarū ordines perābulare cæpimus: eue
 stigio mulier quædā grauiorib. catenis uincta, ligo
 nē gestās, capillo detōso, corpore squalido, amictu
 laccro atq; discincto ad genua nobis prostrata, Mi
 serere, inquit, mei ô hera, mulieris mulier, et libe
 ra quidem olim, ut uerē affirmare possum, seruæ
 autem nunc, sicuti fortunæ uisum est. Vocemq; hic
 repressit. Tum Melite, Surge, inquit, mulier, et
 quæ sis, et cuias, quis' ue has tibi catenas iniecit, e
 loquere. aspectus enim tuus, etiamsi aduersa fortu
 na premaris, nobilitatem tuam prædicat. Tum il
 la, Familiæ, inquit, tuæ procurator, quod impuris
 eius cupiditatib. obtemperare nolui. genere Theſ
 sala sum, Lacæne mihi est nomen. hanc ego tibi for
 tunā meam supplex cōmendo. tu ex ijs me miserijs
 quib. oppressam uides, eripe, fidēq; mihi tamiſper

habe, dum tibi sestertiū nummum duo millia, tanti enim me à piratis Sosthenes emit, dissoluam. quæ mihi crede, quàm ocysimè repræsentabo. Sin minus, tibi seruire pergam. Cæterū quàm me ille fœdè excruciatam habuerit, uide: protinusq; diducta ueste terga ostendit miserum in modum conscribi-lata. Quæ cum audiuissemus, ego quidem stupore oppressus sum, Leucippes enim similitudinem quandam habere mihi uisa est. Melite uerò, Bono, inquit, animo esto. ab ijs enim malis te liberabo, domumq; gratis remittam. mox Sosthenem uocari, eamq; è uinculis eximi iussit. Sanè aut perterritus Sosthenes affuit statim: cui Melite quādo, inqt, scelestū caput è uiliorib. etiā famulis nostris aliquē tā inaniter à nobis acceptū uidisti? sed quænam hæc sit, age fallacijs omisiss, effare actutum. Nihil aliud hercule, inqt ille, ô hera scio, præter q̃ q̃ mercator (Callisthenes ei nomē erat) eā mihi uēdidit, à piratis emptā affirmans, esse aut liberā, Lacænāq; appellari aiebat. Melite hominē ab administratione, cui præerat, abdicauit, mulierē ancillis cōmendauit. lotāq; ac mūda palla indutā in urbē duci iussit. Deinceps nōnullis ad agrorū rationē ptinentibus, quorū gratia illò se cōtulerat, imperatis, pilēto ad urbē reuersi sumus, cœnaturi q; accubuimus. Ibi tū Satyrus, uultu nescio quid serium admodum subindicante clām mihi, ut exurgerem, significauit. Quam ob rem purgandæ alui gratia secedere mō

simulans, exiui. Satyrusq; nullis omnino prolatis uerbis, epistolam mihi reddidit: qua resignata, protinus, antequam legere inciperem, animo consternatus sum: Leucippes enim erant manu exaratae hoc exemplo literae.

LEVCIPPE CLITOPHONTI

hero S.

Herum te à me appellari nō est sanē quòd admirere: quo enim alio te nomine uocē, qui heræ meæ maritus factus sis? quanquam autem quaecunq; tua causa pertuli, minimè ignoras, cōmonefaciendum te tamen in præsentia pernecessarium duxi. tua causa matrē reliqui, errationēq; mihi elegi. tua causa naufragiū feci, moxq; in piratarum manus deueni. tua causa hostia & expiatio facta sum, aliamq; iterum mortem oppetij. tua causa ueniui, ferreisq; cathenis fui constricta, ligonem gestaui, terram effodi, uapulaui: ut tu scilicet alterius mulieris coniunx, ego alterius uiri uxor essem? at hoc dii prohibeant. Ego quidem certè hasce omnes grumnas forti animo sustinui. tu uerò illæsus, uerberumq; immunis, nouis te nuptijs oblectas. Verùm si mihi ullam pro ijs incōmodis, quæ tua causa pertuli, gratiā habendam censes, uxorem tuam obtestare, ut me, sicuti pollicita est, missam faciat, eiq; drachma-

chmarum duo milia, quæ pro me Sosthenes exoluit, sponde: ac quoniam Byzantio nō longè absumus, curaturam me quamprimum, in te recipe. aut si fidem mihi non habes, omnium tua causa perpefforum gratiam hac ipsa re à te mihi abundè relatam esse arbitrare. Vale, harumq; tibi nuptiarū felicitatem diuturnā habe. ipsa tibi hæc uirgo adhuc scribo.

Hæc cum legerem, uarias in parteis animo distrahebar: amore incendebar, expallescebam, mirabar interdum, interdum fidem literis nullam habebam: ita metu gaudioq; conflabar. tandem Satyro inquam, Mihiñe hanc ab inferis epistolā reddis? aut quid sibi hæc uolunt? reuixitne iterum Leucippe? Maxime, inquit Satyrus: atq; illa est, quam in agro ruri uidisti, sed eam sola adeò capillorum commutauit abscissio, uix ut à quoquam dignosci queat. Quid tu igitur tot mihi bonorum, inquam ego, auctor meas tantum nunc aureis oblectas, neque ob oculos felicitatem meam ponis? Tace sis, inquit Satyrus: remq; dissimula, ne prius nos omneis perdas, quàm de tota re securius aliquod à nobis consilium ineatur. Mulierem hanc uides ciuitatis huius primariam, tuiq; amore insanientem: nos autem media intra retia, omni ope destitutos uersari. Ne queo, inquam ego: totum enim per uenas uoluptas in corpus diffunditur. quid, quod etiam me

cū p̄ literas exposulat: lectaq; iterū epistola hūc
ferē in modū absenti illi, quasi adesset, singulatim
respondi. iusta loqueris iucundissima Leucippe: ue
rū tu quidem causa mea, quæ scribis, omnia pertu
listi: uerē ipse tibi malorū omniū auctor fui. cumq;
ad eam literarū partē, quæ contumelias et uerbe
ra à Sosthene inflicta continebat, ita collachryma
ui, ut si eis interfuissem. Cogitatio enim mētis aciē
ad ea quæ literis significantur, cōuertens, quæ le
guntur animo repræsentat, nō aliter q̄ si res oculis
essent subiectæ. Illa uerō quib. mihi nuptias obijcie
bat, rubore me pfuderunt ita, ut si manifestō in a
dulterio deprehēsus fuisset, adeō me literarū etiā
ipsarū uerecūdia cōmouerat. ac tū ad Satyrū con
uersus, Hei mihi, qua excusatione, inquam, Satyre
utar? manifestō nūc quidē certē tenemur. Leucip
pe nos cognouit: atq; utinā ne o i etiā prosequi
ceperit. Sed iā quomodo incolumis euaserit, aut cui
ius esset cadauer illud, quod à nobis sepultura affe
ctū fuit, puellim scire. tū Satyrus, Puella rē tibi om
nem, inq̄t, per ociū explicabit. nūc te rescribere, il
lamq; placare opus est. ego enim hanc te contra q̄
tibi in animo erat, duxisse iureiurādo affirmavi. e
tiāne igitur, inquā, me illā duxisse narraſti: recta tu
quidē pdidisti me: nuptiarū enim ciuitas uniuersa
adhuc ignara est. Quinimo Deū Herculē, meaq;
præsentē fortunā testor, nullas mihi dū factas esse
nuptias.

nuptias. Tū Satyrus, Ludis me, inq̃t, bone uir, quasi simul cū ea cubare te manifestum nō sit. Atqui fide maiora, inquam, loqui me intelligo: sed haecenus tū ex sentētia sua mei nondū Melite potita est. Verū quid scripturus sim, doce. hic enim cūctus me uehementer cōmouit, atq; adeò, ut quid agā, prorsus ignorē. Ego te, inquit Satyrus, nō sum sapientior. tu modò initiū scribēdi fac: amor cætera dictabit. id autem ut quamprimum fiat, etiā atq; etiam cura. Tum ego literas conscripsi hoc exemplo.

CLITOPHON LEVCIPPAE S.

Hera mea Leucippe salue. Me quidē una eadem res beatum ac miserum efficit: præsens eī præsente te, sed tamen ex literis quasi absente cerno. Cæterū si rebus ijs omiſsis, omnium ueritatem inspicere uolueris, nullo interim de me facto præiudicio, uirginitatem profectò meam, si qua uirorū est uirginitas, exemplum tuæ secutam esse intelliges. Sin autem indicta me causa odisse iam cœpisti, sententiam ut mutes, maximopere te rogo. Polliceor enim (ita me Dij tui seruatores ament) futurum, ut iamiam me nulla in culpa esse, haud dubiè cognoscas. Vale, te que mihi ue propitiam esse intelligam, cura.

Cōscriptis, obſignatisq; literis Satyro pferendas eas trado: atq; ut ne quicquā contrā ac deceat, de

de me loquatur, obtestor. Voluptatis deinde ac
mœroris plenus cœnatum reuertor. ueniebat enim
mihi in mentem non permissuram Meliten, ut ea
nocte abirem, propterea quòd nuptiæ inter nos
haud dum perfectæ fuerant. neq; tum fieri pote-
rat, ut ipse Leucippe adinuenta, mulierem aliam
uel intuerer. quam ob rem uultum ita componere
conatus sum, ut ne animo commutato esse iudica-
rer. uerùm cum id à me frustra tentaretur, ingres-
sus frigore cohorrere me simulauì. Melitè tametsi
intelligeret à me causam quæri, quam ob rem pro-
missa non facerem: conuincere me tamen palàm ne
quibat. Incœnatus itaq; ut cubitum irem, surrexì
mulierq; ijsdem uestigijs media in cœna mensa re-
lieta, me consecuta est. ipse cubiculum ingressus,
morbum etiam inualuisse præ me ferebam: illa me
obtestans, Quā, inquit, ob causam id agis? quē sper-
nendi finem facturus es? nos quidē cerè maritalis
è fluctibus euasimus, atq; Ephesum, qui nup: ijs con-
stitutus est locus, peruenimus. ecquem adhuc diem
expectamus? quandiu eorum, qui aliquo in sacra-
rio cubant, morem imitabimur? Largam tu quidem
aque mihi copiam offers: uerùm, ne hauriam, ue-
tas. Tantò ne tempore ut propter fluuium sedeam,
sitimq; explere non possim? Næ ego Tantali men-
se haud dissimilem torum sortita sum. Quæ cum
dixisset, fletus meum in pectus miserandum in mo-
dum

dum caput demisit, atq; adeò, ut ipse quoq; uehementer conturbatus sim: neq; quid facerem scirem, quoniam iustè conqueri mihi uidebatur. attamen ita respondi: Patrios equidē deos testor, ô charissima Melite, me id enixè agere, tuæ ut morem geram uoluntati: sed quid me malè habeat, nescio. repente enim in morbum incidi. scis autem tu incommoda ualitudine operam Veneri frustra dari. atq; inter loquendum manantes lachrymis oculos eius deterfi, grauißimumq; iusiurandum iurauim, non multo post, quæ uoluisset, me facturū esse. Hoc pacto incensum mulieris animum, quanquam non sine multo labore, placavi. Postera die Melite accersitis ijs, quibus Leucippen cōmendauerat, ancillis, eius ne opera rectè uterentur, interrogauit: à quibus cum responsum accepisset, ab ea nihil eorum quæ oporteret, prætermissum fuisse, illā ad se duci iussit. Quæ postea quā affuit, Quāta erga te, inquit, humanitate usa sim, tibi commemorare, sciētī præsertim superuacaneū puto. tamē à te peto, ut ijs in rebus, quas in tua potestate sitas esse non ignoro, parem mihi gratiā referas. Audio Thessalas uestras, quos ament, ita cantionibus, ueneficijsq; percellere, ut ad aliā mulierē nullo animi pacto adijcere queant: quinimo sui desiderio ita inflammare, ut illas omnia sibi esse arbitrentur. hac in re mihi à te, siquidem Thessala

es, opem ferri uelim. Adolefcens, quem heri mecum gradientem uidifti, maritum ais tuum? inquit tum callida Leucippe. Sic enim de familiari quodam didicerat: Quem maritum? inquit Melite. mihi quidem certè nihil amplius cū illo rei eft, q̃ cum lapide aliquo: fed mihi Leucippe quædam mortua præponitur (hoc enim nomine illā uocat) cuius neque edens, neq; bibens, neq; uerò etiā dormiens obliuisci poteft: fed neq; huius unq̃ fecit, q̃ ego Alexandriæ illius caufa menseis IIII morata ſum, rogans, obteftans, pollicens, nihil præterea rerum, quibus allici poſſet, prætermittens: fed tanquā ferrum, ſtipēs ue, aut huiusmodi quiddam aliud ſenſu carens, preces meas nō curat: uixq; tempori paret, id unum propè concedens, ut uidendo tantum ſe fruatur. Teſtor autem Venerem ipſam, nocteis me quinque cum eo cubuiſſe, ſurrexiſſe que non aliter quàm ſi cum eunucho aliquo iacuiſſem: ut ſtatuum diligere me uidear, cui non niſi oculis, amato frui datum ſit. Itaq; quod tu heri mecum egiſti, te mulierem mulier rogo, ut aliquid mihi contra ſuperbum iſtum auxilij ſeras: quò iam penè fugientem mihi animam reddas. His cognitis, Leucippe incredibilem uoluptatē capit, quòd Melitem à me ſpe ſua frustratam cognouiſſet: herbasq; ſe conquiſiturā, dum modò quærendi ſibi poteſtas fieret, inquit, rus proſecta eſt. negare autem noluiſſe

cre-

crediderim, quòd fidem sibi à Melite habitum non
iri existimaret. hac spe sibi ostenta, Melite ani-
mi curā remisit. iucundarū enim rerū expectatio,
nedū presentia uoluptatē affert. At uerò ego ho-
rum omnium ignarus animi pendebam: cogitabāq;
qua ratione futura etiam nocte Meliten frustrari,
ac Leucippen conuenire possem. nec enim mihi a-
liam ob causam elaborare uidebatur, ut rus se con-
ferret, uesperiq; reuerteretur. Intera dum in Leu-
cippes abutū currus adornaretur, uixq; cœnaturi
ipsi accubissemus, tumultus ingēs, cōcursusq; repē-
tinus iuxta ædiū partem illā, in qua uiri degebāt,
exauditus est: euestigioq; seruorū unus præ cursus
festinatione spiritū agrè ducens, introiuit, Thersan-
drūq; uiuere atq; adesse nunciauit. erat is Melites
cōlux, quē naufragio periisse putabāt. Atq; hac à
nōnullis illius domesticis, q cū eo nauigauerāt, fra-
cta naui semotis, eūq; diē obissee arbitrantib. fama
dīmanauerat. Vix aut seruus ea locutus fuerat, cū
Thersander illū subsecutus, cœnaculū subito intra-
uit: accelerabat enim ut me, de quo sub ipsum sta-
tim aduentū suū omnia cognouerat, deprehende-
ret. Melite quanq; repentino casu turbata est, mari-
tū tñ amplecti uoluit. sed eā ille magna ui repulit,
in meq; oculos cōueriens, Illic'ne, inqt, adulter es?
ptinusq; facto in me impetu, iracūdia exardēs, pla-
gam maxillæ intulit: mox capillis abreptū, atq; ad

terram proiectum totum uerberibus confecit. ego,
 quasi seclusis sacris interesset, nō modò quis esset,
 aut quā ob rem me cāderet, nō rogavi, sed ne uer-
 bum quidem proferre ausus sum. Verū id quod
 res erat mecū reputans, & si maximè contrā niti
 poteram, tñ id facere ueritus fui. tandem cum ille
 uerberando, ego ratiocinādo fessi essemus, surgēs:
 Quis tu, inquam es? cur me tam contumeliose cā-
 dis? at ille, propterea quòd uocem misissem, iratior
 multo factus, manus iterū mihi iniecit, uinculaq;
 & compedes poposcit: quibus constrictum me in
 cubiculū quoddā cōiecit: interea factū est, ut Leu-
 cippes epistola, quam fortè tunicæ adalligatam
 mecum gestabam, imprudenti mihi exciderit, eāq;
 Melite clam suscepit, uerita ne qua ex suis esset
 ad me literis: sed non multo pòst, cum sola esset, to-
 ta dere, Leucippes nomine ineūto, certior facta,
 prorsus exanimata est: non tñ eam esse credidit, q̄
 quā ruri compereramus: propterea q̄ sublatā è ui-
 uis fuisse non semel audiuerat. Tandem uerò to-
 ta epistola perlecta, ueritateq; iam clarius cogni-
 ta, cum uerecundia atque ira, tum amore atque
 obtrectatione oppressa, uariis in partes distrahi
 cœpit. Nam & maritum uerebatur, & literis
 non poterat non irasci, sed iræ alioqui opponeba-
 tur amor, qui obtrectatione auxilium sibi afferen-
 te uictor tandē euasit. quā ob rem cum aduersperas-
 set,

set, ac primo illo ab impetu ad familiarē quendā suum Therfander se contulisset: Melite hominem, cui mei custodia credita fuerat, allocuta, ad me, clā alijs seruis, ē quorū numero duos ante cubiculi fores collocauerat, ingressa est: quem humi proiectū cum offendisset, propius accedens, eodē omnia momento proferre uolebat, ipso nihilominus uultu quaecunq; dictura erat, præ se ferente. igitur, ô me inquit, infelicem, meamq; in perniciem te primū conspiciatam, quæ quod assequi non possim, tanto-
pere appetam: ô penitus dementem, quæ mei contemptorem amore prosequar: quæ dolorib. excruciatam excrucianti misericordiam tribuam, totq; mihi contumeliarum auctorem desistere amare non possim. ô uiri & mulieris par aduersus me conspi-
rans: quorū alter ludibrio me iandiu habet, altera herbas conquestum abiit. me ne igitur ab insensissimis hostibus opem querere, hætenus non intellexisse? hæc locuta Melite, Leucippes literas in me proiecit. Quibus agnitis, cohorrui statim, uultūq; tanquā magni alicuius flagitij reus, deieci: Illa uerò amplius etiā flere ac cōqueri perrexit: Heu me tot malis afflictā. tua ego causa maritum amisi, nec tamē te frui posthac mihi licebit: quinimo aspectu etiam tuo, quo uno tantum à te dignata sum, breui mihi carendum esse intelligo. Atque ad hæc mala illud etiam accedit. tua enim causa me cōiux

odio prosequitur, atq; adulterij ream facit: & eius quidē, ex quo fructus ac uoluptatis nihil, infamiae aut plurimū ad me redundauit. Sanē aliae mulieres ex turpitudine uoluptatē consequuntur: at mihi sola sine uoluptate turpitudine parta est. ō infidum, ō barbarū, ō pira is immaniolem Clitophonem, te ne mulierem tam impotenti tui amore deflagrantem, tam miserum in modum excruciarī, a quo animo ferre posse, cum amorī tu quoque deseruias? neque te auinam Cupidinis iram timere? non facies eius, non arcana uereri? non lachrymis, quas oculi isti ubertim profuderunt, quibusque uel praedones ad misericordiam alliciuntur, commoueri? Quid, quod animum tuum non modō non pellexerunt preces meae, ut semel saltem mihi morem gereres, sed ne ullum quidem idonei temporis opportunitas, aut mutuus complexus, aut aliud quidpiam apud te pondus habuerunt. Quinimo (quod omnium contumeliosissimum est) ē complexu meo, ex ipsis dissuauiationibus aequē discedis atq; alia mulier. at quid hoc est, nisi nuptiarum umbra? Tu quidem certē non cum effoeta aliqua, tuosue amplexus auersante cubuisti: sed & cum adolescente, & cum amante, addiderit uerō aliquis etiam & cum formosa. Eunuche, euirate, pulchritudinis contemptor, nunc ego immortalis deos precor, tuis ut desiderijs contraria omnia

omnia euenire uelint: quo in te quæ in me moliris,
 cuncta experiare. Hæc non sine lachrymis locuta
 Melite parumper conticuit. deinde ut me tacen-
 tem, atq; oculos humi defigentē animaduertit, ani-
 mo penitus cōmutato, rursum, Quæ hæcenus locu-
 ta sum, inquit, suauissime adolescēs, ira & mœror
 suggestit: nunc ad dicendū me amor impellit. Quī
 uerò potui non irasci, & conuicia in te ingerere,
 cum tota arderem, intimasq; corporis partes mi-
 ferrimum in modum ignis popularetur? ab saltē
 nunc mihi morem gere: Non ego dies multos, aut
 nuptias diuturnas peto, quarum ipse misera me hæ-
 ctenus produxisti. Vnicus mihi satis erit congres-
 sus, uel tantula ope mihi ad tanti morbi uim de-
 pellendam opus est. Agedum ignem hunc mi-
 hi aliquantum restingue: ac, Si quid in te aspe-
 rius antea locuta sum, ignosce, obsecro, gratissi-
 me adolescens. NON enim potest, qui infeli-
 citer amat, non insanire. Nec uerò me fu-
 git, quā turpem causam agam: ueruntamen
 amoris arcana palām facere haudquaquam pu-
 det. Memorem hominem, quoq; pacto affecta sim
 intelligentem, alloqui me scio. Alijs dei huius te-
 la ignota sunt. Solis enim amanti bus, præterea nul-
 lis, amantiū uulnera innotescunt. Hæc mihi adhuc
 superest dies, qua ut promissa facias, obtestor.
 Isidis tibi ueniat in mentem, neque quod in illius

templo iurasti, floccifceris. q. si, ut inter nos iure-
iurando firmatum est, promissis stare uoluisses, non
equidem Thersandros mille curauerim. Cæterum
quoniam Leucippe inuenta nullo fieri pacto po-
test, aliam ut ducas, per me quidem fac, ut lubet.
mihi enim cedendum esse intelligo: iamq; amplius
nihil, nisi quod me consequi posse arbitror, peto:
quandoquidem mihi omnia bellum indicunt, ac
mortui etiam ipsi ab inferis excitantur. ò mare, tu
certè nauigantem seruasti, uerùm seruando maio-
res in ærumnas coniecisti, duobus mortuis meam
in perniciem aduectis, quasi non una Leucippe
satis esset. Sed uiuat sanè illa, ne Clitophon
in mœrore iaceat. Illud uerò quis ferat, im-
pium Thersandrum nunc rediisse? me uidente ho-
minem percussisse, miseram' que opis nihil ferre
potuisse? Adhuc quidem, Dij boni, facies to-
ta liuoribus fœdata conspicitur. Cæcus tum,
puto, Thersander fuit. Sed te, ò here Clitophon
(tu enim animæ imperium meæ solus obtines)
id unum rogo, hodie saltem ut mihi te pri-
mum & ultimum concedas. Parua hæc mo-
ra multorum apud me dierum loco erit: sic ne-
que tu Leucippen amiseris: neque illa uel falsam
mortem obierit. Ne meum amorem neglexe-
ris: cuius causa cùm alia commoda plurima,
tum

tum Leucippen ipsam es consecutus. nisi enim ego te amassem, hucq; produxisssem, moruam utiq; Leucippen adhuc arbitrareris. Fortunæ uerò etiam benignitati aliquid est quod acceptum ferri deceat, cum thesaurū nescio quis inuenisset, locum in quo inuenit, in honore habuit, aram consecrauit, libamina obtulit, telluremq; coronauit. Tu uerò amator thesauro apud me reperto non modò gratiam non refers, uerum etiam beneficij auctorem spernis. Hæc autem mea causa tecum Amorem loqui existima. Id mihi tuæ militiæ antesignano concede Clitophon, ut ne hinc Melite intacta discedas. meus ignis est, qui eam urit. itaq; deo pare Clitophon, siquidem cætera tua mihi curæ esse cupis. à uinculis mediusfidius, tametsi Thersandro id minime uideatur, te nunc nunc soluam: cubiculum q; in quo tandiu cum eo, qui mecum unà lac hausit, degas, quandiu uoles, tibi adornatum dabo. Leucippen uerò cras prima luce tibi affuturam expecta. Ruri enim pernoctare se uelle dixit, ut herbas ad lunæ aspectū colligeret, ita de me ludi facti sunt: ab ea enim tanquam Thessala opem contra te imploraui. nam spe frustrata quid facere amplius potui, quàm ad herbas & medicamenta, quæ miserrum amantium solatia sunt, confugere? Nunc, ut istum etiam timorem deponas, Thersander iratus domo ad familiarem quendam suum se contulit, ut

deus aliquis hinc illum eiecisse mihi uideatur, quo
 postrema hæc à te liberè consequi possim. agendum
 tandem igitur tui mihi copiam fac. Hæc Meli-
 te cum differuisset (Amor enim eloqui etiam do-
 cet) uincula soluit: manusq; meas exosculata, oculis
 primum suis, deinde cordi admouit, ac, Vides ne,
 inquit, ut salit, ac semet uibrans assiduè palpitat,
 metus & spei simul (utinam uerò etiam uolupta-
 tis) plenum, ut trepidatione huiusmodi orare te
 uideatur? Posteaq; uinculis solutus sum, mulierq;
 flens me complexa est, humani quiddam perpe-
 sum: atq; ut ingenuè fatear, ne mihi Amor irascere-
 tur, extimui, præsertim quòd recuperata Leucip-
 pe, Meliten paulo post dimissurus essem, & quæ fa-
 ctæ fuerant, nuptiæ non essent: sed tantum ægro-
 tantis animi quasi medicina quædam. amplexamē
 igitur deosculantemq; pari amplexu, deosculatio-
 neq; accepi: atq; haud ita multo post desiderij e-
 ius expectationem omnem expleui, nobis neq; stra-
 tum, neq; alium ullum ad uenerem apparatus re-
 quirentib. amor enim suijsus artifex est, & quæ
 opus sunt ex tempore afferens, ad sua ipsius arca-
 na quenuis accommodat locum. Illud porrò certis-
 simum est, imparatam uenerem parata longè sua-
 uio-rem esse, utpote quæ germa-
 nam secum ferat uo-
 luptatem.

Liber sextus.



Ostea quàm Melites egrimoniam
 subleuauit, Quoniam modo, inquam,
 tutam mihi ad abeundum uiam, et
 cetera, quæ de Leucippe pollici-
 ta es, præbebis? Tum illa, Ne ue-
 reare, inquit, quod quidem ad Leucippem attinet,
 sed eam te iam recipisse puta. ornatum hunc meum in-
 due, faciemque uelo obuolue. Melantho ad ostium,
 qua in uiam patet egressus, te comitabitur. illic a-
 dolescens tibi præstò erit: qui, sicut ei præscripsi,
 ad Cliniam te, Satyrumque perducatur. Leucippe au-
 tem non multo post tibi aderit. Quæ cum dixisset,
 eo me, quo se ipsam consueuerat, modo adornauit,
 dissuauisque, Quanto, inquit, formosior es in stola.
 talem ego quidem in pictura olim Achillem uidi.
 Ceterum anime mi Clitophon, ut ualeas, etiam
 atque etiam cura: et pallam hanc apud te mei mo-
 numentum serua, tuo uicissim mihi pallio relicto,
 quo indutatus quasi amplexibus detineri uidear.
 Tum mihi aureos nummos centum dedit: accer-
 sita que Melanthone (erat hæc ancillarum om-
 nium fidißima, cui uni ianuarum custodia crede-
 batur) quid me fieri uelit, docet: deinceps ad se re-
 uerti iubet. Ego simulatque muliebri ornatu ami-
 ctus, cubiculo exiui, custosque heram me essera-
 tus, id ei annuente Melanthone, secessit, per
 rmo-

remotiorē domus partem iter faciens, ad portam
quandam desuesctam perueni: ubi me destinatus
à Melite adolescens libertinus ex ijs qui nobiscum
nauigauerant, mihi alioqui etiam gratus, accepit:
Postea uerò quàm reuersa Melantho cubiculum,
quod uixdum clausum fuerat, aperiri iussit, meūq;
abitum heræ nunciauit, illa custode ad se uocato
(qui, sicuti credibile est, re maxime præter opinio-
nem perspecta, iuxta adagium, PRO VIRGI-
NE CERVA, stupore oppressus obmutuerat)
Mihi quidem, inquit, dubium non erat, ne non Cli-
tophontem dimitteres. Sed eò artificium istud ex-
cogitavi, quò esset tibi apud Thersandrum excusa-
tioni locus, utpote qui non cognoueris aureos au-
tem nummos decem tibi Clitophon, si hic expecta-
ueris, muneri mittet: quanquam si de fuga cogites,
tutius omnino rebus cōsulueris tuis. Tum uerò Opa-
sion (id erat custodi nomen) Atqui, ò heræ, inquit,
nihil mihi magis probabitur quàm quod tu suase-
ris. Itaq; mulieri placuit, ut aliquò profugeret: nec
antè reuenteretur, q̃ turbæ illæ & mariti ira seda-
ta esset. atq; ita quidem ille abiit. Sed nihilo quàm
antea mitior fortuna mihi rursus insidiata est, no-
uumq; periculum creauit. Thersandrum enim, qui
ab amico, ad quem diuerterat, ne procul ab uxore
cubaret suusus, à cœna domū reuertebatur, abeūti
mihi obuiā misit. Celebrabatur forte fortuna Dianæ
festi

festi dies, & ebriorum plena erant omnia, integramq; noctem mortaliū ingens multitudo forum totum percursabat: quod unum ego rationibus meis maxime obstare arbitrabar, nesciens aliud mihi longè grauius infortunium imminere. nam Sosthenes, qui Leucippen emerat, ab agrorum administratione abstinere iussus, herum adesse intelligens, non modò ab ea non abstinuit, uerumetiam de Melite uindictam sumere cupiens, me primum Thersandro prodidit, utpote qui delator esset, deinde alia complura de Leucippe appositè admodum ementitus est. Eius enim potiundæ simul atq; spem sibi ereptam uidit, hero lenonis operā præstare aggressus est, ut eum à Melite abalienaret. itaq; puellā ò herē, inquit, emi forma bona sic, ut cogitatione cōprehendi nequeat: de qua narrāti mihi æquè ac cernenti tibi credas uelim, hanc ego tibi asseruabam, quē uiuere audiuissem. id quod tametsi credere me iuuabat, cuiquam tamen palàm facere nolui, eo uidelicet consilio, ut heræ turpitudinem manifestò cognosceres, ac ut ne tibi peregrinus impudensq; adulter illuderet. Heri autem solū eam Melite à me uindicauit, ac missam facere cogitat. sed tantā pulchritudinē tibi fortuna seruat, quo ea solus potiare: illa enim ruri etiam nunc degit, nec quam ob rem eò missa sit, satis intelligo. igitur si tuita censes, illam prius, quàm ad heram reuertatur, alicubi clausam

clausam tibi dabo. quod cum probasset, fieriq; iussisset Thersander, Sosthenes quamprimum rus abiit: usq; tugurio, in quo puella erat pernoctatura, duobus accersitis operarijs, ancillas, quæ cum illa erant, circumuenire, et quàm longissimè, quasi colloqui cuperent, demorari iubet. Ipse alijs duobus secum ductis, statim ut solam conspicatus est, impetu facto, manibusq; ori eius admo-
toris, mediam comprehendit: seorsum que ab ancillis asportans occultam quandam in domum conclusit, Magnum ad te, inquiens, bonorum cumulum affero. Te autem illud spectare par est, ut ne postea, quàm fueris affecuta, mei obliuiscaris. Nec uerò raptum hunc extimescas, nèue in perniciem tuam factum putes: quoniam quidem hic tui amantem herum meum tecum familiaritate coniunget. Leucippe insperata calamitate hac percussa, obmutuit. Sosthenes Thersandrum, qui tum fortè domum reuertebatur, conueniens, quid, egisset renunci-
auit: ac Leucippes formam laudibus in cœlum tulit. quo factum est, ut Thersander ex eo sermone summæ cuiusdam pulchritudinis speciem animo concipiens, cum nocturnis ludis finis impositus nondum esset, rusque illud ab urbe non amplius 10 passus distaret, præire illum iubens, ad puellam profecturus erat. Interea Melites uestitus
ornatus

ornatus ipse, imprudenter euntibus illis occurrit
meq; statim agnito, primus Sosthenes, En, inquit,
bacchantem adulterum, & tuæ uxoris ornamentis
indutum. Ac tunc adolescens, qui fortè præcede-
bat, re cognita, nec ullo præ timore, ad me commo-
nesaciendum tempore sumpto, in fugam se de-
dit. ego statim ab illis comprehensus sum: Ther-
sanderq; clamorem attollere coepit. Quapropter
nigilum multitudo affluere, ille magis magis que
crimen augere, dicenda tacendâque pariter in-
culcare, adulterum ac furem identidem appella-
re. Tandem me in carcerem contrudit: nomenq;
meum de adulterio defert. Sed horum nihil me pe-
nitius commouit, non uinculorum ignominia, non
nominis delatio: confidebam enim argumentis con-
uicturum, me adulterum nequaquam esse, propte-
rea quòd nuptiæ palàm factæ fuerant. Illud
me magnopere angebat, quòd Leucippen re-
uera nondum recuperaueram. PORRO ma-
lorum præsagus animus est, bonorum nequa-
quam. itaque nihil mihi tum sani de Leucippe
in mentem uenire poterat: sed erant suspe-
cta omnia, omnia pauoris plena: ipseque a-
nimo perculso & penitus abiecto, maximo in
moerore uersabar. Thersander simul ac me
in custodiam tradidit, ad Leucippen cum So-
sthene alacriter admodum profectus est:
domumq;

domumq; ingressus humi iacentem, ac Sosthenis de
 sta mente agitantem inuenit, nec minus animi æ-
 gritudinem, et pauorem uultu præse ferentem,
 „ ut illud mihi nō recte dictū uideatur, MENTEM
 „ omnino cerni non posse: in uultu enim tanquam in
 „ speculo, perfecte cernitur. Nam si læta fuerit, ipsa
 procul dubio lætitia in oculis relucet: sin uerò tri-
 stis, cōtrahitur frons, ægrimoniāq; ipsam refert.
 Cæterum Leucippe cum primum ualuas aperiri
 sensit, uixdum oculis in eos coniectis (aderat au-
 tem lucerna) uultum statim demisit. At Thersan-
 der uisa pulchritudine, quæ ex oculis eius, tanquā
 flamma nubium conflictu expressa, repente afful-
 serat, euestigioq; euanuerat (sunt enim oculi præ-
 cipua pulchritudinis sedes) confestim exarsit: obtu-
 tuq; illo uictus mulierem, rursus ne oculos in se con-
 iiceret, obseruare cœpit. uerum cum illam nihil ali-
 ud, quā terrā, intueri uideret, Quousq; inquit,
 lumina humi tua defixa erunt? quousq; tantam oris
 „ tui pulchritudinem ad terrā referre perges? quin
 „ hanc potius ad oculos meos refers? Tum Leucip-
 pe his auditis lachrymas profudit, peculiari sanè,
 ac germano quodam suo decore cumulas. LA-
 „ CHRYMA enim oculos excitat, ac proteruio-
 „ res efficit: et si deformes atq; agrestes fuerint,
 „ eorum deformitatem auget: sin contrā iucundi, ni-
 „ gramq; aciem candore sensim conuestiti, cum la-
 chrymis

lachrymis humescunt, tumidulae mammae fonti as-
similantur. manante quinetiam circa sinum salso
earum humore, pars candida pinguescit, nigra ue-
rò purpurascit: atq; hæc uiolæ, illa narcisso similis
efficitur. quòd si oculorum intra orbes lachrymæ
contineantur, risum præseferunt. Eiusmodi ergo
Leucippes lachrymæ cum essent, facile mœrorem
decore suo uincere potuerunt: quinimmo si postea,
quàm exciderant, conglaciassent, electri nouum
procul dubio genus habuissemus. Thersander igi-
tur dum uirginis pulchritudinem, tristitiamq; con-
templatur, altera in admirationem raptus, altera
ira cumulatus est, eiusq; oculi lachrymis reple-
ti sunt. ita enim natura comparatum est, ut la-
chrymæ, muliebres præsertim, uidentes ad miseri-
cordiam moueant: eoq; uehementius, quo recen-
tiores fuerint. quòd si mulierẽ formosam, & eum
qui spectet, amatorem esse contingat: tunc ui-
dentis oculi nequaquam quiescunt, sed lachrymas
ipsi quoque profundunt: pulchritudo enim, quæ
in formosarum mulierum oculis præcipuum lo-
cum obtinent, ab ijs in spectantis oculos dimi-
nat, lachrymarumque uim educit: atque ita fit,
ut amator utrumque excipiens, illam animo hau-
riat, has oculis seruet, quas dein conspici optat,
nec eas, tametsi possit, abstergere curat: immo
luminum motus inhibet, lachrymasque intra
l sinum,

sinum,quandiu potest, continet:illud uidelicet timens,ne antè delabantur,quàm ab amata uisè fuerint: id enim capti amore animi signum esse erbitratur. huiusmodi quiddam Thersandro quoque accidit.fleuit enim tum ut ostenderet humano quodam,uti credibile est; se desiderio moueri, tū ut à Leucippe gratiam iniret,tanq̃ scilicet ideo fleret, quia flentem ipsam uidisset. Itaque ad Sosthenem conuersus, Tu nunc puellæ huic, aliquam, inquit, consolationem asser. quanto enim in moerore iaceat,uides. Ego,tametsi inuitus,hinc tamen recedam, ne illi molestus sim. pòst, ubi mitiorem factam esse audiuerò,eam alloquar. Tu interea bono animo sis,mulier: dolorem enim istum tuum quamprimum abstergebo. Deinde egressus, Sostheni rursum, Caue, inquit, ne, nisi quod deceat, de me loquaris. atque ut cras prima luce ad me, re bene gustata, redeas, cura. Interea Melite continuo pòst, quàm à me discessit, adolescentem rus ad Leucippen misit: qui eam ad reuersionem urgeret, nullis amplius pharmacis opus esse nuncians. Ille statim profectus, cum ancillis puellam quærenteis, ac propterea quòd nusquam apparebat, ualde perturbatas offendisset,maxima cum festinatione reuersus, heræ factum renunciauit. Quæ me in carcerem conclusam, Leucippen uerò abductam intelligens,

curarum

curarum mole obruta est . Ac quanquam rem, uti se haberet, certò scire non poterat, culpam tamen omnem in Sosthenem reijciebat . Leucippen itaque palàm perquiri uoluit : atque ut Thersandro, culpa carere se, persuaderet, sermonem, qui ambagibus inuolutam ueritatem continebat, artificiose admodum excogitauit . Nam cum ille domum reuersus, iterum exclamaret, Tu mœchum eripuisti, tu è uinculis exemisti, tu domo emisisti : cur non igitur illum sequeris ? Quid hic moraris ? quin ad amatorem tuum profiscisceris, ut arctioribus eum cathenis constrictum uideas ? Tum Melite, Quémnam, inquit, mihi adulterum nominas ? Sanus ne es, qui hæc dicas ? Tu si rem omnem, furore posthabito, audire uolueris, ueritatem facîle cognoscas . Vnum tantum te rogo, æquum te mihi iudicem præbe : auribusque calumnia uacuis, ac ratione iræ loco adhibita, audi . Adolescens hic neque adulter, neque coniunx meus est : sed genere Phoenix, & Tyrriorum nulli secundus . Is cum nauigaret, aduersa admodum fortuna usus est : quippe omnes eius merces naufragio consumptæ perierunt . Quod ego cum audiuissem, calamitate hominis commotus sum . Interim tui memor, atque hospitio accepi, mecum illud cogitans, fieri

L 2 potius

potuisse, ut tu quoque sic errares, tuamq; calamitatem mulier aliqua subleuaret: aut si reuera in undis, ut fama fuit, diem obiisses, non impie me fateturam, si naufragis omnibus misericordiam tribuisssem. Nam quot alios me naufragos subleuasse putas? quot undis submersos sepulturae mandasse? si modò lignum è naufragio ad terram delatum nancisci potui, Mecum inquires, fortè hac naui Thersander uehebatur. Ex ijs autem, qui pelagi uim effugerunt, unus hic, & quidem postremus fuit: quem dum ego honore affeci, quid aliud, quàm in te officiosa fui? nauigauit ille quemadmodum etiam tu: iccirco eius calamitatem tanquam tuæ imaginem, charissime coniux, miserata sum. habes quo pacto illum huc mecum perduxi. Porro autem is uxorem suam lugebat, illam, quanquam falso, perijsse ratus: cum tandem nescio quis eam uiuere, atque apud unum è procuratoribus nostris (Sosthenem autem nominabat) diuersari nobis retulit: rem'que ita se habere omnino compertum est. Rus enim profecti, mulierem inuenimus: atque hac de causa me ille secutus est. Habes Sosthenem, mulier ruri est. De ijs omnibus tuo arbitrato percunctare. Si quid mentitum esse me compereris, adulterij ream agas licet. Hæc Melite dicebat, Leucippes raptum scire se dissimulans, atque in animo habens,

bens, si quidem facti ueritatem indagare Thersander studuisset, ancillas, quib. cū Leucippe abierat postridie mane reuersura, testis dare, puellam nusquam reperiri dicturas. Nec enim aliam illam ob causam perquirendæ puellæ operam dabat, quàm ut Thersandrum ad credendum, quæ locuta fuerat, induceret. Quinimmo, quanquam satis appositè respondisse uidebatur, tamen illud etiam addidit: Neque uerò coniux, quæ dixi, falsa esse putes: meminisse enim potes quàm incorruptè antea, dum simul ætatem egimus, uitam duxi, quam ob rem probri me nunc à te insimulari, periniquū est. Fama autem hæc ex honore adolescenti habito exorta est, eo quòd multos late ret causa, quam ob rem meam illum in familiaritatem receperim. quòd si famæ credendum sit, annon tu quoque naufragio submersus obijisse putandus esses? CALVMNIA enim & fama duo sunt sibi cognata mala, nimirum quia hæc illius filia est. Atque illa quidem gladio acutior, igne ardentior, & ad persuadendum Sirenibus aptior est: hæc uerò aqua fluxior, uento celerior, & perniciosa alis. quam ob rem sermo cum à calumnia emissus fuerit, sagittæ in morem euolat, absentemque, in quem mittitur, uulnerat. qui uerò audit, facilè admodum credit, iraque accensus in uulneratum furit. At fama ex uulnere huiusmodi

5, multiplex quidem statim diffunditur: & sermo-
 5, nis uento acta, linguæq; pennis interim sustenta-
 5, ta, omneis in partes circumfertur, in obuij cuiusq;
 5, aures illabens. Hæ contra me duæ pestes confira-
 uerunt: eadem animum nunc tuum occupât, meos
 que ab auribus tuis sermones arcet. Quæ cum Me-
 lite dixisset, apprehensam Thersanari manum dis-
 suauiri uoluit. Ille quoque dictorum uerisimilitu-
 dine motus, de concepta ira aliquam ueremisit, ut
 pote cui quæ de Leucippe narrata erant, à Sosthe-
 nis oratione non aliena suspicionis partem ademis-
 sent: non enim omnia prorsus credere uoluit: pro-
 5, pterea quòd obrectatio, ubi semel in animu alicu-
 5, ius incidit, non nisi difficiliter extrudi potest. Cæ-
 terum Thersander puellam, quam deperibat, uxore-
 rem meam esse audiens, mirum in modu perturbatus
 est: maiusq; in me odium concepit. Sed tamen
 percunctaturum se affirmans, itane, uti audiuerat,
 res haberet, cubitum solus abiit. Melite interea
 mœrore conficiebatur, quòd quæ mihi promiserat,
 facere se non posse intelligeret. At Sosthenes
 Thersandro, ut aliquamisper abesset, dimisso, multa
 de Leucippe pollicens, ad eam rursum profectus
 est: uultuq; hilaritatem præseferente, Prospe-
 re omnia, inquit, ò Lacæna succedent: Thersander
 enim eousque te diligit, ut insaniat: fortè uerò e-
 tiam in uxorem ducet. id autem mea unius opera
 fieri

fieri credas uelim: qui tuam illi pulchritudinem supra quam cogitari possit, commendauit, teque in medullis eius penitus infixi. flere itaque desine, ac bono animo esto. Venerique hanc ob felicitatem acra facere perge. Sed, ut mei quoque tibi ueniat in mentem, cura. Tum Leucippe, Talis, inquit, faxint Dii, ut felicitas tibi eueniat, qualem mihi nunciatum uenis. Sosthenes irrideri se minimè ratus, sed illam ex animo loqui existimans, Atqui nunc, inquit, Thersandri conditionem, fortunamque, quo magis etiam tibi letandum scias, commemorare uolo. Itaque hoc pro certo habe, Melites eius quam ruri allocuta es, maritum illum esse, Ionum omnium genere primum: sed cuius genus diuitiæ, diuitias mansuetudo uincat. Nam quid ego de eius ætate loquar? tu enim iuuenē, prætereaq; formosum esse uidisti: quæ duæ res à mulieribus quàm maximè expectantur. Hic tum Leucippe nebulonem Sosthenem diutius non tulit: sed, Quousque tandem, inquit, belluarum omnium pessime, aureis meas impura tua oratione foedare perges? Quid mihi cum Thersandro? Formosus sit Melitæ, diues sit patriæ, mansuetus & magnanimus sit ijs qui eius opera eguerint. nihil enim mea refert, siue Codro nobilior, siue Cræso ditior existat. Quid mihi alienarum laudum cumulum recensere

sanè Thersandrum uti probum uirum tunc laudato, cum alienis uxoribus iniuriam afferre desinet. tum seriò loquens Sosthenes, Igitur, inquit, iocaris? at illa, Quid, inquit, iocer? sine mea me fortuna, & trahente me fato sru: scio enim me interpretas esse. Ille autem, Immedicabili mihi uidearis, inquit, insania detineri. Piratarumne tibi locus hic uidetur, ubi coniugem, diuitias, oblectamenta nanciscaris? cumque praterca uirum, quem adeò diligunt Dij, ut ex ipsis mortis faucibus eripuerint? atque sumpta hinc dicendi occasione naufragium recensuit, diuina ope factum inquiring, quòd euaserit, ac non dissimilia propemodum ijs quæ de Arionis delphine poetæ fabulatur, comminiscens. Quibus cum nihil Leucippe respondisset, Sosthenes iterum, Quid tua è re sit, inquit, mēte circumspice, & huiusmodi quicquam Thersandro respondeas, caue, ne hominē mansuetū irrites: qui cum ira permouetur, ferri nequit. IS ENIM, cui mansuetudo inest, si in mite ingenium incidat, mansuetiorem etiam se præstat: sin uerò cum inhumano congrediatur, implacabili effruescit iracundia. Natura enim ita comparatum est, ut in quo ad benemerendum uigeat alacritas, ei ad ulciscendum acerbitas non desit. Ac de Leucippe quidem hætenus. Clinia, Satyrusque, simul ac me in custodiam datum esse audiuerunt

diuerunt (omnem enim rē cis Melite narrauerat) noctu ad me in carcerem statim se comulerunt, unā mecum illic degere parati: uerū carceris custos non permisit, quin nimo eos uel inuitos quā celerrimē abire iussit. Ego uerō id tum ab eis petij, ut cum primū Leucippen rediisse cognouissent, ad me reuerterentur. Interea Melites promissa mente agitans, spe metuq; angebar: ac timeri spes, & spei timor coniunctus erat. Postea autem cum iam dies illuxisset, Sosthenes ad Thersandrū, Satyrus ad me reuersus est. ac Thersander quidem Sosthenem quid de Leucippe fecisset, ad morem ne sibi gerendum persuasa esset, interrogauit statim. Ille autem suppressa ueritate, nescio quid aptē sanē commentus, Negat quidem illa, inquit, uerū id ego ex animo proficisci non puto: nam communem tantum timere mihi uidetur, ne uidelicet se, cum semel potitus fueris, eijcias. Tum ille, Atqui quod ad hanc rem, inquit, attinet, formidare designat. Etenim, ut ingenuē fatear, tam altas desiderij eius meo in corde radices egit, nullo ut unquam tempore inde auelli possit. illud tam un modo uereor, ac scire aueo, sit ne uerē adolescens eius, uti mihi à Melite narratum antea fuit, uxor. Hac ultrò citroq; colloquentes ad Leucippes domunculam peruenerunt. quam cum ad miserabilem sonū uocem inflectentem procul sensissent, taciti ante
l s . . . fores.

fores clām confederunt, ut quæ loqueretur, exaudirent. sola enim secum ita propemodum lamentabatur: Hci mihi ò Clitophon (id autem nominis crebrò repetebat) neq; tu ubi sim, aut quo in loco custodiar, nosli: neq; ego quæ te fortuna habeat, satis scio: sed alter alterius rerum ignarus miserã uterq; uitam uiuimus. Nunquid uerò te domi Thersander deprehendit? nunquid tu quoq; contumeliã passus es? mihi quidem non semel in animo fuit So- sthenem de te interrogare: uerũ quo modo id tutò facerem, non inueniebã. Si enim ut de cõiuge meo rogassẽ, metuendũ fuit, ne inde aliquid periculi tibi conflarem, Thersandrum in te concitando: sin ut de hospite aliquo, hinc etiam suspicioni locus esse poterat: qui enim mulier de ijs quæ ad se non pertineant, sollicita sit? sed quid ego hæc loquor? Imò uerò ad rogandum me quàm sapiissimè comparauĩ: nec tamen ad id linguam inducere unquam potui: uerũ ita tantummodo mecum querebar: Ma- rite Clitophon, unius Leucippes fide, et constans marite, quẽ alia nulla cū eo etiã cubans mulier pellexit, quanquã id ego amoris iam propemodũ affe- elu uacua nõ credidi, tene ego tanto post tempo- re ruri cõspicata deosculari cessauĩ? Sed quid nam Thersandro, si fortè rursus interrogaturus adsit, respondebo? nunquid detracta persona, rei totius ueritatem omnem adaperiam? Ne me uile manci- piũ Thersander existimes, Byzamiorũ exercitus

ducis filiam & Tyrij adolescentis iuri primarij uxorem esse scias. Ego nec Theſſala ſum, nec Lacedæmonæ mihi eſt nomen. piratica hæc contumelia eſt, per quam nomen etiam mihi ademptum fuit. coniux mihi eſt Clitophon, patria Byzantium, pater Soſtratus, mater Pæthia. hæc reſpondenti mihi tu minimè puto, credes. ipſa quoq; ſi credas, illud uereor, ne importunum libertatis meæ deſideriū chariſſimū coniugē meū perditum eat. agedum igitur ſuppoſitiſſimā perſonā rursus induā, Lacedæmonæq; me iterū ſimulabo. His auditis Theſander paulum retrocedens, atq; ad Soſthenem conuerſus, Audiſtine inq̃t, nō credendū. ſed tñ amoris plenū ſermonē ut multa dixit? ut grauiter cōqueſta eſt? cur ſeipſā incuſauit? mihi omnino adulter præfertur. Latio iſte, opinor, ueneficus etiā eſt: cum Melite amat, cū amat Leucippe. utinā ego Clitophō, ò Iupiter, ſi exi poſſim. Tū Soſthenes, Haudquaſq̃ ò here, inquit, labori cedendū eſt: ſed potius puellā ad eundū. nec uerò moucat te, q̃ flagitioſum adulterū iſtū nūc diligat. illū enim tādū obſeruatura eſt, quandiu alterius conſuetudine caruerit. q̃ ſi tu in illius locū ſemel ſuccedas (longè homini pulchritudine antecellis) cum penitus obliuioni tradet. PRIO.
RE. enim flammam nouus ignis extrudit: & mulierum ea natura eſt, ut præſentes maximo-
pere amant, abſentium uero non, niſi tam iſſer-
dum

„ dum alio carent, remūscātur. Itaq; simul ac alter
 „ accesserit, prior animo prorsus eijcitur. Tunc de-
 iectum animum Thersander erexit. QVAE
 „ enim uerba optata rei cōsequendae spē ostendūt,
 „ credi perfacile solent: quod eo fit, quia concupi-
 „ scens animi pars, optata, re sibi comite adiuncta,
 hominem ad sperandum compellit. Thersander i-
 gitur post ea quae sola secum Leucippe locuta fue-
 rat, aliquantisper immoratus, ne quid exaudisse ui-
 deretur, uultuq; ita, ut se tractabiliorem uisum iri
 sperabat, composito, ad eam tandem ingressus est.
 in quam oculos uixdum coniecerat, cum deside-
 rio totus exarsit, utpote cui longē, quā prius, for-
 mosior esse uisa est. Ignis enim tota nocte (quo tem-
 pore à puella absuit) enutritus, ipso puellae aspectu
 materiam flammæ suggerente, recanduit statim:
 parumq; absuit, quin procumbens illam amplexa-
 retur. sustinuit tamen se paulum, eiq; asidens alia
 ex alijs uerba, inania planē, inter seq; minime co-
 herentia effutire coepit (id quod amantibus usu ue-
 nire solet, si quando cum amica ijs sermonem habe-
 re contingit. neq; enim in loquendo mentem adhi-
 „ bent: sed animo in illam intento, ore tantum, ul-
 „ lo absq; rationis moderamine uerba inaniter fun-
 „ dunt) atq; inter loquendum brachio collo, tanquā
 osculaturus, iniecit. quod praeuidens Leucippe, uul-
 tum demisit, in sinuq; occuluit. Ille autem in com-
 plexu

plexu nihilominus perstans, puellæ ut suauandam se præberet, instare: puella contrà faciem magis magisq; obtegere, osculaq; pernegare. Verum cū luctæ huiusmodi temporis satis datum esset, amatoria cuiusdam rixæ cupiditate incensus Thersander, læuam manum mento subdidit, dextera capillos apprehendit, ac summa vi, ut eam altè spectare cogeret, trahere orsus est. Tandem cum siue affectus, siue non, seu etiam defessus, uim asserre desisset, Leucippe ad eum. Neq; ut liberum, inquit, neq; ut generosum uirum decet, facis: sed Sosthenem ipse quoq; imitaris, dignum planè domino seruum. quare desine iam, neq; te quicquam adepturū spera, nisi fortè in Clitophontem è Thersandro conuertaris. quæ cum ille audiuiisset, uix sibi ipsi constitit: ita amore atq; ira æstuabat. AMOR autem, atq; ira facies animi duæ sunt: suum enim ira ignem habet, amor quidem natura contrarium, potentia uerò persimilè. nā altera odio, alter beneuolentia prosequi cogit. Vicina etiam utriusq; eorum arduis sedes est: illa enim in iecore, hic in corde inhabitat. Hominem igitur ambo cum occupauerint, animus eius libra quædam fit: qua utriusq; ignis expenditur. atq; alter alterū impellere conatur. plerunq; autem amor superior euadit, cū scilicet quod concupierat, adipiscitur. Sin autem negligi se animaduertat, iram sibi auxilio aduocati:

„ cat: quæ utpote uicina, uocāti præstò adest, unaq;
 „ tum ambo ignem exuscitât. quòd si amorē ira se-
 „ mel pessundet, ac domo sua, ut natura infida est, e-
 „ iiciat; tantū abest ut ei tanq̃ amico ad assequenda
 „ optata opem ferat, ut etiā tanq̃ seruū uinculis co-
 „ erceat: neq; cum amato amplius in gratiā tametsi
 „ maximè uelit, redire patiatur. quo fit, ut ui huius-
 „ modi oppressus amor succubat, propriūq; ad impe-
 „ riū reuerti cupiens minime possit, sed amatū odisse
 „ compellatur. At uerò ubi satis superq; se ipsam i-
 „ ra excruciauērit, licentiæq; plena exundauerit,
 „ præ satietate tandem egrescit, egrescensq; remit-
 „ titur. Amor autem uires denuò sumit, desideriiq;
 „ in aciem producens, iram iam cedentem sede sua
 „ exturbat: dein animo reputans quàm contumelio
 „ se in amatum bacchatus fuerit, mœret, ac sese
 „ purgat, iterumque ad familiaritatem inuitat, i-
 „ ram uoluptate iam delinitam esse affirmans.
 „ Voti ergo compos amor mitescit, neglectus au-
 „ tem iræ se arbitrio totum permittit. quæ si fortè
 „ sopita fuerit, excitatur, atque, ut antea, sæuit.
 „ Amoris enim contemptum ira semper ulcisci-
 „ tur. Thersander igitur initio uoti quidem com-
 „ potem futurum se ratus, Leucippæ totum se de-
 „ diderat: uerū ubi spe frustrari se animaduē-
 „ rit, conceptarum animo uoluptatum oblitus, puel-
 „ la in maxilla percussit, Mancipium, inquiens,

improbum, atq; omni prorsus libidine elatum, omnia enim de te mihi comperta sunt. annon igitur boni consulis, me tecum loqui? annon magnam felicitatem arbitraris herum tuum suauari? quin etiā quod opere maximo expetis, dissimulas: uultumq; ad desperationem cōponis: sed ego te meretriciā uitā hactenus duxisse reor, quæ adulterū hucusq; secuta sis. At tu quando in amicū recipere me negas, dñm iam iamiā faxo ut experiare. Tū Leucippe, Si tyrannū, inquit, tibi agere cordi est, ut potero, serā, modò ne pudicitia eripias. Atq; ad Sosthenē conuersa testare, inquit, etiā tu quo animo cōtumelias feram: scis enim maiore à te cōtumelia me affectā fuisse. Tum uerò Sosthenes, ut qui manifestò in noxa iam teneretur, rubore perfusus, Hanc ô herre, inquit, loris eousque cedere oportet, dum tota rubeat, modis' que omnibus excruciare, ut heram posthac contemnere desinat. Sostheni tuo, inquit Leucippe, Thersander pare (perbellè enim consulit) ac tormenta, quæ lubet, parari iube. minime certè deerit, quo uestram crudelitatem expleatis, siue manus rota distrahere, siue loris cedere, siue flammis torrere, seu etiam ferro iugulare in animo sit. Nouum proculdubio certamen uobis edetur. aduersus enim supplicia omnia uel sola fœmina pugnabit, uictrixq; discedet. At etiam Clitophontem adulterum uocas, adulter ipse cum sis.

sed

sed heus tu, annō Dianā tuā uereris, uirginē in uirginis ciuitate uitare conatus? Quid tuæ nūc ò dea sagittæ cessant? Te uirginem? inquit Thersander: ô ridiculam audaciam, uirginem te, quæ cum piratis etiam de nocte fueris? quid? eunuchine, obsecro latrones tibi facti sunt? an prædonum receptaculū in philosophorum scholam euasit? aut ex ijs nemo qui oculos haberet, repertus est? Tum Leucippe, An post uim, inquit, mihi à Sosthene intentatā uirginem hæcenus me seruauerim, ex eo ipso sciscitare: qui reuera in me prædonem egit. Piratæ certè uobis modestiores fuerunt: nullus enim eorū tale in me quicquā ausus fuit. Cū uerò flagitia huiusmodi uos audeatis, cur nō uestram hanc latronum sedem meritò appellem, qui ea perpetrare ueriti non estis, à quibus illi abstinuerunt? sed nescis quantum mihi laudis tua ista impudentia sit allatura. Vt enim uel nunc me furenter interficias, non tamen deerunt unquam qui dicant, Leucippe inter pastores uersata, & post Chæræ raptum, & post Sosthenis uim uirgo inuenta est. Sed mediocria hæc. illud multo maximum, atq; omnibus antefèrendum erit præconium: Leucippe post piratarū omnium improbißimi Thersandri uim pudicitiam conseruauit: priusq; iugulari se passa est, quàm uiolari. age itaq; flagra, rotam, ignem, ferrum quamprimū expedi, sociumq; tibi consiliarium tuum

Sosthe-

Sosthenem adiunge. Ego & nuda & sola & foemina scuti loco non nisi libertatem habeo, quæ nec loris cædi, nec ferro secari, nec igne comburi potest. eam ego dimittam nunquã. ac si me in ignem ipsum conijcias, non erit tanta in eo uis, adimere illam ut mihi ualeat.

Liber septimus.



T Hersander igitur cum Leucippen in sententia tam obstinatè permanere uideret, animo fluctuare, ac distrahi cœpit. nam & mœrebat sua se spe frustratū cernens, & irascebatur negligi se ratus: & tanquam amore saucius, quid ageret, cogitabat. has inter animi fluctuationes nihil amplius cū Leucippe collocutus exiuit, ira quidem quasi ad currendum incitatus. de in uerò ad eiusmodi ambiguitates dijudicandas mentè colligens, tandè inito cū Sosthene cōsilio, eum, penes quē uinctorū potestas erat, adiut, meq; ueneno de medio ut tolleret, rogauit. quod cū impetrare nō potuisset, (timebat enim ille populi securitatē: qui alium ante se ueneficia huiusmodi exercentē morte mulctauerat) ab eo rursum petijt, ut adductū à se hominē eo in loco, ubi ipse uinctus erā, tanq̃ maleficū aliquē immitteret: de quo re: meas cognoscere se uelle simularet. cui postulationi assensus ille hominē admisit. porrò is à Ther

m san-

sandro q̄ diligentissimè instructus fuerat, ut aliquo modo de Leucippe mentionē faceret, eamq; Melites iussu è uiuis sublatā mentiretur. Quod iccirco à Thersandro excogitatū fuerat, ut quāuis crimen diluissem, nō tñ ad quærendā eam, quā obiisse intellexissem frustra me cōpararem. Ea uerò potissimū de causa cædis auctor Melite p̄ponebatur, ne Leucippe interfecta Melitē ipsam, tanq̄ quæ à me diligeretur, in uxorē ducere, ibiq; permanere, Thersandro timorē incutiens nō potiundæ tutò Leucippes: sed contrā potius eam, quæ reb. mihi omnib. chariorem puellā interim curasset, perosus, urbe omnino excedere. Ille igitur, simul ac propius me uenit, fabulā agere cœpit. Data enim opera, ualdeq; appositè ingemiscens, Quānā, inquit, uitā post hac uiuemus quæ nobis retinendæ securitatis uia deinceps erit, si iustè uiuere ad id satis nō est? imminētia nos euenta opprimunt. diuinasse me oportuit, quis esset, quidue cōmisisset ille, qui cū iter mihi facere contigit. hæc ille, huiusmodiq; alia multa secū solus loquebatur, sermonis initiū de industria mecū facere tētans, quo eū, quid sibi ea uellēt, interrogare. sed mea me magis urgebāt. itaq; cum lachrymarū uim effudisset, unus eorū qui uincti errant (infelices enim alienis etiā calamitates cognoscere satagunt, nimirū quia tristitiæ cōmunicatio nocentis animi quædā quasi alleuatio est) Quid tibi,

bi, inquit, mali perierit fortuna: in fontem enim te quoq; in aduersum fatū incidisse credibile est. cuius rei ex ijs quæ mihi euenerant facio coniecturā. ac tū quidē quā ob causā in custodiā datus fuerat, commemorauit, tametsi ego animū non aduertebā. Finē autē dicendi cū fecisset, Ag edū tu quoq; inquit, uices mihi recensens, his infortunijs tuis redde. Tū alter ille, Ex urbe, inquit, heri dū Smyrnā uersus iter cœpissē, nescio quis mihi obuiā factus, quō tenderem, rogauit: cui cum Smyrnā proficisci me respondissem, Atqui Smyrnam ego quoq; inquit ille (quod bene uertat) cogito. Vnā itaq; profecti sumus, uia laborem, uti uiatorum mos est, sermone leuantes: cumq; de uia in cauponam cibi gratia diuertissemus, ecce tibi uiri quatuor eōdem ingressi sunt, nobis quæ assidentes, ac prandere simulantes, crebrō ad nos respiciebant, alius identidem alij annuens. quam ob rem eos de nobis cogitare suspicatus sum tametsi quid sibi nutus illi uellent, percipere nequibam. Qui necum uenerat, haud ita multō post pallescere, deinde hæsitantius esse incœpit: postremō etiam tremore correptus est. Quod uidentes illi, confestim in nos impetum faciant, comprehenunt, loris uinciunt. Quinetiam eorum unus hominem in genā manu percussit: qui tanquam innumeris cruciatibus affectus, nemine adhuc interrogante,

m 2 ego,

ego, inquit, puellā interemi, acceptis à Thersandri uxore Melite nummis aureis centū: illa enim ad necē hanc patranda me cōduxit. ecce aut nummos ipsos: quos uobis omnes ad unū trado. uos, queso, perdere, ac uosmet lucro defraudare nolite. Tū ego Thersandri & Melites nomine audito, oratione illa quasi stimulo aliquo repente cōcitatus, animum erexi, ad eūq; cōuersus, Quenā, inquā, est Melite hæc? tū ille, foëminarū, inquit, urbis huius est princeps, et adolescētis cuiusdā (Tyriū illū esse aiunt) amore capta: qui cū puellā, quā ipse quoq; deperibat, casu quodā amisisset, ac tandē in ea ipsa Melites domo uenditā reperisset, mulier obtreclatione deuicta puellā eā circumuentā huic, quē malo meo fato mecū iter facientē dixi, necandā dedit. atq; ille quidē detestandū facinus admisit: ego uerò (me miserū) neq; uidēs, neq; dicti alicuius factiue cōscius unā cū eo, quasi sceleris particeps, comprehensus sum. Sed leue hoc: illud grauius multo est. nā nō ad modum lōgē à cāupona digressi illi nūmis acceptis cū missum fecerūt: me aut ad præfectū duxerūt. Posteaq; turbulentā hanc fabulā audiui, neq; uocē omnino ullā, neq; lachrymis aliquis emittere potui, (quippe et ori uox, et oculis humor defuit) sed membra mihi omnia cohorruerāt, corq; ipsum cōtabuerat, animæ aut nihil ferē mihi relictū fuerat. Paulo aut post, cū mihi diluta ebrietate uerborum illius,

ami-

animus rediisset. Quonā modo, inquā, mercenarius iste puellā sustulit? quē in locū cadauer abiecit? ille aut simulatq; mihi hūc stimulū iniecit, idq; quā ob rē aderat, effecit, obmutuit adeò, ut ne uerbum quidem ab eo amplius potuerit extorqueri, præter q̄ q, cū rursus interrogassem, Videris mihi, inquit, & tu cædis illius particeps fuisse. ac de interfectore quidem illud unū tantū audiui, puellā scilicet necatam: ubi autē, quoue modo, mihi aperire noluit. tum uerò mihi lachrymæ exciderūt, dolorēq; per oculos in apertū protulerunt. Vt enim in corpore ce flagris cæso nō continuò, sed parua interiecta mo ce ra, liuor apparet: aut ut in eo, q̄ apri dente ictus fu ce erit, non statim uulnus inuenitur, utpote quod al ce tius penetrauerit. sed breui tēpore pōst alba quæ ce dam linea uulneris index oritur, ac illud manante ce tum demū largiter sanguine conspicuum facit: sic ce in animo tristis alicuius nunciij cuspide sauciato, ce neq; uulnus hiat, neq; lachrymæ, quas uulnerati a ce nimi sanguinem esse credi par est, prosiliunt, nisi ce postea, quā mœroris dens cor aliquantisper de ce passus fuerit: tunc enim & animus discinditur, & ce lachrymæ facta per oculos uia uberrimè fluunt. id ce quod in me sanè ipse expertus sum. nam simulatq; animus meus sermone illius Leucippes necem nunciantis tanquam iaculo quodam percussus est, uocē amisit, & lachrymis aditum obstruxit, ut non nisi postquam ex inuuallo respirare à dolore cœpisset,

set, effluxerint. ac tū ego, Quis, inquā, demon tam breui me gaudio illexit? quis mihi Leucippen com mōstrauit, ut nouarū mihi calamitatū causa esset? Quid, quod ne oculos quidē meos, quib. unis erā felix, exaturare unquā uidendo potui: aut si uidēdi ociū fuit, ipse tñ exatiatus nunquā fui. mea q; uoluptas omnis in somnio similis effecta est ō me miserū, quoties obiisti mea Leucippe? nunquāne mihi à fletu cessandū erit? minimē, opinor ut enim uideo, alia alij mors in dies succedit. uerū alijs antehac mortib. fortuna mecum ludit, hæc aut ludus nequa q; est. Caterū quo nūc pacto Leucippe mihi erepta fuisse? antea quidē falsis illis ex mortib. aliquantū mihi solatij relictū fuit: primū enim cadauer tuū integrū, dein capite ablato sepulturæ dandū recepi: nūc uerò duplicē, animi scilicet atq; corporis mortē subisti. nā quid duo latronū receptacula effugisse p̄sui, si Melices iste receptus te mihi erepturus erat? quid, q; sceleratus & improbus ipse necis tuæ auctorē pluries osculatus sum, detestabili amplexu foui, Veneris fructum prius illi q; tibi, impartitus sum? Hæc dū mecū solus quereretur, Clinia se ad me cōtulit: quē tota de re certiorē feci, mihiq; omnino mori decretū esse affirmavi. Tū ille, Bono, inq̄t, animo esto, qui scit, an denuò reuiuiscat: nōne aliquoties iam mortua est, semperq; reuixit? quid temerē te enecas? id profecto tibi per ociū licebit, cū uerē illā obiisse cōpereris. Nugaris.

ris,inquā tum ego, nā qui tibi exploratius id esse
possit? Morti uerò quam optimam sanè uiam nactū
esse me arbitor: atq; eiusmodi quidem, ut nec dijs
inuisa Melite impune omnino abitura sit. Decre-
ueram (ut scis) siquidem ira sors ferret, obiectum
adulterij crimen in iudicio diluere, sed diuersam
penitus rationem inire mihi nunc in animo est, cul-
pam uidelicet agnoscere, meq; atq; Melitem, tan-
quam mutuo amore flagrantem, ad Leucippen è
medio tollendam mercede conductum hominem ad-
hibuisse, confiteri, sic illa meritas pœnas dederit,
ego inuisam uitam reliquero. Dij nēliora, inquit
tum Clinia, an tu igitur tam turpem ob causam pa-
tratam scilicet, ac tuæ præsertim Leucippes ne-
cem mori audebis? tum ego: NI HIL, inquam, tur-
pe est, quod inimico detrimentum afferat: & nos
in hoc sumus. Cæterum haud ita multo post homi-
nem illum falsæ cædis nuncium è uinculis quidam
exemit Archontē iussisse inquiens, ipsum adduci, ut
eorum quæ ei obijciebantur rationē redderet. In-
terea me Clinia, Satyrusq; consolabantur, suade-
bantq; ut ne quicquam in iudicio, sicuti decreue-
ram, fateor: sed frustra. Porro illi eo ipso, quo hæc
acta sunt die, domunculam conduxerant, in eamq;
ne apud Melites, quem dixi collactaneum, de-
prehenderentur, migrauerant. Postridie ad fo-
rum ductus sum: ibi' que magno contra me op-
paratu affuit Thersander, aduocatos' que non
m 4 sanè

Sanè pauciores, quàm decem, adduxerat. neq; uerò pro sui defensione Melite minus sollicita erat. Posteaquam igitur illi sermoni suo finem imposuerūt, petentiq; mihi dicendi potestas facta est. Hi quidē omnes, inquā ego, qui & pro Thersandro, & pro Melite causam dixerunt, non nisi meras nugas in in mediū protulerunt: à me uerò uos rem omnem ut se habet, fideliter et diligenter exponi audietis. Erat mihi o lim amica genere Byzantia, Leucippe nomine: quā decessisse ratus (in Aegypto enim rapta mihi à piratis fuit) in Melitē incidi: qua cū inita consuetudine huc unā profectus sum, Leucippenq; Sostheni cuidam agrorum Thersandri procuratori seruiētem comperi. Sed quo modo liberā mulierem Sosthenes in seruitutem receperit, quæ ue illi cum piratis necessitudo intercedat, considerandum uobis relinquo. Melite posteaquam priorem amicam reperisse me cognouit, uerita ne ad illam rursus animum applicarem, eius perdendæ cōsiliū inuit, quod mihi quoq; cōprobatum est: quid enim uerum negare oportet? Cumq; me hæc rerum omnium suarum dominum constituere pollicita esset, hominem ad illam necandam conduxit, nummos aureos centum pollicens. atq; ita quidem sicarius re confecta solum uertit, nec ex eo tempore usquam gentium amplius est conspectus. me uerò amor statim ultus est: nā puellæ cæde cognita, maleficij cōscientia stimulatus ex illo flere nūq; desij,

desij, sed eius desiderio æstuans peremptam nunc quoq; amo: neq; aliam ullam ob causam memet spõte accuso, quàm ut meam ad amicam me mittatis, quandoquidem in præsentia & parricida, & eius, quam perdidì, amore flagrans, uiuere amplius nõ sustineo. hæc cum à me diceremur, inexpectato rei exitu omnes, in primisq; Melite, obstupuerunt. Qui Thersandro aduocati erant, summa cum uoluptate acclamauerunt: Melites aut patroni cuiusmodi essent q̃ dixerã, ex ea ipsa querebãt. At illa uehementer pturbata, alia quidẽ scire se negauit, alia uero de industria subobscurè admodũ cõfessa est. quãquam quæ de Leucippe narrauerã, omnia morte excepta uerè à me dicta fuisse affirmauit. quam ob rem cum orationi meæ pleraq; cõuenirèt, cisiipsis Melite in suspitionẽ uenit, ut quibus ad eam defendendam uerbis uterentur, incerti essent. At Clinia, cum magnus in foro clamor exortus fuisset, in medium pgressus, Potestatẽ mihi quoq;, inquit, pauca quædã dicẽdi facite. caputis enim iudiciũ cõstitutũ est. quod cũ impetrasset, collachrymãs, Viri, inqt, Ephesij moriẽdi cupidũ adolescentẽ morti temerè dãnare nolite. q̃ una est infelicib. uiris malorũ alleuatio. improborũ enim hominũ crimẽ in se transfuit, ut pœnã sustinẽs infelicitatis suæ perfugiũ aliquod habere posset. cuiusmodi aut illius infelicitas fuerit, quàm breuissimè potero, paucis exponã. Amicam adolescens is, uti dixit, habuit. neq; enim id

nec quæ de piratis, ac Sosthene recensuit, mentitus est. Nā quæcūq; sibi ante illius cædē euenisse narravit, reuera, sicuti ab eo audiuiſtis, gesta fuere. Hæc è mortaliū conspectu dudum, atq; improviso quidem, subtracta est. Quo uerò id pacto factū fuerit, aut interfecta ne sit, an rapta uiuat adhuc, mihi nondum satis liquet: illud unum didici, à Sosthene piratarū familiari amatā illā, multisq; modis, quibus tamē nihil profecit, excruciatam. Is igitur puellam decessisse ratus, uiuere amplius uelle negat: seq; iccirco cædis reum ememitur. sibi autem in animo esse è uita migrare, ipsemet fassus est: ac potissimum ob moerorem ex mulieris amissione conceptum. Vos uerò etiam atque etiam cogitate, num uerisimile uobis uideatur eum, qui uerè alium interfecerit, unā cum eo ipso, quem interemit, mori uelle? aut num aliquis reperiatur tam familiariter inimicitias exercens, ut necati à se uiri misericordia motus, è uita descendere aueat? quòdnam odium, quaeso, tam facile deponatur? Ne per Deos, ne credite: nèue hominem misericordia potius, quàm supplicio dignum, perdit. Quod si, uti dixit, cædis auctor ipse fuit, agite dum mercenarium istum homicidam in medium proferat, occisæ puellæ cadauer indicet. Sin uerò neque interfectorem nominat, neque interemptum commonstrat, quid est, quam ob rem cædem hanc quisspiam appellet? Amabam, inquit, Meliten,

Meliten, iccirco Leucippen sustuli. At cur eius, quam tantopere amat, nomen desert? cur Leucippes, quam morte affici mandauit, causa mori cupit? quid? an putatis aliquem ita sibi ipsi parum constantem, ut quod amat, oderit: & contra quod oderit, amet? Annon potius credendum est amantem hominem, tametsi conuictum, crimen tamen, ut amicam seruet, pernegaturum, ne illius amisse dolore discruciat, ipse quoque frustra uitam amittat? sed & cōsiderandum illud est quam ob causam Melitem accusauerit, si nihil ab ea tale patratum fuit. Ego uero iterum atq; iterum à uobis peto, obsecroq; ut ne me huiusmodi oratione uiti existimetis, quò mulierem hanc in inuidiam rapiam, sed qui rem ipsam ordine recenseam. Melite adolescentis huiusce amore flagrabat: de nuptijsq; antequam marinus iste uir reuixisset, habitus fuerat sermo. Hic uerò non modò impotenti mulieris amori non respondebat, sed etiam à nuptijs quàm longissimè abhorrebat. Quin etiā amica, quā luce priuatam, uti dixit, credebat, uiua apud Sosthenē reperta, multo magis etiam Melitē auersatus est. Quæ cū puellā apud Sosthenē inuentā huius amicā esse nondū sciret, illius uicē miserata è uinculis, quibus à Sosthene constricta fuerat solui iussit, hospitio accepit, ac tanquam liberam in calamitate alioqui constitutam in honore habuit: demum re
cogni-

cognita rus misit, ut in agrorū curā incūberet: post
 quæ nullo amplius in loco uisam fuisse, aiunt. Me
 aut uera loqui, & Melite ipsa, & ancillæ duæ qui
 bus cum illa rus missa fuit, testabūtur. Sed illud ho-
 minē in suspicionē adduxit: ueritus enim est, ne ob
 tractationis furore deuicta mulier, Leucippen de
 medio tolli iusserit. Deinde aliud quiddam sibi, dū
 in carcere esset, eueniens suspicionē adauxit: homi-
 nēq; & cōtra semetipsum, & contra Melitē irri-
 tauit: quidā enim ex ijs qui in custodiā dati fuerāt,
 suam per sese uicem dolēs, narrauit se inter eundū
 in sicariū nescio quē incidisse, qui precio accepto
 puellā necasse fassus est, & quæ eadē mādauerat,
 Melitē, quæ necata fuerat, Leucippen nominari di-
 xit. quod postremū an ita se habeat, equidē nondū
 habeo compertum: sed illud uos inquirere par est.
 Nam nō admodū difficile factu erit, cū præsertim
 eum habeatis, qui de mercenario interfectore men-
 tionem in carcere fecit: quem ea de re interrogan-
 dum censeo. adsit præterea Sosthenes, adsint an-
 cillæ, quorū ex altero quæri ius est, unde sibi Leu-
 cippe in seruitutē data sit, ex alteris quō ē morta-
 lium cōspectu sit erepta. Prius uerò, q̄ harū rerum
 omnium inuestigatio à uobis facta sit, neq; ius, neq;
 fas est, lucis huius usurā misero adolescētī eripere,
 insanis eius dictis fidē adhibētes: mœror enim ho-
 minē ad insaniam compulit. Melite ancillas ptulit,

ac Sosthenē, q̄ fortē Leucippē interfecerat, à Thersandro produci petijt: eā enim conditionē qui Melites causam agebāt, tulerant. Veritus aut̄ Thersander, ne res in apertū proferretur, quendā ē suis rus ad Sosthenē ire clām imperavit, iussū ut quāpri-
mum aliquò profugeret antē, q̄ qui ad eū compre-
hendendum mittendi erant, illō se contulissent. Ille
uiam equo ingressus q̄ ocyssimē periculū nunciat,
quæstionemq; de eo, si se cōprehendi sinat, habitū
iri affirmat. Erat tum fortē Sosthenes apud Leucip-
pen, ut exulceratū eius animum deliniret. multo i-
taq; cum clamore ac strepitu uocatus exiuit: req;
cognita pauoris, plenus, atq; apparitores adesse
iam putans, equo accepto Smyrnam statim conten-
dit. nuncius ad Thersandrū reuertitur. Verissimum
autem, ut mihi quidem uidetur, illud est, P A V O -
R. E memoriam obrui solere: nam dum sibi Sosthe-
nes metuit, eorum omnium quæ præ manib. habe-
bat, repentē oblitus est, ut ne domunculæ quidem,
in qua Leucippe custodiebatur, fores occluserit: nō
mirū quia seruorum genus, ubi periculi aliquid im-
mineat, q̄ timidissimū est. Interea Thersander pri-
mam à Melites patronis cōditionem silentio inuol-
uens, Abundē quidē, inquit, isde, quicunq; tandem
sit, nugatus est: ego uerò stupiditatē uestram nō po-
tui nō mirari: qui cum sicariū in manifestū scelere
deprehensum tenetis, tametsi maius est seipsum

ACCH-

accusare, quàm deprehendi, non tandè lictori eum tradatis: sed præstigiatori huic æquè ad comminiscendum atq; ad lugendū facto aures sedendo præbeatis: quem utpote cædis participē sibiipsi quoq; timere arbitror. quare autem quæstionib. opus sit in re præsertim tam aperta, non uideo. Sed & illud ut credam, adducor, aliam eum etiam cædem patrasse. Nam Sosthenes is, quem tantopere efflagitant, iam triduum apud me nusquam conspicitur. Neque admodum à uero abhorret, eorum consilio negotium confectum esse, propterea quòd uxoris probrum ab eo mihi renunciatum fuerat. Vnde mihi etiam uerisimilius sit, eos illum neci tradidisse, scientesq; non habere me, qui hominem producam, conditionem istam de eo perastutè tulisse. Viueret uerò utinam Sosthenes, mihiq; illum dare liceret. Sed hominem adesse fingamus. quidnam, obsecro, aliud ex eo suscitari oporteret, quàm puellam'ne emerit, & illam'ne Melite ab ipso uindicauerit? esto sanè, emerit ille, Melite autem uindicauerit, per me enim id fateatur, licet. nunquid aliud, si ille adesset, rogari deberet? minimè hercule. ijs igitur confessis, absolutus quidem iam Sosthenes est. Verum hinc nunc iam ad Melitem, Clitophontemq; mea conuertatur oratio. Nam quid de mea mihi à uobis subtracta ancilla factum est? uerè enim mea erat ancilla. Id autem

non

non aliam ob causam callidus Thersander dictabat, quàm ut Leucippen, si fortè uiua iterum reperiretur, in seruitutem redigeret. Addebat præterea etiam illud, Clitophon quidem puellam se interemisse fassus est, ac cædis reum se fecit: Melite uerò negat. Sed eam ancillarum indicia redarguunt. Nam si eas Leucippen à Melite accepisse, nec dum postea reddidisse, constiterit, quid de illa factum credamus? quid, inquit, rogas? omnino emissa est. Verum, inquam, ad quem? neminem certè proferunt: tacent. An non igitur manifestum est, unum aliquem qui ei mortē afferret, ab ipsis conductum? id quod clam ancillis factū fuisse credi par est, ut ne uulgatum inter plures testes facinus maiore cum eorum periculo facilius innotesceret. Nam eam quoq; reliquerunt ubi latronū multitudo delitescibat: ut uerisimile sit, qd isti molirentur, eas minimè uidisse. Atqui de quodam etiam in custodiā dato, & à quo cædis huiusce mentio facta fuerit, nescio qd cōmentus est. Sed quis nā hic est, qui præfecto quidem uerbū nullum, isti uerò cædis arcana omnia, nisi si eum de quo audiuerat, cognouisse negauit, palàm fecit? nū quādo tam uanis nugis aures præbere negotiumq; huiusmodi ludicram rem putare desinetis? quid uos? cēsētis? ne hunc absq; diuino nutu seipsum accusare? Hic cum dicendi Thersander finē fecisset, ac de Sosthene qd

actum

actū fuisse, nescire se iureiurando etiā affirmasset,
iudicium principi uisum est (erat is regij generis,
penes quē capitaliū causarum dijudicandarū pote-
stas erat, tametsi è seniorib. uti legib. cauebatur,
cōsiliarios haberet, quos qd sibi faciendū putarēt,
cōsulebat) uisum est, inquā, cōmunicato cum colle-
gis negotio, morte me secundū legē mulctare: qua
cau. ū aiebat, ut qui se ipse cædis accusaret, morti
addiceretur. de Melite uerò iudiciū aliud, habita-
de ancillis quæstione, fieri: Thersandrumq; scripto
iusiurandū mandare debere, se omnino quid de So-
sthene actum est, ignorare: ex me aut, uti iam pera-
cto, per tormenta quæri oportere, an Melite cædis
conscia extitisset, decretū fuit. Iamq; detractis in-
dumētis, in sublime raptus pēdebam, alijs lora, nō
nullis ignem atq; rotam afferentib. Cliniaq; inte-
rim collachrymante, cum repentiā Dianæ sacerdos
laureatus ad forum aduentare uisus est. id uerò si-
gnum est uenientium ad sacra Deæ facienda pere-
grinorū. Quæ res cum accidit, abstinere à suppli-
cio tātis per oportet, dum rei diuinæ finis impositus
sit: itaq; tunc solutus sum. Porro sacrorum auctor
erat Leucippes pater Sostratus. Nam cum By-
zantijs ex bello, quod aduersum Thracas gesserāt,
uictoriam apparente coram Diana reportassent:
æquum censuerunt, ei deæ sacrificium facere, pro
auxilio præbita gratiam tanq̃ referētes. Priuatim
uerò

uerò Sostrato etiam ipsi noctu dea in somnis apparuerat, filiamq; ac nepotē Ephesi eum reperturū prädixerat. Per idem tempus Leucippe domunculæ fores patenteis noctu, ueritaq; ne Sosthenes, quē exiuisse uiderat, ante ianuam fortē adhuc constitisset, posteaquā eum nusquā conspexit, firmiore animo esse coepit. cum enim sæpe antea, & ex insperato quidem maximis ex periculis ereptā se fuisse in memoria haberet, tum quoq; spem concepit, ac fortunæ beneficio uti decreuit. nam cum Dianæ ab agris illis templū nō lōgè abesset, domo egressa in illud se recepit. Delubrū uerò istud liberis mulieribus quondam inaccessum erat: uiris autem & uirginibus patebat: cū capitale alioqui haberetur, mulieres ingredi, præterquā seruas in ius ab hero uocatas: ijs enim ad deam confugere licebat. ac tum quidem Archontes inter ancillam, herumq; sententiam ferebant. Si enim seruā iniuria dominus nō affecisset, eam rursus in seruitutē recipiebat, fugæq; illius memoriā se non amplius habiturū iureiurādo affirmabat: sin aut ancillam iustē queri compertū fuisset, tunc ea deæ ministerijs addicta illic remanebat. Sostrato igitur sacerdotē, qui quæstionē differri iuberet, ad forum ducente, Leucippe templū ingressa est: parumq; absuit, quin patri obuiā fieret. Me uerò simul ac dimissa cōcione solutus sum, ingens multitudo circūsepsit: atq; alij quidē uicem

meā dolebāt, nōnulli deos inuocabāt, quidā me in-
terrogabāt: inter quos astās ipse quoq; Sostratus,
ut uidit, me p̄tinus agnouit. Nā ut initio dictū est,
Tyri etiā ipse quondā erat, cum Herculis festus dies
ageretur: illicq; diu admodū ante fugā nostrā com-
moratus est: quapropter facilē homini fuit me co-
gnouisse, præsertim cū in somnis quoq; se nos rep-
turū admonitus fuisset. Itaq; p̄pius me accedēs, hic
me hercule, inq̄t, Clitophō est, Leucippe uerō ubi
nam? Tū ego illo agnito, uultū humi defixi. qui ade-
rant, quæcūq; cōtra me ipsum perorauerā, recēsue-
runt. at ille perq̄ grauit̄ ingemiscēs, caputq; per-
cutiens, in oculos mihi inuolauit, ac propemodū ef-
fodit. nec enim resistere homini audebā, quin immo
faciē iniuriæ præbebat. Sed eius impetū p̄gressus
in mediū Clinia cōpreßit, illūq; redarguēs, Quid
inquit, agis? cur tam temerē in eum sæuis, qui ma-
iore q̄ tu amore Leucippen prosequitur? qui leto
sponte se obiecit, propterea quòd eam diem obijße
crediderat? atq; alia præterea multa, quo furorem
illius placaret, addidit. ille autem Dianam identi-
dem inuocans, ita ferē conquerebatur: An tu hac
de causa me huc dea uenire uoluisti? sunt ne hæc mi-
hi à te in somnis prædicta? Ego quidem certē som-
nijs fidē tuis habui, filiamq; me apud te reperturū
credidi: ac sanē peregregiū munus accepi, eius sci-
licet interfectore. Tū Clinia somnij mētionē audi-

ta, mi-

ta, mirū in modū gauisus, Bono, inq̃t, animo pater
esto, mēdax dea nō erit. Salua utiq; tibi eſt (uaticinijs
meis crede) Leucippe, nōne uides ut hūc etiā
ē tortorū manib. eripuerit? interea ædituorū unus
cōcitato admodū gressu ad sacerdotē ueniēs, puel
lā quandā peregrinā ad Dianā cōfugiſſe cūctis au
dientib. nūciauit. Quare cognita ego sp̃e cōcepi,
oculos sustuli, ac penē reuiuiscere uiſus sum. Clinia
uerò ad Sostratū cōuerſus, Vera, inquit, pater uati
cinia mea sunt: atq; an formosa illa eſſet, ædituum
rogauit. cui ædituus, Non aliā, inquit, Diana exce
pta, formosior ē uidi. Tū ego lætitia exultans, Leu
cippē ne, inquā, dicis? maximē, ait ille: hoc enim no
mine se uocari, patriamq; sibi eſſe Byzantiū, patrē
uerò Sostratū dixit. Clinia igitur lætabūdus plau
sum edere cœpit, cū Sostratus interim præ gaudio
exanimatus cōcidisset. Ego saltu me ad sidera eūin
culis dedi, mox ad templū tanq̃ tormēto aliquo im
pulsus cōuolau. Custodes fugā me arripuiſſe putan
tes inſequebātur: ac obuios quoſq; ad me cōprehen
dendū clamore aduocabāt. Sed pedib. meis alas ad
ditas fuiſſe dixiſſes. tandē infaniētis more currentē
me nescio qui apprehenderūt, nec manus à me cōti
nuerunt. uerū ego audētior iā factus cōtrā nitī:
illi me ad carcerem ducere pergebāt. interea sacer
dos, & Clinia præſtō fuerunt: Cliniāque prior,
Quò hominem, inquit, ducitis? hic certē cædem, cu

ius damnatus est, nunquā fecit. Sostratus quoq; eadem serē singillatim repetebat, eiusq; quam peremptam putabant, patrem se esse affirmabat. qui aderant, cognitare, Dianæ numen laudibus extollabant: meq; circūstantes ad carcerē duci uetabant: custodes aut cum sibi hominis iam peracti dimittendi ius nō esse causarentur, sacerdos Sostrato orante maxime, sistendi, cum opus esset, mei uas est factus. Itaq; uinculis solutus ad Dianæ q̄ ocysimē cōtendi, mea q; uestigia Sostratus persecutus est, sed nescio an pari mecū leticia. Verissimū aut illud esse
 ” tum cognoui, nullū reperiri tā celerē cursorē, quē
 ” fama nō anteuertat. ea enim uehemēter pperantes festinātesq; nos antegressa, Leucippē cū de alijs omnib. tū de Sostrati aduētū certiorē fecerat. itaq; cum primū nos uidit, è fano exiens patrem quidem complexa est, oculos uerò in me cōuertit: qui licet ob Sostrati præsentiā uerecundans, me, quo minus ad illam amplectendā excurrerē, continerē, non tamen ab eius uultu oculos desigere usquam ualebā. ita mutuis nos obtutibus inter nos salutabamus.

Liber octauus.



Thersander, dum nos iam sessuri, atq; ijs ipsis de rebus inter nos collocuturi essemus, cōcitato admodū gressu, adductisq; secū testibus aliquot, fanū ingressus est: et

noce q̄ maximè cōtenta ad sacerdotem cōuersus, il-
lud, inquit, his audientib. tibi denūcio, iniquè à te fa-
ctum esse, q̄ hominē legib. capite dānatū è uinculis
exemeris. atqui ancillā etiā meam, impudicā illam
qdē, et in appetēdis uiris ad insaniā usq; effusā, do-
mituæ abscondisti: quā quo iure à me liberali causa
manu asserturus sis, peruelim scire. Tū ego & ser-
uam & impudicā Leucippē uocari audiēs, animo
uehemētissimè commotus, orationemq; tam cōtume-
liosam non ferens, ipso nondū tacente, Tu quidē, in-
quā, triseruus es, & insanus, & impudicus: Leucip-
pe libera est, & uirgo et dea digna. quib. ille audi-
tis, Tu igiū, uinctus, inquit, et dānatus cōuiciari au-
des? & quanta maxima ui potuit, os mihi semel at-
que iterum ita contudit, ut sanguinis quasi riui qui-
dam è narib. manarint. cū uerò etiā tertio me per-
cussisset, dexterā labris imprudēter impactā demi-
bus illisit: ac uulneratis digitis ingemiscēs manū ili-
co retraxit: ita dētes sauciata dextera nariū iniu-
riā ulti sunt: et q̄ uulnera manus intulerat accepit.
Atq; ille qdē præ uulneris dolore effœminatè ad-
modū lugēs, manu ad se reuocata, deinceps uim in-
ferre destitit: ego uerò digitorū uulnus animaduer-
tisse dissimulās, uimq; mihi illatā conquerēs, tem-
plū clamore cōpleui. Quonā tandē crassatorū uio-
lentiā fugiemus? quos post Dianæ numē deos adibi-
mus? ipsis in tēplis uapulamus: ame religiosissimas

deorum aras plagæ nobis imponuntur. Atqui deserti tantum in locis, ubi nulli adsint testes, facinora huiusmodi committi solent: tu uero coram diis ipsis regiam potestatem exerces: cumque augustæ deorum ædes fontibus præsidio esse consueverint, ipse innotescens ac supplex (me miserum) ante aras, ipsa uidente dea uulnus accepi. Iam uero quis percussiones istas Dianæ illatus fuisse neget? quamquam non ijs quidem contuma fuit huius ebrietas: sed etiam uulnera, qualia in bello atque pugna inferuntur, intulit, humanoque pauimentum sanguine fœdauit. At uero quis Ephesiæ unquam Dianæ hoc pacto sacrificauit? Barbarorum ac Taurorum huiusmodi quidem certe institutum est. apud Scythas Dianæ templum est: apud quos solos deæ huius altaria humano cruore conspergi receptum est. Tu autem Ionia ut Scythia esset, Ephesique idem quod in Taurica insula cruor manaret, effecisti. quin igitur gladium etiam in me stringis? quamquam quod ferro opus est, cum gladii munere manus fungatur: cruenta enim et cædibus assueta dextera tua id nunc patrauit, quod in occisionibus fieri consuevit. Hæc dum ego lamentarer, ab ijs qui in templo erant, concursus ad me factus est: ac nonnulli ex ijs hominem increpare coeperunt: quoniam etiam sacerdos ipse, Nunc te, inquit, tam aperte hæc in templo præsertim, facere pudet? quam ob causam ego iam confirmato animo, hoc eadem, inquam, pacto uiri Ephesij acceptus sum homo liber, et non obscuræ urbis ciuis: ab isto enim

enim uitæ summū in discriminē adductus perieram
planè, nisi patefactis tandē facinorosi hominis ca-
lūnijs me præsentī suo numine atq; auxilio de ma-
nibus eius Diana eripuisset. nūc mihi ē tēplo exire,
faciēq; abluerē opus est: neq; enim id ego hic unquā
facere ausim, ne uidelicet sacri latices cruore p cō-
tumeliā effuso polluantur. interea Thersander, cum
uix ē delubro nōnulli eum ptruderent, huiusmodi
quiddā inter abeundū solus secū locutus est: Tu quī
dem, quod ad causam tuā attinet, iā dānatus es: nec
multo pōst de te suppliciū sumetur. de scorto autē
istō uirginitatē emētiente fistula iudiciū faciet. Po-
stea q̄ ille abiit, egressus ipse faciē abluī: cūq; accū-
bendi iam tēpus esset, à sacerdote peramāter acce-
pti sumus. Ego uerò corū q̄ in Sostratū admiserā,
cōscius oculos in illū palām cōijcere nō audebā: qd̄
et ipse præsentīes me cōtueri pariter uerecūdaba-
tur: Leucippe quoq; nihil aliud, q̄ terrā intuebat:
ita ut conuiuium prorsus iniucundū esset. Tandem
procedente potu, Bacchoq; pudorem sensim amo-
uente, is enim libertatis auctor est, primus ad So-
stratū conuersus sacerdos, Quin tu igitur, inquit,
ō hostes rerum uestrarum, cuiusmodi tandem eæ
sint, seriem narras? mihi sanè non insuaues quas-
dam ambages continere in se uidetur: præterea ui-
no sermones huiusmodi maximè cōueniunt. Tum
Sostratus loquendi occasione illinc sumpta, Quod
quidem, inquit, ad me attinet, leue admodum est:

Sostrato mihi est nomē, patria Byzantiū, atq; ado-
 lescētis quidē istius patruus, puellæ aut pater sum.
 Cætera, utut sunt, tu Clitophon metu omni prorsus
 abiecto effare. nam si quid mihi acerbi euenit, non
 tibi, sed fortunæ tribuendum est. ad hæc, præterito
 rum malorum commemoratio tantum abest ut qui
 euasit, mœrore afficiat, ut etiam uehementer oble-
 ctet. Tum ego quæ mihi postea, quàm Tyro pro-
 fugi, euenerunt, singula ordinatim recensui, nauig-
 ationem scilicet, naufragium, Aegyptum, pasto-
 res, Leucippes raptum, fictum apud aram uterū,
 Menelai calliditatem, amorem ductoris militum,
 Chæræ medicinam, piratarum rapinam, uulnus fe-
 moris, cuius tum quoq; cicatricē ostendi. Vbi uerò
 ad Meliten uentum est, quæcunq; mihi agere con-
 tigit, quanta maxima potui modestia, mendacioq;
 nullo penitus intermisto, narraui. ac primū qui-
 dem Melites amorem, continentiam meam, deinde
 quamdiu me illa orauerit, quamdiu illam ipse lacta-
 uerim, tum quæcunq; locuta, quæcunq; conquesta
 est omnia, præterea quæ in naui, dum Alexandria
 Ephesum pficisceremur, acta sunt, nempe ut simul
 ambo cubueramus, à meq; illa, tanq; à muliere mu-
 lier, surrexerat: postremò meam omnē erga illam
 obseruantia, coenā item, falsamq; mei accusationē,
 & cætera omnia ad Sostrati usq; aduentū perspi-
 cūē ac diligēter, unico tantū facto meo prætermis-
 so, exc-

executus sum. atq; hæc quidem, inquã, de me quæ
acerem, habui. Leucippes autem facta meis mul-
tò maiora sunt: seruiunt enim, terram fodit, capitis
decus, id quod tonsura ipsa declarat, amisit. Vnum
quodq; deinde, sicuti actum fuerat, ita uerbis extu-
li, ut cum de Sosthene, Thersandroq; facienda es-
set mentio, accuratius lōgē, quàm de me, omnia re-
censuerim: illud etiam alioqui spectans, ut puellæ
ipsi, patre præsertim audiente, rem gratam face-
rem. Aerumnas enim contumeliarq; omneis, inquã,
una duntaxat excepta, perpeffa est: intactaq; uti
Byzantia discesserat, in hanc usq; diem perman-
sit. neq; uerò istud laudi mihi dari uelim: qui fuga
arrepta nihil corū, ob quæ fugiebam, molitus sum:
sed ipsi potius, quæ inter piratas etiam integram
se castamq; seruauit, & piratarum omnium maxi-
mi Thersandri scilicet inuerecundi, atq; audacis
uiolentiæ restitit. Nos uerò, & consultò quidem,
nauigationem suscepimus pater. uerum ad id amo-
ris nimia ui compulsi fuimus, ut meritò illa mutuò
amantium fuga dici possit. quinnimo fratres ambo
unà in itinere facti sumus: uirginitatēq; ipse meā,
si qua uiris uirginitas inest, impollutam adhuc,
quemadmodum Leucippe, seruo, quandoquidem i-
psam quoq; Dianæ cultui iampridem addictam es-
se perdidiceram. At tu ô hera Venus ne nobis tan-
quam neglecta succenscas. absente patre nuptias
n 9 facere

facere nolimus. ille nunc hic adest: quare adsis tu quoque nobis iam taudē propitia. Quæ cum illi adiuissent, sacerdos quidem præ admiratione obstupescit. Sostratus uerò tandiu lachrymas profudit, quandiu de Leucippes incommodis actum fuit. Postquam dicendi à me finis est factus, Cæsus equidem, inquam ego, nostros recensui omnes: nunc unum ipse quoque, ô sacerdos, audire peruehim: nempe quid illud sit, quod postremò abiens Thersander Leucippæ interminatus est, fistulæ mentione facta. Tum ille, Rectè sanè, inquit, rogas: æquum enim est ut qui rem hanc, uti se habet, scimus, uos edoceamus. Cumq; parem illi me gratiam relaturum esse promissem, Vides ne igitur, inquit ille, nemus post templum: in eo spelunca est mulieribus quidem inaccessa, uirginibus autem nequaquam. paulo intra eius ostium fistula suspensa est. quod instrumenti genus si apud uos Byzantios in usu est, tam quid dicam, intelligitis: sin autem è uobis aliquis est in hisce musicis minus uersatus, ei ego quale id sit, Panisq; omnem etiam fabulam, quatenus ad id pertinet, enarrabo. Fistula pluribus è tibijs compacta est: quæ singulæ singulis ex harundinibus constant. Atq; harundines ipsæ omnes perinde ac tibia una sonū edunt: inter seq; ita collocatæ sunt, ut altera alteri ordinatim adhereat. facies anterior posteriori similis habetur, quoniā aut harundinū aliam alia excedit, illud

scire

scire oportet altero ex capite quanto primā secun-
da superat, tanto secundam à tertia superari, cete-
rasq; deinceps porportionem eandem sequi. ex al-
tero uerò capite æquales illas inter se omnes esse:
quæ omniū media est, ea longiore dimidio minor
est. eo aut ordine dispositæ harundines fuerunt, ut
æqualis effici concensus posset. nam cum acutissi-
mus sonus in sublimē admodū feratur, grauißimus
autē contrā deprimatur, amboq; extremas harun-
dines, alter alterā scilicet, sortiti sim, inieriacēteis
alias, quæ uocū interualla moderarentur, constitui
necesse fuit illæ enim sonos impares, sed tñ pro ra-
ta portione distinctos nactæ, acutaq; cū grauib. tē-
perātes, in causa sūt ut extremae inter se cōgruāt,
sic ut æqualis demū cōcensus efficiatur. Porro fistu-
la hæc si ori eā qs admoueat, eadē prorsus q̄ Palla-
dis tibia, refert: uerū hic digiti modos temperant, il-
lic os manum imitatur: hic tibi cē foramina omnia,
uno dūtaxat excepto, per qđ spiritus exeat, obtu-
rat. illic fistulicē harundines alias omnes liberaas
dimittens, uni tantum, quam quidem sonum edere
uelit, os admouet: qua deinde omīssa, ad aliam atq;
aliā pro ut ad suauiorē cantū edendū fieri par est,
transilit. eoq; pacto circū arūdines labra illis idē
tidem feruntur. ac fuit quidem tempus, cum fistula
hæc neq; tibia, neq; harundo erat, sed uirgo suprā
quā quis iudicare possit, formosa: quæ cum sui
amore

amore captum Panem deum fugeret, densissimam in syluam sese recepit. Pan uerò uestigijs consecutus, puellæ manum tandem iniecit: cumq; capillis comprehensam illam tenere se arbitraretur, harundinum pro coma frondeis apprehendisse comperit, quas absorptæ terræ discessu puellæ loco enatas diuit. Has igitur, utpote quæ amicam sibi suam eripuissent, iræ impotentia deuictus, succedit. Verùm puella, quam sub arundinibus latere putabat, minimè inuenta, facti conscientia commotus, quòd amicam leto se dedisse crederet, ingemuit, dissectasq; harundines, tanquam uirginis membra essent, colligens, atq; in unum cõponens manibus continere, ac dissuauiri perrexit. ita dū amatorie lamentatur, ipsisq; arundinum sectionibus, quasi puellæ uulnerib. suspirans oscula infert, spiritus calamos intrauit, perq; angustias eorum means sonū edidit: atq; hoc pacto fistula uocem nata est: quam deinceps à Pane in spelunca illa collocatam, conclusamq; fuisse, Deum autem ipsum illo frequenter uenire, ac de more canere solitū, cõstans fama est. Per tempora uerò posteriora gratiam à Diana se inituros arbitrati regionis huiusce incolæ fistulam ei consecrauerunt, pactione facta, non nisi uirgines ad eam descendere se passuros. Quam ob rem cum in uiolati pudoris suspicionem uirgo aliqua uenit, eam populus ad speluncæ

lunca usq; fores comitatur, ut fistula iudicium subeat. quod quidem huiusmodi est. nam quæ stupri suspecta est, stolam ad id ritè comparatam induta in antrum descendit, cuius postes ab uno aliquo statim obserantur: ac tum quidem, si ea uirgo adhuc sit, dulcis quidam ac penè diuinus sonus exauditur. siue quòd canorum spiritum intra calamos reconditum locus ille habeat, siue quòd Pan fortè ipse canat. nec multo post antri ualue sponte recluduntur, uirgoq; pineis frondibus redimita conspicitur. sin autem uirginem se mentita fuerit, pro fistula cætu fletum quendam spelunca emittit. populus itaq; relictâ inibi muliere confestim abijt: uirgo autem loci eius antistita tertio demum die speluncam ingressa, fistulam quidem humi delapsam, mulierem uerò nusquā reperit. id uobis discriminis subeundū erit: cuius qui exitus futurus sit, etiam atq; etiam cogitate. ac si uiri adhuc expers Leucippe est (id quod ipse sanè peruelim) alacres periculum facite, propitiam uobis fistulam habituri: cuius iudiciū nemini unquam fraudi fuit. Sin minus, uos enim scire debetis quā multa uerisimile est eam uel inuitam pertulisse, cui toties in insidiatorum manus deuenire contigit: tum Leucippe antequā ceptū sermonem sacerdos finiret, Atqui quod ad me, inquit, attinet, ne sollicitus sis, ego enim fistula antrum promptè ingrediar, atq; illud nullo adiutore

tore concludetur. Est id mihi, inquit sacerdos, per iucundum : tuamq; tibi continentiam et felicitatem gratulor. Sed cum iam advesperasset, nostrum unusquisq; , ubi sacerdos prescripserat, cubitum abiit. Clinia nobiscum haud quaquam coenauerat, hostiti enim oneri esse volebamus, sed eò se receperat, ubi pridie quoq; fuerat diuersatus. Caterum Sostratus ijs auditis quæ de fistula narrata fuerat, subuereri nobis uisus est, ne uerecundia erga se nostra ad mentiendam uirginitatem adduceremur. Quam ob rem ego puelle clam nutu indicaui, ut illum patri timorem eximeret : quo enim maxime modo id ei persuaderet, didicerat, idemq; et ipsa suspicari mihi uisa fuerat. quid enim meus ille nutus sibi uellet, statim percepit : ac iam etiam antea, quam ei annuerem, nonnulla excogitauerat ad persuadendum quam appositissima. Cubitum enim itura, patre salutato, bonoq; animo esse iusso, Verbis, inquit, pater nostris fidem habe : nemo enim nostrum, ita me Diana seruet, ulla in re mentitus est. Postridie illius diei, cum uictimæ in promptu essent, Sostratus et sacerdos sacris peragendis operam impenderunt. Conuenit autem etiam diuinæ rei particeps futura concio. Deæq; magno cum plausu acclamatum est. Thersander autem (aderat enim et ipse) in præsidis conspectum progressus, Vadimonium, inquit, nobis in crastinum

rum differ:quem enim tu heri damnasti, nonnulli
missum fecerunt, Sosthenesq; nusquam inuenitur.
Itaque factum fuit. nos 'que interea, ut uadimo-
nium longè paratiores obiremus, operam dedi-
mus. Cuius cum dies tandem aduenisset, Thersan-
der hunc in modum uerba fecit: Quibus utar uer-
bis, unde' ue initium dicendi sum am, quos prius, &
quos posterius accussem, non satis scio: multa enim,
& à multis audacter facta, mihi dicenda sese offe-
runt magnitudine inter se paria, & manifestiora,
quàm ut hac in accusatione referri à me debeant:
quanq̃ ea quæ animus cõcepit, uereor ut explicare
oratione possim, aliarum præsertim rerũ memoria
linguã ad se trahẽte. quippe dũ ad illa q̃ nondũ di-
cta sunt, oratio festinat, facultatẽ eripi mihi sentio,
quoniam res iam susceptas absoluã. etenim cũ alio-
rum seruos adulteri necent, alienis coniuges sica-
rij uiolent, damnatos à supplicijs lenones eripi-
ant, sanctissima Deorum templa meretrices pro-
fanent, sint etiam qui ancillis herisq; diem dicant,
quæ adulteria, quæ sacrilegia, quas cædes, quæ de-
niq; flagitia non sibi licere quiuis existimet? Vnum
quæso, aliquem uos quauis de causa (nihil enim re-
fert) capitis dānate, atq; in custodiã supplicio serua-
tum dari iubete, ut is demum candida pro uinculis
stola circumdatus, uestrum in conspectũ ueniat, &
inter liberorum hominũ ordines reus sedeat. quid?
quod

qd' uocē forsan etiā emittere, ac uerba cōtra mē,
 aut potius contra uos, sanctionesq; uestras facere
 audebit? RECITA PRAESIDVM, CON
 SILIARIORVMQ. DECRETVM.
 auditisne quam de isto sententiam, me accusatore,
 tulistis? Decretum quidem certē semel à uobis est,
 Clitophontem morte mulctandum esse. Vbinam
 igitur lictor es, quin hunc sublimem raptum abdu-
 cis? quin ei uenenum præbes? iam enim quod ad le-
 ges attinet, mortuus est, supplicijq; abiit dies:
 Quid uerò ais tu religiosissime atq; ornatissime an-
 tistes? quānam, obsecro te, lege cautum est, ut qui à
 concione, summisq; magistratibus uinculis & mor-
 ti addicti sunt, à iudicum seueritate uindicari &
 catenis exolui debeant? aut maior ut tua sit, quā
 præsidium, atq; magistratuum potestas? age iam
 tuo è solio Præses descende, huicq; imperium, ac iu-
 dicatorum auctoritatē omnem permitte: nihil enim
 iuris tibi amplius in quempiam est: nec in scelestos
 ac nefarios homines tibi animaduvertere amplius
 licet. iste enim hodie quē uult, absoluit. Quid ue-
 rò tu tanquam priuatus aliquis inter nos stas? quin
 potius ascendis, atq; in præsidis solio sedes, ius no-
 bis posthac dicturus, aut si mauis tyrannicē, legum
 omnium atq; iudiciorum auctoritate neglecta, im-
 peraturus. nec uerò te hominem tantum puta, sed
 cum Diana ipsa, cuius tibi honorem turpiter arro-
 gasti,

gasti, æquè coli iube: ea enim sola est ad quã cõfugientes ad se, illos sciicet quorũ causa nondũ à iudicib. cognita est, seruare pertinet. ac quamuis ne minem illa unquam in custodiam datum soluerit, neminem unquam morti addictum è licitorum manibus eripuerit (infelicibus enim, non impijs deorũ aræ præsidio esse consueuerunt) unus tamen tu inuentus es, qui reos è carcerib. emitteres, damnatos absolueres. quod quid aliud sit, quàm Dianæ auctoritate antecedere uelle, non uideo. At uerò quis unquam delubrum carceris loco inhabitauit? quod nunc planè fieri constat: sicarius enim atque adulter intactam apud Deam moratur. O indignum facinus, adulterum apud uirginem diuersari, unaq; impudicam ac fugitiuam mulierem adesse. tu enim, uti uidimus, illam hospitio conuiuioq; accepisti: fortè uerò etiam in templo, tanquã meretricia aliqua in cella, cum ea simul cubuisti: Dianæq; sanum in adulterorum et scorti contubernium commutasti: in quo non minus inhonestè, quàm scortatores lenonia aliqua in domo, cuncti uersati estis. Hæc mihi, quæ primo loco in hosce ambos dicerem, occurrerunt. quorum alterum audaciæ ac temeritatis suæ poenas daturum arbitror: alterum uos iam tandem supplicio affici iubete. Nunc ut de adulterij rea Melite uerba faciam, locus postulat. quæ in re nequaquam mihi oratione opus est: quandoquidem ex ancillis habita de eis quæstione ueri-

tatem inquiri debere, sancitum est. Eas igitur adduci postulo: quæ si tormentis adhibitis in hoc manserint, ut dicant nescire se damnatum istum multo cum ea tempore consueuisse, domiq; meæ mariti, nedum adulteri, loco diuersatum esse, nulla causa est quin ego nunc ab omni eam accusatione liberam dimittam: sin minus, dote illam mihi adiudicanda, uti lege cautum est, priuari: hunc uerò morte, debita scilicet adulteris poena, mulctari oportere, aio: qui siue pereat ut adulter, siue ut parricida, utriusq; criminis reus cum sit, non sanè magni refert. tametsi enim poenas dederit, non tamen dedisse uidebitur, nimirum quia morte semel affectus, alterius etiam mortis reus futurus est. Reliquum nunc est, ut de hac serua mea, uenerandoq; sene isto, eius patrem se mentiente, sermonem faciam: uerùm eò usq; differre mihi animus est, dum de hisce alijs decernatis. atq; hic ille dicendi finem fecit. Tum uerò in medium progressus sacerdos, homo ad dicendum impiger, & in Aristophanis lectione haud oscitanter uersatus, sanè quàm urbanè atque comicè in flagitiosam Thersandri adolescentiam inuectus: Probos, hercule, inquit, uiros coram dea tam petulanter maledictis insectari, oris est omnino impuri. is autem non hic modo, sed alibi etiam passim effundendis contumelijs paratam linguam semper habuit: quippe adhuc impuber cum impudicissimis quibusq; uersatus, o-

mnem

mnem in hoc ætatem consumpsit. Cumq; à pudore quàm longissimè abesset, disciplinarum tamen studiosum se simulans, continentiam præseferbat, ijs interim obnoxius atque obsequens, pro libidine se abutebatur: paterna enim domo relicta, conductum à se tugurium incoluit, ac partim quidem in foro canitans, partim uerò neminem uitans eorum quos ad ea quæ cupiebat idoneos cognosceret, quæstum fecit. atq; his artibus cum animum suum excoleret, prauitatem tamen dissimulabat. Vidimus uerò ipsi, ut in gymnasijs membra inungeret, stadiumq; circuiret, ut adolescentes, quibus cum luctabatur (ad fortiores autem sese imprimis applicabat) corpore illius abuterentur. atq; hæc quidem adolescens. Nam posteaquam uirilem ætatem attigit, quæcunque clam ab eo antea gesta fuerant, palàm fecit. iamq; natu grandior, cum ad ea patiendæ quæ alteri facere collibuerat, exoleuisset, nihil pensi habuit, nisi unam ad petulantiam linguam exacuere: qua semper ad turpitudinem ita usus est, ut in omnes conuicia euomuerit, uultu eam, quam animo conceperat, procacitatem præseferens, consque ut quem uos sacerdotio dignum iudicauistis, coram uobis tam petulanter exagitare ueritus non sit. Quod si mihi alibi, quàm in uestro omnium conspectu uixisse contigisset, copiosius utiq; de me, deq; ijs quorum consuetudine usus sum uerba facere me, sat scio, oportet:

ret: sed quando uos mecum ipsi scitis, quàm procul
semper uitam duxerim ab ijs quorum iste me in-
simulat, ea tantum refellam, quæ mihi nunc ab eo
crimini dantur. Soluisti, inquit, morti addictum:
atq; hic quidem uehementer indignatus est, tyran-
num me appellitans, aliaq; permulta maxima
cum acerbitate in me iactans, quasi demũ tyran-
nus ille sit, qui insontes atq; indemnatos, non au-
tem qui calumniatores, seruat. Verũ agè obse-
cro, quibus' nam legib. peregrinum tu adolescentẽ
hunc in carcerem primũ intrusisti? quis Præsi-
dum id censuit? quibus iudicijs homo uinciri iussus
est? Sed ut omnium quæ asseris reum esse fatea-
mur: nõne legis officium est, inquirere, argumen-
tisq; conuincere? non'ne legis, quæ in te aliosq; o-
mnes imperium habet, munus est, uinciri iubere?
neque enim cuiquam in alium sine iudicio ius est.
quod si tu hoc tibi arrogas, cur non igitur forum
claudis, curiam demoliris, magistratus ejicis? nam
quæ tu tu mihi ante Præsidentem obiecisti, iustius in
te ueriusq; dici possunt: Assurge Thersandro Præ-
ses, Verbo enim tenus tantum dignitatem hanc ob-
tines: re autem uera hic, quæ te facere decet, immo
etiam quæ tu nullo modo facere auderes, omnia
unus facit. Tu cõsiliarios habes: sine quibus nihil tibi
decernere licet. Sed neq; quicquam est, quod tu
pro tua auctoritate statuere prius audeas, quàm
hoc in solo confidas: nec enim quempiã domi tuæ
in

in uincula conijci iuberes. At generosus homo iste
populus, concio, præsēs, præfectus, omnia deniq;
unus factus est. domi punit, ius dicit, uinciri iubet:
ac iudicij quidem tempus uespera est. O iudicem
nocturnum, egregium sanè, & lepidum: qui nunc
quoque identidem exclamat, Reum, neq; serua-
tum soluisti. At quem reum, quam necem? rogo
te, damnationis causam eloquere. Cædis, inquires,
condemnatus est: interfecit igitur? at quæ nam ea
est quam interfecit? potesne ostendere? minimè her-
cule: quam enim necatam asseris, coràm astantem
uides: neq; te tamen adhuc cædis hominem accusa-
re pudet: haud enim id puellæ simulacrum est: ne-
que aduersum te mortuam Pluto ad nos misit. Tu
potius cædis, ac duplicis quidem, damnandus es:
qui puellam prædicatione occidisti, adolescentem
uerò re occidere tentasti. Quinimo eam ipsam
quoq; re necaturus fuisti. eorum enim quæ ruri co-
natus es, conscij facti sumus. uerùm magnum Dia-
næ numē uirig; auxilio fuit, alteram è Sosthenis, al-
terum è tuis manibus eripiendo. Atqui Sosthenem
etiam tute procul amandasti. An non te pudet, qui
non hosce peregrinos accusas, sed, quod summum
in te est calumniandi studium, demonstras? Hæc
habui, quibus obiecta mihi ab isto crimina dilue-
rem. nam quod ad peregrinos istos attinet, eorum
ego defendendorum locum hisce relinquo. Itaque
cum nominis haud sanè obscuri patronus pro me,

ac pro Melite uerba facturus esset, alius quidam
è Thersandri aduocatis, cui Sopatro nomen erat, or-
rationem eius anteuertens: Atqui meus hic, inquit,
optime Nicostrate, sic enim patronus meus uoca-
batur, contra istos adulteros dicendi locus est: alter
uerò tuus. Thersandri enim oratio in accusando
sacerdote omnis uersata est, nec nisi parua admo-
dum partem attigit eorum quæ ad reum istum
pertinent. Quam ob rem cum una, itemq; altera
morte dignum eum probauero, tum erit tibi quoq;
diluendorum criminū tempus. quæ cum dixisset,
perscripta atq; ad mentiendum parata fronte, Sa-
cerdotis equidem, inquit, fabulam oninem petulan-
tam sanè ac turpem audiuius: qua non, nisi falsa
in Thersandrum crimina commentus est, sumpto
potissimum ab ijs sermonis in illum exordio, quæ
de eo Thersander dixerat. Verum Thersander ijs
quæ in ipsum dixit, falsi nihil admiscuit: nam &
reum è uinculis exemit, & scortum hospitio acce-
pit, & cum adultero diuersatus est. is autem dum
Thersandrum in inuidiam trahere studet, uitam
eius culpando, omnia per summam calumniam e-
git. Sacerdotem autem, si quid aliud, illud certè in-
primis decet, linguam à calumnijs habere quàm
alienissimam: ut eius in eum dicta retorqueam. Cæ-
terum, ut ad ea ueniamus aliquando, quæ post a-
ctam fabulam omiſſis ambagibus palam elocutus
est, cōquerens manifestò deprehensum adulterum
à nobis

à nobis in uincula coniectum fuisse, non potui non uehementer admirari quid causæ sit quam ob rem in exoletis istis defendendis tantopere sacerdos elaborare uoluerit: tametsi me id diuinasse puto.

Nempe adulteri huius, & scorti faciem contem-
templatus est: quorum altera formosa planè, ac te-
nerioris ætate, alter non modò non deformis, sed
aspectu etiam blandus, ad suas ipsius uoluptates i-
doneus iudicatus est. horum igitur uter te magis de-
lectat? Simul enim omnes perpotatis, simul discum-
bitis: neq; ullus est noctium uestrarum spectator.
quàm uereor, ne Dianæ quod fuit, Veneris ut sit,
templum effeceritis. uerum de sacerdotio, an scili-
cet honorem istum habere te oporteat, post decer-
netur. nã quod ad Thersandri mores attinet, nemo
est qui nesciat quàm modestè ac temperanter à
teneris usq; unguiculis uitam egerit: qui cum pri-
mum per ætatem licuit, uxorem secundùm leges du-
xit: quamuis in faciendo de ea iudicio se ipse fefel-
lerit: aliam enim atq; putarat, generi & fortunis
credens, inuenit. uerisimile quippe est illam antea
quoq; cum alijs consueuisse: quos optimum uirum
celauerit. tandem uerò pudicitiam in propatulo
habuit, atq; in omni libidine sese effudit: uiro enim
peregrè profecto, tempus illud ad cupiditates suas
explendas opportunum rata, impudicum istum a-
dolescentem ad eam rem misera cepit (quæ enim
miseria maior esse potest, quàm eum habere ama-

torem, qui inter fœminas uiri, inter uiros fœminæ munus obeat?) quem non sat habuit in aliena ciuitate in stuprum illexisse, nisi tanto maris spacio peragrato huc perduxisset, unà cum illo interim semper cubans, atq; in nauì cernentibus cunctis uoluptatem capiens. ò libidinem terræ, mariq; communem. ò adulterium Aegyptum Ioniamq; occupans, adulterium quidem sunt quæ committant, sed semel tantum: quod si eandem in turpitudinem rursus delabantur, certè factum huiusmodi mortales omneis celant. mulier autem ista non modò tuba, uerumetiam præcone adhibito, obscenè se oblectauit. adulterum Ephesij omnes cognouerunt, nec tamen eam uel tantulum quidem puduit unquam. hæc ornamenta formosum scilicet adulterum istum, ne sine corollario à peregrina terra domum reuerteretur, egregia sibi mulier comparauit, ac tanquam preciosas aliquas merces secum aduexit. At qui uirum, inquiet illa, perisse putabam. rectè id quidem: nam si ille obiit, cui dubiū sit quin absolui debeat. uiro enim è uiuis sublato, adulterij nomen tolli necesse est, cum labefactari matrimonium nequeat, nisi superstitute marito pudicitiam uxor inhonestè habeat: quæ alioqui, uiro defuncto adulterij argui non potest, sicut uiuo potest. Tum uerò Thersander Sopatri sermone interrupto, Atqui quod a me proposueram, questionibus, inquit, amplius opus non est. ego, quod ad Meliten

atinet,

attinet, atq; eam quæ peregrini huiusce sacrorum auctoris filia perhibetur, uerè autem serua mea est, has conditiones fero. RECITA CONDI-
TIONES. Thersander de Melite ac Leucippæ (sic enim prostitutam hanc uocari aiunt) conditio-
nes hasce proponit, ut illa, quandoquidem nullam sibi, me absente, cum peregrino isto stupri consuetu-
dinem fuisse ait, id iureiurando affirmet, atq; in sa-
cræ Stygis fontem descendat: indeq; si peierasse non comperiatur, absoluta dimittatur: altera uerò hæc, si mulier facta est, hero suo seruitutē seruiat: neq; enim mulierib. nisi si quæ seruæ sint, Dianæ templū ingredi fas est: sin uirginem sese affirmat, in fistulæ antrum concludatur. Tum nos conditio-
nem statim accepimus: nō enim dubitabamus, quin Leucippæ uirgo adhuc esset. Melite quoq; confisa nihil id temporis, quo Thersander absuit, sibi me-
cum, exceptis colloctionibus, commune fuisse, At qui ego quoq; inquit, conditionem non respuo: il-
ludq; etiam, quod maximū est, addo, neminē prorsus aut ciuem, aut peregrinum fuisse, qui cum eius modi mihi cōsuetudo fuerit, cuiusmodi ipse ais. ue-
rū si meū falso detulisse nomen deprehendaris, quas de te poenas sumemus? Quas iudices, inquit Thersander, censuerint. ijs peractis cōcio dimissa, decretumq; factum est, ut postridie de conditioni-
bus experiremur. Porro autē de Stygis fonte res ita ferè se habet. Virgo fuit olim formosa, Rho-

dopis nomine, uenatu gaudens, pedum uelocitate,
iaculandiq; peritia insignis admodum, & cingu-
lum, & mitram ueste genu tenus succincta, capil-
loq; detonso gestare consueta. eam cum uidisset,
probassetq; Diana, uocatam uenatum secum du-
xit: prædaq; ut plurimum inter eas communis e-
rat: quam ob rem illa uirginitatem seruare, uiro-
rumq; consuetudinem usquequaq; uitare, ac Vene-
ris contumelias nunquam perpeti iurauit. quod si-
mulatq; Venus persensit, ira commota puella sta-
tuit superbiâ ulcisci. Fortè accidit, ut adolescens es-
set Ephesius inter uiros æquè formosus, atq; inter
uirgines Rhodopis: quem Euthynicum appella-
bant. is & uenandi studio, quem ad modum Rhodo-
pis, tenebatur, & à Veneris pariter illecebris ab-
horrebat. Igitur cum uenatum ambo exissent, eò
se clam Venus contulit, ferasq; ab eis agitatæ aliâ
atq; alium cursum tenentes in unū compulit: mox
Diana absente filiū cōueniens mater, Nonne hos,
inquit, fili arcanorum nostrorū expertes, nobisq;
inimicos uides? quid, quòd puella etiam conceptis
uerbis audacissimum sanè contra me iusiurandum
iurauit. tu nunc illos ceruam sequentes cernis: qua
propter uenari tu quoq; incipe, atq; ab audaci pu-
ella uindictæ initium fac. telū tuum certius omni-
no fuerit. ita tunc ambo, in ceruam uirgo, in uirgi-
nē Cupido, arcus intenderunt. nec uani fuere ictus:
nam uenatrix etiam ipsa præda fuit, ac cerua qui-
dem

dem in armo, puella uerò in corde uulnus accepit,
cuius ea uis fuit, ut Euthynici amore statim flagra-
ret, qui non ita multo pòst pari et ipse uulnere per-
cussus est: ac tum quidem mutuò sese contueri, atq;
alter in alterum obtutus defigere coeperunt, atq;
adco ut neuter in diuersum aciem uellet inclinare.
Cæterum utriusq; uulnera paulo pòst cicatricem
obduxerunt, amorq; illos in anurum, ubi nunc fons
est, deduxit, ubi iurisiurandi fides abrogata est. Po-
stea cum ridentem Diana Venerē conspicata, rem
cognouisset, puellā in fontem illic, ubi pudorē ami-
serat, cōmutauit. Hinc factū est, ut cum uiolata ali-
qua pudicitiae arguitur, eum in fontē descendere
cōpellatur, cuius unda uix medias tibias attingit. Iu-
diciū autē fieri hoc pacto consuevit. quæ delata
est, falso se insimulari iurat: iusiurandūq; in tabel-
la descriptum collo suo alligatum sustinens, in fontē
descendit. ac si uerum iusiurandum iurauerit, aqua
omnino immota manet: sin minus, intumescit, atque
ad collum usq; se attollens, tabellam comegit. hæc
dum loqueremur, tempusq; ad uesperam inclina-
ret, seorsum dormiturus quisq; discessit. Postridie
multitudo uniuersa conuenit: cui uultu hilari Ther-
sander præibat, nosq; identidē intuebatur. At Leu-
cippe sacram, atq; ad pedes usq; demissam, ac te-
nuissimis filis intextam, zonāq; succinctam stolam
induta, et purpureis uittis redimita, nudis pedib.
perq; decenter speluncā ingressa est. quæ dum ip-
se

se spectare, tremore correptus sum: mecumque solus:
Mihi quidem certe, inquam, dubium non est, quin
uirgo adhuc sis Leucippe. sed tamen cum mente
agito qui sit Deus iste, timere cogor, ne uidelicet fi-
stula etiam tu illic fias. illa quidem Panem per aperta
loca insequentem facile effugit: nos uero te, quasi ob-
sidem, hasce intra ualuas inclusimus, ut ne si sequa-
tur, fugiendi tibi sit potestas. Verum tu o herce Pan
propitius nobis sis, neque loci leges, quas nos quoque
obseruauimus, transgrediaris: quin nimo inta-
ctam nobis Leucippen reddas: eiusmodi enim cum
Diana tibi foedera ista sunt: neque uirginem fal-
las. Hæc dum mecum loquerer, suauis exaudiri
sonus coeptus est. Ac fuerunt qui dicerent, sua-
uiorem nunquam auditum fuisse. Antri quoque
ualuæ sponte sua statim patuerunt: ita Leucippe
prodiit: multitudoque uniuersa præ uoluptate ac-
clamare, ac Thersandrum conuicijs consecrari coe-
pit. ego uero quantum leticiæ animo concepe-
rim, nulla unquam oratione satis explicare possem.
Hac una, et ea quidem præclarissima uictoria no-
bis parta, inde digressi ad Stygis fontem perueni-
mus, ut conditionis alterius periculum faceremus.
Populus ad uidendum iam se comparauerat, re-
liquaque omnia in promptu erant. itaque tabellam col-
lo Melite alligauit, intrepidoque uultu in fontem
descendit: Vnda, ut erat, humilis remansit, nec tan-
tulum quidem consuetum excessit modum. Quam

ob rem, ubi tempus manendi in fonte præterijt. Præses mulierem dextra prehensam ex aqua eluxit, duobus iam certaminibus deuictò Thersandro: qui cum tertio quoque se uictum iri animaduerteteret, cursu domum se recepit, ueritus ne à populo lapidibus obrueretur. nam cum iam Sosthenem adducerent adolescentes duo Melites cognati, duo item famuli, ad illum querendum ab emissi, atque id Thersander procul agnouisset, factum indicatum iri uidens, si de Sosthene quaestio haberetur, arrepta fuga urbe noctu excessit. Interea Sosthenē in custodiam dari Archontes iusserunt. nos modis omnibus excussi magna cum omnium commendatione absoluti fuimus. Postridie Sosthenes ab ijs qui ei rei præerant, ad Archontes ductus, simulatq; parata sibi esse tormenta intellexit, continuo et quæ Thersander aggressus fuerat, et quæ ipse illi suggessisset, unà etiam cum ijs omnibus quæ ante Leucippes ostium priuatim de illa secum ambo differuerant, palàm confessus est: ideòque poenas daturus in carcerem denudò coniectus. Thersander autem (iam enim absens erat) exilio mulctatus fuit. Nos ab Antistite, ut antea quoque accepti, quæ priore in coena dicenda superfuerant, et præsertim si quid ærumrarum nostrarum prætermiseramus, recensere perreximus. Leucippe quoq; patrem non amplius uerita, utpote quæ uerè uirgo inuenta fuisset, ca-

sus nō sine uoluptate suos cōmemorabat. Cui ego,
 posteaquam ad Pharum & Pratas uentum est,
 Quin tu igitur inquam, Phariorum prædonum cō-
 mentum, abscissisq; illic capitis ænigma nobis ex-
 plicas, ut id etiam patri tuo innotescat? hoc unum
 enim ad rem omnem intelligendam desideratur.
 Tum illa, Mulierem, inquit, ex ijs quæ precio pro-
 stant cum allexissent, nautarum uni eam in uxo-
 rem daturus se esse pollicentes, in naui posue-
 runt, quam ob rem quidem adesset, uerè nescien-
 tent, sed piratarum uni, qui eius amator esse fire-
 batur, occultè adiunctam. Postea uerò cum me ra-
 puissent, remisq; ac uelis fugæ incumbentes nauē
 insequentem uiderent, detracto miseræ illi uestitu
 omni, eo me adornauerunt, meoq; deinceps ornatu
 indutam illam summa in puppi collocarunt ita, ut
 à persequentibus cerni posset, ac capite priuarunt:
 cadauereq; ut uidisti, in mari proiecto, caput ali-
 quamisper intra nauim, uti ceciderat, tum retinu-
 erunt. quod non ita multo post cum iam qui se se-
 querentur, nullos amplius haberent, pariter est
 deiectum. mihi uerò incertum est, eāne de causa,
 an potius ut quod de me postea factum est, uenun-
 daretur, mulierculam illam comparassent. illud
 certè constat, eam mei loco, ut insequentes elude-
 rent, iugulatam, existimantibus illis maius ex mei
 quàm illius uenditione lucrum se facturos. atq; hinc
 etiam factum est, ut Chæream, qui eius necandæ
 abij-

abijciendæq; suasor & auctor fuerat, meritas dan-
tem poenas uiderim. Nam cum reliqua piratarum
multitudo ei me soli dimittere negaret, propterea
quòd paulo antea mulierem aliam, quæ uendita
magno eis lucro futura erat, habuisset, meq; mor-
tuae loco uendi, ac pecuniam in commune conferri
oportere diceret, ille autem causam suam de-
fendendo repugnaret, pactum' que se cum ijs
esse affirmaret, ut non publicæ omnium utili-
tatis, sed priuatae sui ipsius gratia meraperent,
alijs etiam grauioribus additis, confidenter ad-
modum asseueraret, eorum unus qui fortè post
eum constiterat, meritò quidem caput illi abscidit,
atque ita non iniustas rapinae ipse quoque poenas
luens, in mare deiectus fuit. Piratae biduo post ne-
scio quò delati, mercatori cuidam, familiari suo,
mercator Sostrheni accepta pecunia me concessit.
Tum Sostratus: Posteaquam uestros, inquit, filij ca-
sus cōmemorastis, agite dū quæ de Calligone Clito-
phontis sorore domi acta sint, ex me quoq; audite,
ne solus ipse narrandi omnino immunis abeam. e-
go uerò sororis nomine audito attentior factus, Ut
lubet, inquam, pater, siquidem de uiuente dicturus
es. Tum ille, quæ antea ipse narraui, omnia recen-
suit, Callisthenem scilicet, oraculum, sacrificium,
nauculam, raptum: illud etiam addens, Callisthe-
nem cum inter nauigandū rescuisset Calligonem
filiam suam non esse, tametsi rem contrā, quàm pu-
tarat,

tarat, euenisse cognouisset, nunquam tamen amare illam destitisse, sed ad genua eius prostratum, huiusmodi ferè locutum esse: Ne me ô heræ prædonem, flagitiosum'ue aliquem esse putes: qui nobili loco natus Byzantiorum, nemini genere cedam. has insidias tibi me latronū more parare amor coegit. Verū tuum me posthac mancipium puta: tibi enim memet in primis, deinde fortunas, quantas nunquam tibi pater dedisset, uolens lubensq; trado: quinetiā à uirginitate tua uiolanda quādiu uoles, abstinebo. his ille atq; alijs etiā ad persuadendum aptioribus (erat enim cū aspectu decorus, tum in dicendo & argutus & uehemens nimio plus) puellam suam in seuentiam pertraxit. ac posteaquam Byzantium reuersus est, dote ingenti pacta, multisq; alijs, ueste scilicet, auro, cæterisq; rebus ad beatarū mulierum ornatū spectantibus magnificè præparatis, puellam sanè q̄ splendidissimè adornauit, qualemq; illam rapuit, uirginem, uti antea promiserat, manere passus est. Ipse uerò plerisq; in rebus tractandis elegantem, moderatumq; ac mansuetum se præstitit. adolescentisq; noua quædam mutatio repente facta est: nam & senioribus assurgebat, et obuijs quibusque salutem prius reddere studebat, quā accepisset, cum que antea immodicè sui profusus esset, priore luxuria in prudentia mutata liberalitate, demceps erga eos qui egerent, uti cœpit, ut mirarentur omnes

nes tam subito ex tam prauo tam frugi euasisse.
Me uerò præ cæteris obseruabat : ipse que contrà
illum deamabam, & priorem luxum admirabi-
lem quandam naturæ largitatem potius, quàm in-
temperantiam fuisse animaduerti. ac mihi tum
uenit in mentem illud quod de Themistocle olim
dictitatum fuit : qui cum in adolescentia perquàm
dissolutus esset, omnes tamen deinceps Athenienses
prudencia & fortitudine superauit. Me itaque
poenitebat hominem, cum filiam dari sibi peteret,
repudiassse : nam & maximum mihi honorem tri-
buebat, & patrem appellabat, armatusq; per fo-
rum comitabatur. Sed nec à bellicis studijs animus
eius abhorrebat : quippe in equestribus certaminibus
perquàm strenuè se gerebat, utpote qui primæ
illa etiam intemperanti ætate equis, quanquam te-
merè, & ad luxum paratis, gauderet. Cæterum,
cum uirili eius robore aucto sensim rerū quoq; u-
su, præcipuum in eo studium fuit, bellicas res for-
titer multifariamq; tractare. multo quin etiam æ-
re suo priuato Rempub. iuuuit, mecumq; unà militi-
ductor creatus est : unde maiorem quoq; mihi hono-
rem habuit, obsequentem sese in omnibus præstās.
Postea uerò quàm de hostibus, Dijs ipsis nobis co-
ràm astantibus, uictoriam reportauius, Byzan-
tium reuersi, ego huc Dianæ, ille Tyrum Herculi,
ad gratias referendas missi sumus. Sed prius tamen
dextera prehensens me Callisthenes, que sibi Cal-
ligones

ligones causa facta fuissent, cōmemorauit, eorum in-
 quiens, pater, quæ antea fecimus, iuuentus natu-
 ra audacior causa fuit: quæ uero pōst iudicio adhi-
 bito commissa fuerunt. uirginem enim puellam ha-
 etenus seruauī, belli præsertim tempore, quo nemo
 sibi oblata perfruendarum uoluptatum occasio-
 nes abire pati uult. nunc eam Tyrū ad patrem du-
 cere, & ab eo sicuti leges iubent, in uxorem acci-
 pere, omnino constitui. quod si impetrauero, id o-
 ptimè: sin autem difficilis ille atq; morosus spon-
 dere negauerit, uirginem etiam filiam suam sibi ha-
 beat: quam tamen ego Hercule non contemnenda
 dote confecta in uxorem lubens duxerim. Tabel-
 las uerò etiam quas antequam ad bellum exirem,
 puellam Callistheni nubere optans conscripseram,
 tibi recitabo: in ijs enim genus illius, dignitatem,
 rei militaris usum recensui. quæ autem inter nos
 pacti eramus, hæc sunt. * Mihi uerò, si etiam pōst
 Thersandri prouocationem secundum nos iudica-
 tum fuerit, Byzantium primū, deinde Tyrum
 nauigare in animo est. Hic cum ille dicendi finem
 fecisset, cubitum se quisq; nostrū ubi pridie quo-
 que somnū ceperat, cōtulit. Postridie reuersus ad
 nos Clinia, Thersandrum noctu solum uertisse, ab
 eoq; nō quod se quicquam affecuturum speraret,
 prouocatum fuisse: sed id cause sumptum, ut indi-
 cio eorum quæ ausus fuerat, faciendo moram in-
 iiceret, narrauit. Nos triduum adhuc morati,

(ad

(ad tantum enim temporis uadimonium durabat)
 Præsidem rursus conuenimus: recitatisq; legi-
 bus, ex quibus nullam Thersandro nos accusan-
 di causam fuisse apparebat, navi conscensa, le-
 uissimo'que flante uento, Byzantium, ubi pero-
 ptatas consecimus nuptias, deinde Tyrum navi-
 gauimus. Quo in loco, cum biduo post illuc ad-
 uentasset Callisthenes, patrem ob sororis nuptias
 postera die sacra facturum comperimus. Assuimus
 itaq; ut unâ operaremur: Deosq; ut nostras om-
 nium nuptias felices fortunatasq; esse uellent,
 precaremur, eo consilio, ut hieme il-
 lic acta, Byzantium re-
 diremus.

FINIS.



Ob. 6. II. 3348





